



**Confessio, das ist, Bekenntnis des Christlichen Glaubens: Dem  
aller Durchleuchjtigsten vnd Grosmechtigsten Römischen zu  
Vngarn und Behem etc. Ko?nig Ferdinando, Von den Herrn  
und Ritterschafft der Kron Behem, welche der reinen Lere in  
den Christlichen Gemeinen, so man der Behemischen Bru?der  
einigkeit nennet, zugethan vnd verwand sind, zu Wien in  
Osterreich auff den 14. Nouembris, im 1535. Jar vberantwort  
vnd verdeutscht, im Jar 1564.**

<https://hdl.handle.net/1874/422551>

The image shows the front cover of an antique book. The cover is decorated with a traditional marbled paper pattern, often referred to as a 'stone' or 'shell' pattern. This pattern consists of dense, overlapping, wavy bands of color, primarily in shades of deep red, vibrant blue, and golden yellow, with occasional white or cream-colored highlights. The overall effect is a complex, organic, and shimmering texture. The book's spine is visible on the left side, showing the edges of the pages which appear aged and slightly yellowed. In the bottom-left corner, there is a small, circular, off-white paper label with the number '5.' printed on it in a simple, black, serif font. The book is set against a dark, solid background, which makes the colors of the marbling stand out more prominently.

5.

**Dit boek hoort bij de Collectie Van Buchell  
Huybert van Buchell (1513-1599)**

**Meer informatie over de collectie is beschikbaar op:**

<http://repertorium.library.uu.nl/node/2732>

**Wegens onderzoek aan deze collectie is bij deze boeken ook de volledige buitenkant gescand. De hierna volgende scans zijn in volgorde waarop ze getoond worden:**

- de rug van het boek
  - de kopsnede
  - de frontsnede
  - de staartsnede
  - het achterplat

**This book is part of the Van Buchell Collection  
Huybert van Buchell (1513-1599)**

**More information on this collection is available at:**

<http://repertorium.library.uu.nl/node/2732>

**Due to research concerning this collection the outside of these books has been scanned in full. The following scans are, in order of appearance:**

- the spine
- the head edge
- the fore edge
- the bottom edge
- the back board

E. Oct

2 3 3











E. oct.

233<sup>s.</sup>





E. N. 2537  
CONFESSIO,

Das ist/

**Bekentnis des**

**Christlichen Glau-  
bens:**

**Dem aller Durchleuch-  
tigsten vnd Grosmechtigsten**

**Römischen zu Ungern vnd Behem etc.**  
König Ferdinando/ Von den Herrn vnd Rite-  
terschafft der Kron Behem / welche der reinen  
Lere/in den Christlichen Gemeinen/so man der  
Behemischen Brüder einigkeit nennet/zugethan  
vnd verwand sind/ zu Wien in Osterreich auff  
den 14. Nouembri/im 1535. Jar vbers-  
antwort vnd verdeutsch/ im

Jar 1564



Psalm. 119.

Ich rede von deinen zeugnissen fur Rös-  
seligen/vnd scheme mich nicht.

**Witteberg/durch Johan. Schwertel.**

1573



## Actorum 24.

Ich bekenne dir / das ich nach diesem wege /  
Den sie eine Secten heissen / also diene dem Gotte  
meiner Väter / da ich glaube allem was ge-  
schrieben stehet im Gesetze / vnd in den Prophe-  
zen.

## Joh. 15. Psalm. 35.

Sie hassen mich on vrsache.

## Psalm. 69.

Ich bin frembd worden meinen Brüdern /  
vnd unbekandt meiner Mutter kindern.

## Psalm. 94.

Der HERR wird sein Volck nicht ver-  
stossen / noch sein Erbe verlassen / Denn rechte  
mus doch recht bleiben / vnd dem werden alle  
frome hertzen zu fallen.

## Psalm. 140.

Ich weis / das der HERR wird des elen-  
den lache / vnd der Armen recht ausfüren / Auch  
werden die Gerechten deinem Namen dancken /  
vnd die fromen werden fur deinem angesicht  
bleiben.

# Vorrede Do- ctor Martin Luther. verdeutschet.

**W**erwol die Brü-  
der in Böhem  
vnd Merhern/  
ires Glaubens  
bekentnis vnd le-  
re/ gründlicher vnd artlicher an-  
tag geben / vnd ausgehen haben  
lassen / denn das sie weder mei-  
nes rhümens noch Vorrede be-  
dürffen / Dennoch diess weil sie nu  
viel Jar her mit dem heffigen  
namen Dickharden / als Ketzer  
vnd abtrünnige verleumbdet  
sind worden / habe ich fur gut  
angesehen / inen auch mit mei-  
nem

nem zeugnis/ so viel mir müglich  
zu dienen/ so anders mein kund-  
schafft etwas gilt/ beuor bey den  
Vnseren / vnd allen der rechten  
waren Gottseligkeit/ liebhabern.  
Den was die Papisten von mir  
halten/ gibt mir billich nichts zu  
schaffen / als die schon lengst ein  
verworffen vnd zurrüthen sinns  
Volck/ vnd wie abermal Sanct  
Paulus saget / Sündlich/ vnd  
von im selbst williglich verdampt  
ist/ Ich bin inen / vnd sie mir ge-  
creuziget.

War da ich ein Papist  
war/ das ist / ein vber die massen  
hitziger Euerer der Römischen  
satzung (dann den itzigen Papi-  
sten / die wider vns schreiben/ ist  
es lange nicht so erust als es mir  
gewesen/ sondern sind ganz kalt/  
vnd

vnd thun was sie thun /entwe-  
der aus hass /oder vmb schendli-  
ches gewins willen / theten des  
gleichen wider das Papstumb/  
wo sie bey vns mehr guts vnd  
ehr /denn bey den Papisten zu er-  
langen hoffeten) so lange ich  
auch / sage ich / ein Papist war/  
hasset ich warhafftiglich / vnd  
von hertzen diese Brüder / aus  
grossen euer Gottes vnd der  
Religion / nicht von irgend eini-  
gen genies oder rhums willen.  
Ja als ich ein mal on gefehr ober-  
etliche Johansen Hussen bücher  
kam / vnd darin befand / das er  
die heilige Schrift so gewaltig-  
lich vnd rein handelte / das ich  
darob auch verstärkte / warumb  
doch der Papst vnd das Conci-  
lium zu Costnitz solch ein grossen

ketoren Man verbrand hetten /  
erschrack ich zu hand / thet das  
Buch wider zu / als der besorget /  
das vnter dem honig etwa giffte  
verborgen stecket / damit mein  
einfalt möcht versehret werden /  
So gewaltiglich regierte in mir  
die betörung des Papssts vnd  
Conciliums namen.

Uer da es nu nachmals  
dem gefiel / der mich aus Mutter  
leib abgesondert / mir das Kind  
des verderbens zu offenbaren / be-  
sprach ich mich durch viel Di-  
sputation vnd vnterredung / mit  
Fleisch vnd Blut / vnd mit den  
frömbsten vnd besten Leuten / die  
ich ankomen kondt. Denn ich be-  
fürchtet mich / das ja das Licht /  
welches in mir war / nicht ein fin-  
ster

sternis wer / so gar trawet ich  
mir selbst nicht / vmb der lenge/  
breite vnd tieffe wellen Bepfili-  
cher Maiestet vnd gewalt / von  
welcher ich bisher stracks geglei-  
bet hab / sie würde vom heiligen  
Geist regiert / vnd künde keines  
weges irren / bis so lange ich all-  
gemach / von tag zu tag stercker  
ward / vnd vnter des auff / vnd  
nach meinem geringen angrieff/  
scharmützel vnd vorspiel die Pa-  
pisten / als die wilden wellen des  
Meeres / wie Judas saget / Ir ei-  
gen schand ausscheumeten / Da  
begunt ich erst den Bapst ver-  
dechtig zu halten / algemach zu  
uerachten / vnd entlich (da in sei-  
ne eigene ruckhelder / vnd Bes-  
schirmer / durch ire vnnütze Bü-  
cher / die eiteler sind / denn die ei-

telkeit selbs veruntrauwen / ja  
auch verliessen) für den greuel  
an der heiligen stet zu erkennen.

Da sieng sich meines her-  
zens freud an/ vnd als ich mich  
rings umbher wol umbgesehen/  
rhümet ich die jenigen für lauter  
Heiligen vnd Märterer/ welche  
der Papst für Ketzer verdampt  
vnd umbgebracht het / vnd son-  
derlich deren Christliche schriff-  
ten oder bekentnis ich bekommen  
möcht. Von den andern ge-  
dacht ich/ das sie entweder nicht  
überwunden weren / oder aus  
schwacheit geirret hetten/ welches  
man hette zum besten wenden  
sollen/ wo die Papisten des heili-  
gen Pauli rat hetten folgen wol-  
len / der da spricht / So ein  
Mensch

Mensch etwa von einem feil über  
eilet würde / so helfft im wider zu  
recht mit sanftmüthigem Geiſt/  
die jr Geiſtlich ſeid / vnd ſihe auff  
dich ſelbs / das du nicht auch ver  
ſuchet werdeſt. Aber ſie folgeten  
des Satans wüten vnd grim  
men / vnd herſcheten über die  
Schaf Chriſti / wie Ezechiel ſa  
get / hart vnd ſtrenge / dauon ſie  
auch noch nicht abſtehen.

Unter dieſen aber ſind mir  
auch dieſe Brüder / ſo man Dick  
harden nennete / für komen / die  
mir nun hinſurder nicht ſo ver  
haſſet / als zuuor in meiner Pa  
piſterey. Zu dem / ſo fand ich un  
ter inen diß einig groſ wunder /  
ſo im ganzen Papſtumb ſchier  
nie erhört / Als nemlich / das ſie /

a v hinc

hindangesetzt der Menschen lere/  
so viel inen möglich/sich in dem  
gesetz des **HEXEN** tag vnnnd  
nacht oben/vnd das sie auch in  
der heiligen Schrift erfahren/  
geschickt vñ gefasset sind/so doch  
im Bapstumb vnserer Magistri  
die heilige Schrift genzlich ver-  
achten/vnd hindan setzen/derer  
titels vnd namens sie sich hoch  
rühmen vnd auffblasen/vnd viel  
aus inen die Biblien nie gesehen  
haben.

Wiewol es nicht wol anders  
hat sein können/weil die sprach-  
en/nicht allein die Griechische  
vnd Ebreische/sondern auch die  
Lateinische wenig geübet wor-  
den/denn das inen etliche punct-  
ten tunckel blieben. Vnd ist die-  
ser gebrech bey inen daraus ent-  
stan-

standen / das da sie der Sophi-  
sten vnd Mönche / Dornhecken/  
vnd faule stinckend Gesümpffe  
haben meiden wollen / sie sich da-  
runter der Freien Künst enthal-  
ten. Dahin sie auch durch ar-  
mut gedrungen worden / nach  
dem sie sich irer hand arbeit nee-  
ren haben müssen.

Aber nu mehr thun sie sich  
viel freier / zierlicher vnd artiger /  
wil auch wol sagen klerer / besser  
vnd richtiger erfur / also das ich  
verhoff / sie werden allen recht-  
schaffenen Christen lieb / werd  
vnd angenehm sein / Ja das wir  
auch Gott vnd dem Vater vn-  
ser. HErrn Ihesu Christi auff's  
höchste danck sagen müssen / wel-  
cher nach dem Reichthumb sei-  
ner

ner herrligkeit / das Liecht seines  
worts / aus der Finsternis hat  
herfur leuchten vnd scheinen heis-  
sen. Damit er abermal in vns  
den tod zerstöret / vnd das gna-  
den leben erleuchtet. Vnd frew-  
en vns billich mit jnen / beide irer  
vnd vnser selbs halben / das wir /  
so bisher aus verdacht einander  
fur Ketzer gehalten / vnd fern von  
einander gewesen / nu aber nach  
dem solcher argwon auffgehob-  
ben / nahe zusamen geruckt / vnd  
semplich in einen Schafstal ge-  
bracht / vnter den einigen Hirs-  
ten vnd Bischoffen vnserer See-  
len / welcher gelobet sey in ewig-  
keit / Amen.

Da nu in dieser irer Con-  
fession / etliche vnterscheid furko-  
men

men werden/ in Kirchengebrau-  
chen vnd Ceremonien/ oder von  
der Jungfrawschaft / So last  
vns bedencken / das niemals in  
allen Kirchen gleiche/ oder einer-  
ley gebreuche / ordnung vnd sa-  
kung gewesen sind/ noch sein mö-  
gen. Denn solches auch die  
manchfeltige gelegenheit der Leu-  
te/Land vndzeiten nicht leiden.  
Es sey vnd bleibe nur die Vere  
des Glaubens vnnnd wandels /  
gantz vnd vnuerruckt. Denn  
dieselb sol gleich vnd einstimmig  
sein / wie Paulus offte verma-  
net / Fūret allzumal (spricht er)  
einerley rede. Vnd abermal/  
Das jr einmütiglich mit einem  
munde/Gott vnd den Vater vns-  
fers HErrn Ihesu Christi lo-  
bet.

Denn

Dem das der Ehestandt  
bey jnen den gestalt / wie bey vns  
frey sein solt / das leidet jr standt  
vnd wesen nicht / in des ist es  
gnug / das man leret vnd glau-  
bet / das die Ehe on verletzung  
des glaubens vnd gewissens / je-  
derman frey / vnd keinem nicht  
Sünde sey. Demnach befehl ich  
im HErrn / allen Gottseligen  
Christen / diese derselben Brüder  
bekentnis / darin sie klerlich se-  
hen werden / wie gros gewalt  
vnd vnrecht jnen geschehen / das  
sie bisanher von den Papisten  
verdampft / geplaget vnd  
beschweret sind wor-  
den.

1535

Vor-

# Vorrede:

An den Christlichen /  
Gottseligen Leser.

Aus dem Latein verdeutsch.

**S** hat der gnedi-  
ge/ gütige Gott / len-  
ge/ denn vor ander-  
halbhundert Jaren im  
Land zu Böhem / zu  
Prag in der Stadt  
des Königlichen Hofflegers / vnd in der  
Vn iuersitet daselbst / den Gottseligen  
Man / vnd heiligen Merkerer Ihesu  
Christi Johann Hussen / vnsern Lands-  
man / erwecket / welcher an denselben or-  
ten anfangen solte / die warheit des  
Euangelij wider auffzurichten / vnd von  
dem Bepstischen Aberglauben / vnd  
verfelschungen die wider zu bringen /  
dazu in die Bücher des Wicliessen aus  
Engel

land geholffen / vnd anweisung gegeben / Welcher Wicel bey 20. Jahren zu vor / ehe denn **N**as zu leren angefangen / in seinem Vaterland eines sanfften todes verstorben / ob wol er zu vor mancher ley verfolgungen aufftreiben / vnd vertreibung erlitten.

**W**iewol wir aber fur vns selbst erkennen / das alle das jenige / so Gott der **HERR** in vnserem Vaterlande Behemen / durch **Johann** Nussen / vnd seine Nachkommen gewircket hat / nur ein anfang der sachen gemacht / vnd nicht zu vergleichen sey / mit dem so nachmals in der Chur Sachssen / vnd Vniuersitet Wittenberg / die Menner Gottes / **D. Martinus Luther** / vnd Herr **Philippus Melanthon** / auch andere Gottselige vnd gelerte Leut anderswo / gethan vnd bewiesen haben / welche die ganz widergebrachte Christliche lere in ein ganzes Corpus zu samen gebracht vnd verleibt / vnd alles geschicklich gefasset haben : So hat es doch Gott also  
gefals

gefallen / ehe denn er dieselben Lere sei-  
ner Kirchen erwecket / mitler zeit in vn-  
serem Vaterland Behemen / vnserer  
Kirchendiensten daselbst zu gebrauchen /  
welche das jenige / so vnser lieber Prece-  
ptor Johann Nus angefangen / aus-  
breiten / erhalten / erweitern vnd fortset-  
zen solten. Denn von dem tod Johann  
Nussen / bis auff das Jar Christi / 1530.  
Da die Augspurgisch Confessio / Keiser  
Carl dem 1. vbergeben / sein 115. Jar /  
Das aber diese ganze zeit vber / solcher  
115. Jar / der samen der rechten vnd je-  
nigen Lere / zu der wir vns noch heutigs  
tags bekennen / im Land Behemen er-  
halten vñ behalten würde / das hat Gott  
durch vnser Vorfaren gewircket / vnd  
weisen vnser Landshistorien aus / mit  
was grosser gefahr / für vnd für / in stet-  
werenden iren verfolgungen / vnd da sie  
von einem ort zum andern on vnterlas  
vertrieben / sie solchs gethan vñ erhalten  
habē / wie viel sie auch bluts darüber ver-  
gossen. Denn nach dem das Concilium  
zu Cosimis den Nussen verurtheilet / ha-

ben die Bepstfischen / vnd ganze Cleri-  
sei in Behemen / von der zeit an nicht  
auffgehört / wider alle die jenigen / so sich  
zu der reinen Lere bekenneten / als das  
von Nussen vbergeblieben Neufflein / zu  
wüten / vnd inen keine bleibende noch  
ruwige stat jemals gelassen.

Wd ob wol aus vnseren Königen  
einer etwas gnedigers als der ander sich  
erzeiget / haben doch die Bepstfischen  
niemals vnterlassen / dieselben alle / wi-  
der die armen Christen zuuerhehen / ob  
sie wol nicht bey einem jeden König glei-  
cher gestalt / was sie gesucht erhalten / et-  
liche Könige auch so Gottselig / from  
vnd weis gewesen / das sie solchem vnse-  
rer Widersacher suchen / gar kein stat  
geben / noch die sich bewegen lassen.

Wald aber nach Johannis Nussen  
tod / hat sich ein zwispalt zwischen sei-  
nen Zuhörern / Jüngern vnd Schülern  
zugetragen / die als denn in zwey teil  
von einander getretten.

Das

Das eine teil hat sich gnügen las-  
sen an dem Sacrament des HERN  
bendmals/das es dasselbig ganz behielt/  
vnd des Kelchs auch geniessen möchte/  
vnd das ander alles hindan gesetzt vnd  
faren lassen.

Der ander teil sein Eiuerer gewe-  
sen / welche aus eiuere der warheit/vnd  
das sie wüsten was die Heiligen/ das ist  
Christen wissen sollen/ beide alle ande-  
re / was sie von irem Meister gelernet/  
nachzukomen/vnd was sie ferner selbst/  
in vnnachlessigem irem studieren der  
heiligen Schrift / teglich von Bepfif-  
schen greueln vnd verfelschungen ver-  
merckten / alles miteinander auszutil-  
gen sich bestieffen / vnd dem gewalt/so  
wider irer Kirchen geübt würde/sich zu  
wider setzen vnterstunden. Es sein aber  
doch beide teil semplich wider den Bep-  
fifischen hauffen/von wegen des mords/  
der an Johann Nussen begangen/ vnd  
inen weh thet/ Auch von wegen stetiger/  
vnnachlessiger verfolgung/damit sie be-  
drenget wurden in grosser feindschaffe

wider den gegenteil entbrandt / vnd ist  
dieselbe ire anfeindung von dem disputieren / schelten vnd schmechen / folgents zu vielfaltigen Morden / eines des andern geraten / vnd denn ferner von dannen in Aufrühr vnd Krieg / vnd gewliche Schlachten ausgebrochen / vngesehrlich das vierde Jar / nach dem Johann Nus verbrandt. Der zeit denn einer vom Adel / Zisca genandt / angefangen / sich zu einem Obersten vnd Herfürer beider parten / der Suerer vnd andern / gebrauchen zu lassen / Denn ob wol diese beide teil fast in allen Artickeln / der meinung vneins / dieweil sie doch beider seits eines Meisters Jüngern / haben sie sich zusammen gehalten / vnd mit gesampeter hand vnter einem Heubtman dem Zisca Krieg gesurt. Vnd hat dieser Zisca / was vnrecht vnd gewalt / von den Bepstlichen inen widerfahren / vnd die ermordung des vnschuldigen Nussen / beide bey seinen Landsleuten vnd Benachparten / Als der ein schrecken in gantzem Römischen Reich gemacht /  
eben

eben hefftig gerochen/ vnd den Wider-  
sachern in vielen grossen Schlachten/  
in vnd aussershalb des Lands/ obgesiegt/  
wie wol es/ er der Zisca nicht lange ge-  
trieben/ denn sein lauff nicht gar fünff  
Jar gewesen / als der im Jar Christi  
1424. im zug in Merhern/ im Leger zu  
Pribislaw/ so in Behemen ligt/ an der  
Pestilens gestorben ist. Der jenige teil  
aber / den wir zu einem vnterscheid hie  
bevor die Eiuerer genennet/ hat damals  
zur zeit derselben lermen / eine Stade  
seiner Feinde / im Land zu Behem/ im  
strich gegen Bechin gelegen/ zerstört/  
alda jr Leger geschlagen/ vnd nahe da-  
bey ein ander vnd neue Stad gebawet/  
die sie Labor genennet / vnd von dan-  
nen hat dieser teil nachmals den namen  
bekonten das man sie Laboriten geheis-  
sen / welche der rechten waren Lere der  
alten Kirchen erfarme Leut gewesen/ wie  
ire Schrifften vnd Disputationes mit  
den Magistris zu Prag ausweisen/ so  
beide in vnserer Behemischen vnd La-  
teinischen sprach ausgegangen. Der an-

der teil der Hussiten / hat den namen  
vom Landt behalten / das man sie die  
Behemen genennet (wie denn auch et-  
wan beide teil also genennet sein wor-  
den) welches teil man auch die Calixti-  
ner / das ist / die Kelchischen genennet /  
darumb das sie des ganzẽ Sacrament /  
vnd des Kelches des HErrn sich ge-  
brauchten / Man hat sie auch Pragen-  
ses / das ist / die von Prag genennet / als  
die zu Prag gesessen / Denn die furne-  
mesten Theologen dieses teils sein Ma-  
gistri von Prag gewesen / werden auch  
in den Historien also genennet / wil man  
denn der zeit die Theologen vnd Docto-  
res der heiligen Schrift Magistros zu  
nennen gepfleget / Dieser teil allein hat  
damals in Behemerland das erhalten /  
das es vnter vnd neben den Papisten vn-  
gehindert Kirchen versamlungen hal-  
ten / vnd ein ruwige / bleibende stat ha-  
ben möchte / wie sie denn beides noch ha-  
ben vnd behalten / auch leichtlich erhal-  
ten können / denn sie nichts / in einigem  
fall / anders leren / thun oder haben / als  
die

die Bepfirschen/ aussershalb diesem/ das  
sie im Sacramēt des Altars des Kelchs  
des H. Erren geniessen/ vnd in iren Kir-  
chen irer angebornen Behemischen  
sprach brauchen/ da sie doch/ in hochge-  
dachtem diesem Sacrament des Abend-  
mals / alle Bepfirsche Abgötterey vnd  
Aberglauben behalten / vnd vber dis/  
solches auch den kleinen vnmündigen  
Kindern reichen / Das sie also aus den  
vier Artickeln der alten vertreg mit den  
Nussiten/ so man Compactata nennet/  
die zween obgemelte Artickel allein hal-  
ten/ vnd doch auch dieselben nicht aller-  
ding rein noch vnuersehret. Es haben  
aber auch die genantē Laboriten/ nach  
Zisce absterben / ire Kriegsfürer vnd  
Heubtleut gehabt / vnd haben etliche  
viel Jar / neben vnd mit den anderen  
Behemen / vnd mit gesampter hand /  
beide dahem im Land zu Behemen / ge-  
stritten / vnd sein aussershalb des Lan-  
des / in den benachparten Landen / als  
Merhan/ Osterreich/ Meissen/ Boit-  
land/

land / Baiern / iren Feinden / so mit  
Heeres krafft wider sie gezogen / begeg-  
net / welche damals mit hauffen wider  
sie / als die vberbliebene Hussiten / ge-  
schickt wurden / vnd mit gedachten die-  
sen iren Feinden sehr grosse Schlachten  
gethan / deren trefflich viel erschlagen /  
vnd wider sie obgesieget / als nemlich /  
die ganze zeit vber / die zwischen Zisce  
absterben / vnd dem Concilio zu Basel  
verlossen / welches Concilium den auch /  
damit die Behemen ~~gestillet~~ wurden /  
furgenommen / dieweil durch Krieges v-  
bung wider sie wenig nutz geschafft  
noch ausgericht worden. Endlich aber  
sein die Laboriten auch durch den  
schein vnd behülff der Compactaten /  
genzlich vntergedruckt worden / Man  
hat aber Compactata genennet / die  
vertrags Artikel / wie obgemelt / so zwi-  
schen den Calixtinern vnd Pepsischen  
auffgericht. Diese vnterdrückung der  
Laboriten hat sich zugetragen / vnge-  
fahrlich 28. Jar nach Zisce tod / vmb  
das Jar Christi 1443. denn nach dem  
sie

sie ire Furer vnd Heuptleut verloren/  
auch alle gelegenheit vnd vermügen  
(sich wider ire Feinde Die Calixtiner  
vnd Bepstischen auffzuhaltten) hin ge-  
wesen/haben sie nothalben müssen vom  
Kriegen ablassen/vnd nach dem sie also  
fast zehen Jar zuvor/ mit Kriegen still  
gesehen/haben sie sich als denn auff das  
disputieren geben/vnd mit den Calixti-  
nern fast dieselben ganken 10. Jar/die  
sie/wie gemelt/Kriegshalben still gese-  
sen/disputieren ~~gese-~~ gepfieget / vnd nicht  
nachgelassen / dieser gestalt mit jnen zu  
streiten / bis entlich durch hinderlistige  
geschwinde practiken / vnd vntrew des  
Rockezanes/ auch diese Disputatores/  
so noch von den Kriegsleuten vberblie-  
ben / auch gengklich verdrusket vnd aus-  
getilget worden / das also als denn gar  
keine Laboriten mehr / jrgendt eines or-  
tes / vbergeblieben / vnd das ist gesche-  
hen / vmb die zeit da der Wolgeborenen  
Herr Georg Bodebrad / zu einem Kö-  
niglichen Stadhalter erwelet / da König  
Lasla der erst noch vnmündig.

Wen dieser zeit/ vnd vmb das Jar  
Christi 1457. bey regierung König  
Lasla des ersten/ haben sich die jenigen/  
so vnser Kirchen gestiftet/ von den Ca-  
lixtinern gesondert / vnd sein als denn  
durch dieselbe new sonderung von inen  
abgetreten / denn nach dem dieselben  
Gottselige vnd verstendige Leut/vnser  
Stifter vnd Vorfaren/ ein lange zeit  
zugesehen / das anders nicht als mit  
schenden vnd schmechen / auch morden  
vnd todtschlagen / die sachen zwischen  
den Laboriten/ Calixtinern vnd Bep-  
stischen gefüret worden/ vnd das auch/  
nach dem die Laboriten vntergedruckt/  
sie an die Bepstischen wachsen/vnd mit  
denen zu thun gewonnen / auch ganz  
kein surgenomen handlung oder dispu-  
tatio/einigen nutz schaffen/noch etwas  
helffen wolte / vnd das mitler weil/die  
ware Lere nicht gebawet/kein Kirchen-  
zucht gestiftet / vnnnd der Calixtini-  
sche Prediger / Ročekzan genandt/  
durch seine vnbständigkeit / alle sachen  
je lenger vnd mehr verwirret/ das also

zu besaren sein wolt/ es möchte die ware  
Lere /welche der Hus wider auffzurichte  
het angefangen/ ganz vnd gar vnterge-  
druckt werde / Da sein als denn/ vnd zu  
solchen zeiten vnd zustandt/ obgedachte  
vnserere Vorfaren / von den Calixtinern  
abgetreten / haben einen andern Euer  
als etwan die Laboriten geciuert/ vnd  
nichts anders gethan/ denn auff dis al-  
lein gesehen/ das sie hindan gesetzt alles  
gezeucl / die Lere rein erhielten/ vnd den  
Samen der selben auff die Nachkomen  
bringen vnd forsetzen / vnd mit gutem  
gewissen Gott anruffen vnd ehren möch-  
ten / es gieng jnen gleich darüber wie  
Gott wolle/ vnd vben Menschliche ge-  
walt/ vnd ire Widersacher mit iren ver-  
folgungen/ was sie wolten. Diese sein/  
wie gemelt/ vnserere Stieffter vnd Vor-  
faren/ deren Lere/ surnemen/ vnd arbeit/  
wir bis auff diesen tag nachfolgen/ vnd  
dis ist der anfang vnserer Kirchen/ die  
man die Brüder nennet / welchen na-  
men/ von alten zeiten her/ der ersten wi-  
derbringer der Christlichen Lere in Be-  
hemen

hemen / auff sie gebracht / sie also noch  
behalten / vnd haben jnen den nicht aus  
einem furwis / aberglauben / oder zu ei-  
nem schein einer sondern heiligkeit selbst  
gemacht / da doch dieser name an im  
selbst gar nicht feindselig / der auch Chri-  
sten gar nicht vbel ansichet / wie man  
denn auch / ehe denn der Christen nam  
zu Antiochia auffkomen / die Gleubigen  
nicht anders als Brüder genennet hat /  
so pfleget auch Paulus mit seinen Kir-  
chen / semplich vnd sonderlichen / also  
zu reden / das er sie Brüder nennet / Es  
hat auch der heilige Merterer Johann  
Nus seine Mituerwandten vnd Zuhö-  
rer / Brüder geheissen / wie aus seinen  
Predigten vnd Sendbrieffen zusehen /  
vnd wird vns des guten willen / so wir  
zu jm haben / billich niemands verden-  
cken. Mit was grossen gefahr aber die-  
se vnser Vorfaren / die ware Lere bis  
auff vnser zeit hero gebracht haben / wil  
sich nicht gebüren / das wir es von jnen  
rühmen sollen / ~~S~~ haben aber die Be-  
pftischen / je vnd allwegen alle feindliche  
an.

anfechtungen gegen vns furgenommen/  
so haben sich die Calixtiner dergleichen/  
für vnd für gar nicht Brüderlich gegen  
vns verhalten / da sie doch billich vnser  
semptlichs herkommen bedencken solten/  
vnd von des wegen / vns alle Brüderli-  
che trew zu leisten schuldig sein / wie sie  
denn von alters vnser Brüder sein.

Wol aber die vnseren allwegen  
vnbeschweret / den jenigen / so das von  
inen begert / ires glaubens rechenschafft  
geben haben / wie es denn Christen an-  
ders nicht gebürt / vnd der Apostel auch  
solches zu thun befihlet / nach dem sie  
doch bisweilen mit dieser / vnd bald mit  
einer anderen beschuldigung vnd auff-  
lage / hart beschweret worden / sein sie  
gedrungen worden / bekentnis irer Lere  
vnd Glaubens / etlich malen ausgehen  
zulassen / Von allerersten aber haben  
vnser Kirchen ein bekentnis / in etliche  
Artickel verfasst / M. Johann Rocke-  
zan vbergeben / vnd bald hernach die an-  
dere König Georgan / lenger denn vor  
hun-

hundert Jahren / bald anfangs vnserer  
versammlung / da noch vnserer Kirchen  
gar jung vnd hart / vnd im Königreich  
Böhem / nicht fast ruwige zeiten wa-  
ren / als aber / nicht lange hernach / vnse-  
re Leut / aus den Königlichen Stedten  
vertrieben worden / haben sie auch den-  
selbigen Stedten / so sie vertrieben / ein  
bekentnis vbergeben / die etwas weitlau-  
ftiger vnd ausführlicher geschrieben.  
Nachmals / vber etlich viel Jar / haben  
sie König Lasla den ~~andern~~ / nach dem  
es die not also damals erforderte / zwo  
Bekentnis schrifften vbergeben / erstlich  
ein kurze / im 1504. vnd im dritten  
Jar hernach / das ist / im Jar Christi  
1507. die ander / so etwas lenger vnd  
weitlauftiger / welche beide Schrifften  
in Böhemischer vnd Lateinischer sprach  
im Druck ausgegangen / vnd vnter den  
Leuten sein. Sie haben auch König  
Ludwigen / Ladislai Son / ein kurz be-  
kentnis geschrieben / Anno 1524.  
Entlichen / acht jar hernach / das ist / des  
Jars Christi 1532. Als der zeit der  
Durch

Durchleuchtige / Hochgeborne Fürst /  
Marggraff Georg zu Brandenburg /  
löblicher gedechtnis / von dem Wolge-  
bornen Herrn Conraden von Kraieck /  
einen bericht begeret / wie es vmb vnser  
Kirchen ein gelegenheit hette / Da ist  
an stat einer Bekentnis von den vnse-  
ren in Deutscher sprach etwas verferti-  
get (welchs den die erste deutsche schrifte  
ist / so die vnsern haben ausgehen las-  
sen / denn vor der zeit die vnsern nur die  
Behemische sprach / vnd in etlichen we-  
nigen die Lateinische sprach in jren  
Schriften gebraucht / dieselbe deutsche  
Schrifte / ist als bald folgents jar Chri-  
sti 1533. zu Witteberg / auch aus  
Herrn D. Martini Lutheri anschaffen /  
wider gedruckt worden / vnd nachmals  
im 1568. Jar / abermals in Deutsch-  
land / wissen aber den ort nicht anzuzei-  
gen / denn es on der vnseren verschaf-  
fung geschehen / vnd haben die jenige so  
es damals gedruckt einen brechtigen /  
vnd solchen Titel darauff gemacht / de-  
ren gleichen vnser Kirchen nicht pfle-  
gen

hen zugebrauchen / Es ist aber doch  
nachmals im 1538. Jar / dieselbige  
Schrift wider vbersehen / gemehrt / vnd  
in das Latein gebracht / vnd zu Witte-  
berg gedruckt worden / vnd hat den Ti-  
tel / das es ein Apologia oder verantwor-  
tungs Schrift sey / der waren Lere / der  
jenigen / so man Waldenser nennet / vnd  
ist vor dieselbe Schrift ein lauter be-  
richt gestellet / was es fur ein Buch sey /  
vnd wie offte vnd mancherley es aus-  
gangen.

Als aber / vmb dieselbe zeit / vnse-  
re Kirchen von iren Widerwertigen /  
mit gar harten vnd vnbillichen auffla-  
gen gescholten vnd bedrenget wurden /  
auch also / das sich eines offentlichen  
gewaltsamen vberfals von dem gemei-  
nen Man zu befaren sein wolt / auch die  
Leut mit auffrührischen schreien / etli-  
cher Prediger vns todt zuschlagen ver-  
hetzet worden / da haben die vnsern diese  
achte ire Confession oder Bekentnis  
Schrift in Bohemischer Sprach / vnd et-  
was

was weitleufftiger vnd vollkomener / als  
zuuor jemals gestelt / vnd doch allein /  
wie zuuor allwegen / nur von den srei-  
tigen Artickeln bericht gethan / welche  
vnsrer Kirchen Confession oder Be-  
kenntnis / die jenigen Herrn vnd vom  
Adel / so vnsrer Kirchen zu gethan /  
vnd in jren Herrschafftten vns beher-  
bergen / der zeit Römischen / vnd in Be-  
hemien König Ferdinando etc. vberge-  
ben / ist geschehen im Jar Christi 1535.  
da denn Königlichē Maiestat dieselbe  
angenomen / vnd den abgesandten / ob-  
gedachten Herrn / vnd von der Ritter-  
schafft / ein ganz gnedige antwort ge-  
ben hat / Dieselbe Confessio ist als bald  
darauff Behemisch im Druck aus-  
gangen / vnd bald darnach in das La-  
tein gebracht / vnd von der Schul vnd  
Kirchen zu Witteberg würdig geach-  
tet worden / das sie daselbst gedrucket  
würde / wie sie denn damals daselbst ge-  
druckt worden / vnd hat zu solcher gele-  
genheit / der furtreffliche Man Herr

D. Luther / dieselbe mit seiner kundtschafft gezieret / die er in ein Schrifft gefasset / vnd zu einer Vorrede fur die selben vnser Confession hat drucken lassen / wie wir denn dieselbe seine Vorrede / zu vnseren ehren / auch dieser zeit weisen vnd furstellen / Wiewol vnser Kirchen auch vor der zeit / vnd etwas eltere kundtschafft vnnnd vertrauen / mit dem Herrn Luthero gehabt / zu dem wir auch vor der zeit etliche vnser Gesandten abgefertiget / sich mit ime zu vnterreden / mit denen er auch ein Christlich / Gottselig gesprech gehalten / vnd sich ganz freundlich gegen denen erzeiget hat / so wissen wir von vielen seinen reden zu melden / wie ehrlich er vnser versamlung gedacht / können auch seine Brieff furlegen / die er an die vnseren geschrieben / daraus zu vernemen / was der thewer Man von vns gehalten / Diejenige kundtschafft aber / damit er der zeit / vnd in seiner Vorrede / vnser Kirchen / vnd derselben Bekenntnis ge-  
zie-

zleret vnd gechret / wollen wir hiemit  
entgegen stellen/ vnd gestellet haben  
(wenn Menschen vrtail sollen bedache  
werden) allen denen so mit Lutheri an-  
sehlichem Namen vñ schrifften/ bis an-  
her die vnseren/ wasserley weges das ge-  
schehe / zu drucken sich vnterstanden/  
oder noch forthin sich vnter stehen möch-  
ten / denn es nicht zu erweisen / das er  
nachmals je anders von den vnseren ge-  
schrieben/ als er in obgesetzter Vorrede  
(welche wir auch dieser zeit / zu dieser  
vnser Bekentnis haben fur drucken las-  
sen) sich erkleret / wie es denn einem so  
hohen standhafften Man vnd Theolo-  
gen anders nicht gebühren wolte/ da er  
nu vor derselben zeit (wie etliche aus  
vnseren Widersachern fur geben wol-  
ten) etwas anders/ oder anderer gestalt/  
von vns geredt oder geschriben haben  
solte / so weiset dieses sein letztes vrtail/  
so er von vns gefellet / gnugsam aus/  
das er hiemit alle dasselbe/ was er zuvor  
von den vnseren gesprochen / jme mis-

fallen lassen / vnd das er / was geschehen  
aus einem irthumb / als der vnbericht/  
gethan habe / Denn wir nicht zuuerhal-  
ten wissen / das Herr Doctor Lutherus  
etwan solches ding von vnseren Kirch-  
en geglaubet / vnd sich bereden lassen /  
auch in seine Schrifften gebracht /  
welches sich keines weges also verhellet /  
derwegen denn auch vnserē Kirchen in  
besprechen müssen / er hat aber den vn-  
sern damals ein solche antwort geben /  
daraus zu verstehen / das er erkendte was  
geschehen war / vnd sich entschuldigte /  
als der gemeinen sagen gefolget het /  
er wolte es aber zu seiner zeit vnd stell/  
wider zu recht bringen / wie wir denn die-  
ses alles mit gar herrlicher kundschafft  
zu beweisen / vnd darzuthun wissen.

Wachmals im Jar Christi 1564.  
ist dieselbige Confessio / die wir König  
Ferdinando vbergeben / von vns wider-  
holet vnd vberschen / vnd etwas volkome-  
ner vnd eigentlicher in Behemische  
sprach /

sprach/ vnd bald darnach in das deutsch  
von den vnseren gebracht worden/welchs  
Deutsch wir derselben<sup>er</sup> irer Maiestat  
Son/vnd nachgehendem König in  
Behemen/vnd ist regierendem Kaiser/  
Maximiliano dem andern etc. fürge-  
tragen/vnd derselben Maiestat der-  
gleichen/sampt dem Deutschen vnse-  
rem geistlichen Gesangbuch/ vbergeben  
haben/ Dieweil aber auch im König-  
reich Polen/viel Herrn vnser Kirchen  
bey sich vnterkommen lassen/hat man al-  
so vrsach gewonnen / das man dem  
mechtigen König zu Polen/Sigmun-  
do etc. gleiches lauts diese vnser Con-  
fession / zu Warsau auff dem Land-  
tage / in Polnischer sprach vbergeben/  
Dieselbe Confession / haben wir auch  
gleiches inhalts in das Latein bringen  
lassen / der gestalt wie die nechst ver-  
gangnen Martij dieses 37. Jars / zu  
Witteberg ausgangen / die wir denn  
hiemit gleicher gestalt zu Deutsch in  
Druyck verordnet.

D Jeses haben wir hiemit also  
aus vnseren verzeichnissen / von dem  
herkomen vnserer Kirchen / vnd was fur  
Bekentnis oder Confessiones von de-  
nen ausgegangen / kürzlich mitnehmen  
vnd erzelen müssen / Vnd zu dieser ih-  
gen vnser Bekentnis / als zur Vorrede  
bringen / vnd das aus vielen vrsachen /  
furnemlich aber / damit meniglichen /  
vnd den jenigen / die vnser Historien  
nicht wissen / kundt werde / das wir die  
rechten des Nussen Nachkomen sein /  
vnd die jenigen / so von seinen Schü-  
lern vbergelassen / vund die das jenige  
Liecht / welches zu derselben zeit ange-  
fangen auffzugehen / vnd etwas grösser  
gewesen / als viel Leut ihund glauben /  
fortbrennen vnd schützen / damit man  
auch spüre / wie es nicht on vrsach ge-  
schehe / das / da doch sonst so viel gu-  
ter Schrifften vorhanden / wir dennoch  
auch vnser Bekentnis ausgehen / vnd  
dieser zeit von neuen drucken lassen /  
wissen wir / das viel fromer Leut / die  
die

die widergebrachte Lere / der Euange-  
lischen warheit liebhabey / vnd der zu-  
gethan sein / von vnseren Widersa-  
chern / durch falsche bericht vnd ver-  
leumbdung / also verführet sein / das sie  
vns für Waldenser halten / der gemei-  
ne Man aber / helt vns / das erger ist /  
für Picarden / da sie doch nicht zu sa-  
gen wissen / was Picarden sein oder  
gewesen / Man findet auch wol / die  
vns in verdacht haben / als ob wir auch  
von der Wittenuffter Schwermerey  
nicht ganz rein sein solten / So ist ein  
vnrühige Person in dieser meinung // *Wittenuffter*  
man wisse vnser herkommen so gar nicht /  
das die vns auch nechst vergangner Jar  
bereden wollen / wir solten in Welsch-  
land / vnd weis nicht wohin mehr / Ge-  
sandte abfertigen / die sich daselbst von  
vnserem herkommen befragten / da es  
doch gar keines nachfragens oder for-  
schen bedarff / vnd vnser zeit verzeich-  
nus vnd Jar Chroniken / auch andere  
Schriften vnd Bücher der vnsern /

so beide in Behemischer vnd Lateinischer  
er sprach ausgegangen/ vns eine gnugsame  
vollige wissenschaftt dieses alles  
machen. In kurtz/ aber von den Wal-  
densern zu berichten / sein dieselben  
Kirchen viel elter als die vnsern/ vnd  
haben iren namen von einem Bürger  
von Lyon/ Baldus genandt/ wie man  
sagen wil/ vnd von derselben Stad her/  
hat man sie die Armen von Lyon ge-  
nennet / welche hin vnd wider in der  
Christenheit zur streit / von drey hun-  
dert vnd mehr Jaren her/ ire Kirchen  
vnd Versammlung gehabt haben / vnd  
wie man sagt/ noch auff diesen tag ha-  
ben sollen / vnd sein zu denen zeiten/ da  
vnseren Kirchen erstlich sich angefangen  
zu versamlen/ in den benachparten Lan-  
den vmb Behemen/ als furnemlich in  
Osterreich vñ der Marck/ etliche Wal-  
denser gewesen/ Diemeil sie aber/ als die  
durch Bepstliche tyränney verdrucktet/  
keine öffentliche Kirchen versamlun-  
gen halten kündten / auch gar keine  
Schrift-

Schriſſten von jnen damals vorhanden/ ſein ſie vnſeren Leuten ganz vnbe-  
kant geweſen/ nach dem aber doch beide  
ſie ſelbſt ſich als denn bey den vnſeren  
angegeben / auch durch andere Leut die  
vnſeren von jnen berichtet worden/ ha-  
ben als denn die vnſeren/ anfangs vn-  
ſerer Kirchen/ wie gemeldet / ire Be-  
ſandte in die benachparten ort zu den  
Waldenſern abgefertiget / die ſich irer  
Lere/ die ſie fūreten/ erkündigen ſolten.

W nu wol es ſich an im ſelbſt  
ausweiſet / das dieſe frome Leut/ Bey-  
ſtiſche, aberglauben vnd verfelschunge  
geflohen/ dieweil ſie ſich von den Papi-  
ſten abgeſondert/ Man wil auch darfür  
halten / das die Waldenſer auch den  
Wieleſ auffgebracht / vnd jme gehol-  
fen haben / können wir doch vns auff  
dis mal nicht anmaſſen/ von der gan-  
zen irer Lere / vnd warzu ſie ſich beken-  
nen/ etwas zu berichten/ Aber dis weiſ  
man/ vnd iſt kundt/ das gar viel liechts  
c v bey

bey jnen gewesen / vnd das sie rechten  
verstand vnd Lere von den meisten Ar-  
tickeln gehabt haben. Item / das sie von  
wegen der warheit / gar viel vnd hefftige  
verfolgung erlittē / sonderlich in Franck-  
reich / zwiuehn auch nicht / das sie die  
Eltesten sein vnter allen / so die Christ-  
lichen Lere vnd warheit von den Bepst-  
schen verfelschungen widerbracht vnd  
vertretten haben / vnd das die Nachfo-  
men durch ire Lere / anweisung vnd Ex-  
empel auffgebracht sein / ob nu wol die-  
sem allen also / so wissen wir doch zu be-  
richten / das diese Waldenser niemals /  
mit den vnsern eine Kirchen worden /  
Es haben sich auch die vnseren mit jnen  
niemals vereinigen wollen / vnd das aus  
zweien vrsachen / wie wir in vnsern Jar  
verzeichnussen finden. Erstlich / dar-  
umb / das vnser Leute ergerte / das sie /  
die Waldenser / keine öffentliche kundt-  
schafft oder bekentnis irer Lere vnd  
glaubens / vor die Leute komert lassen  
woltē / vnd also sich ansehen lieffen / als  
die

die die warheit vnterschlagen / vnd das  
Liecht derselben vnter einen Scheffel  
versetzten. Zum andern / das sie der Bes-  
pftischen mess / die sie Abgöttisch wu-  
sten / vnd dafur bekenten / doch von fries-  
des vnd ruh wegen / sich gebrauchten /  
vnd also dis fals mit den Bepftischen je-  
spiel treiben / vnd andern ergernis ga-  
ben / Dieser beider vrsach halben / haben  
die vnsern sich nicht allein zu den Wal-  
densern nicht thun wollen / sondern auch  
allwegen dafur geacht / das sie solchs  
mit gutem Gewissen nicht thun kond-  
ten / derwegen sie den auch von vnnöten  
geacht / sich ferner / vnd vmb die andere  
jre Lere / wie die geschaffen / zu erkun-  
den / gehet vns auch nochmals nichts  
an / sie sey wie sie wölle / sondern befeh-  
len es Gott / vnd was wir nicht wissen /  
oder kennen / das können vnd wollen wir  
auch nicht verdecktig machen / viel we-  
niger dieselben Kirchen mit vnserem vr-  
teilen oder richten / einiger weis beschwe-  
ren / wir zweimeln gher nicht / was gutes  
vnd

vnd rechtschaffen in iren Kirchen von  
den vnsern damals befunden / das sie  
dasselbige von inen angenommen /  
vnd in vnserer Kirchen gebracht vnd  
versezet haben / wie denn die vnseren  
allwegen / sich des bestieffen / auch noch  
befleissen / der warheit nachzuforschen /  
zu derselbigen sich halten / vnd die bau-  
en / das disfalls vnserre Kirchen den  
Waldenseren etwas zu dancken haben /  
sonderlich dieweil sie auch den Bielefen  
geholfen / der vnseren Nussen erwecket  
hat / lest sich aber doch ansehen / als sein  
diese frome Leut etwas zu forchtsam /  
oder ja allzu fursichtig gewesen

Als wort aber der Picarden / mit  
welchem namen vnserre Kirchen auch  
beruchiget werden / wissen wir kaum zu  
erdencken / was es fur ein wort sey / vnd  
wo es herkommen / wie denn auch gar vn-  
gleiche deutung vnd vermutung hie-  
von sein. Etliche sagen das in der Pi-  
carden in Franckreich / die jenigen Keker  
gewe-

gewesen / die man Adamiten geheissen  
hat / vnd wie siehs ansehen lest / dieser vr-  
sach halben / das dieselbe Sect wider  
Gottes ordnung des Ehelichen stan-  
des / Vnchristliche vnd ströffliche ver-  
mischung vbtten / wie das Viehe durch  
einander / vnd hierzu das wort des Se-  
gens zogen / welcher den ersten vnseren  
Eltern / Adam vnd Eua gethan / Nach  
set vnd mehret euch. Etliche aber sagen/  
es sey ein Adamiter gewesen / der habe  
Beghard / vnd die ihm folgeten Beghar-  
den geheissen / Vnd das bey Rothezans  
zeiten / die Bepstlichen angefangen / die  
jeningen so vnter den Calixtinern etwas  
frömer / vnd für Geistlicher gehalten  
worden / Begharden zu nennen / Da  
vor der zeit / vnd bey Hussen zeiten / die  
jeningen / so von den Bepstlichen sich ge-  
sondert vnd abgetreten / man erstlich  
Wicleffiten / vnd nach der zeit Hussi/  
Hussiten / bey den Ausländern aber / vnd  
auch von den Einheimischen / nach dem  
Land die Behemen genennet worden.

Als

Als aber nachmals / da die Taboriten  
nu mehr vntergedruckt vnd vertilget ge-  
wesen / vnseren Kirchen / die man für ein  
neue Sect helt / keinen besondern na-  
men hetten / habe sie der gemeine Man  
Picarden genennet / da er Beghard  
wollen sagen / das also Picard aus dem  
wort Beghard gemacht vnd verderbee  
sey / vnd vnseren Kirchen diese name  
zur schand vnd schmach / vnd aus an-  
feindung der warheit / aufgeleget wor-  
den / vnd hat ein vrsach hierzu geben /  
das vnser Leut bey nacht vnd heimlich /  
ire Kirchen versammlung der zeit haben  
halten müssen / dieweil sie von wegen der  
Widersacher gewalts vbung wider sie /  
des tags / vnd öffentlich nicht gedurfft /  
noch jnen verstattet worden / zusamen  
zu komen / wie denn auch nach / dieses  
tags / solches leider an allzu vielen orten  
den vnsern begegnet / vñ geschehen mus /  
wie denn auch in der ersten Kirchen die  
Christen das haben thun müssen / das  
sie aus furcht der Tyrannen / bey nacht  
sein

sein zusammen komen/ von dannen auch  
der abergläubische mißbrauch der  
Liecht / so man des tags in den Bepst-  
lichen Kirchen braucht/ vnseres achtens  
furnemlich entstanden / wiewol vns  
nicht unbewust/ das die Liecht auch etli-  
che andere vrsachen vnd Exempeln ha-  
ben. Es sein auch etliche / die berichten  
das der Picarden name elter sey / vnd  
vor Nussen zeiten bekandt gewesen/ vnd  
bringen des kundschafft aus Herrn  
Matthesen von Paris schrifftten/ der ein  
berümtter Thumherr zu Prag gewesen/  
vmb das Jar Christi 1390. vnd das  
man glich der zeit Picarden geheissen  
habe / diejenigen / so in der Religion/  
oder glaubens sachen/ etwas sonderlichs  
hetten / vnd von andern abtretten/ Hat  
nu obgemelter Beghard etwas solches  
gethan / so müssen wir achten/ das der  
zeit der gemeine Man/ von keinem an-  
dern Kesser gewust habe / als von dem  
selben / er sey nu ein Adamiter / oder et-  
was anders gewesen/ denn daran/ so viel  
dis

dis belanget/nichts gelegen/das also alle die jemenigen/ so man fur Kezer gehalten/nach jm̄e Picarden genennet sein muſten. Es ſey aber mit dieſem namen geſchaffen wie es wol/komen auch woher ſie wollen/vnd waſerley weis vnd vrsprungs ſie in vnſere Kirchen komen ſein/ ſo iſt doch dis kund vnd offenbar/das ſie alle der warheit zu leid vnd wider/vnd zur ſchmach dem H̄Ern Chriſto (zu welchem wir vns bekennen/vnd ſeine Lere füren/vnd jm̄ allein anhangen vnd folgen)wider vns erdichtet ſein/vnd hat Chriſtus den ſeinen Propheceiet/das ſie von ſeines Namens willen ſollen geſchmecht werden/da nu gleich keine andere kundſchaften noch beweis vorhanden weren/ ſo wies dieſe gegenwertige vnſer bekentnis/von allen Artickeln vnſerer Lere/gnugsam aus/das vns vnrecht geſchehe/vnd kōndte ſie alle die verleumbdung/ ſo wider vns gebracht werden/krefftiglich allein verlegen/da wir doch hören/das etliche ſonſt  
frome

frome Leute / aber die doch zu bald vnd  
vnerkundter sacht / den sagen / die surko-  
mē / glauben geben / sich an solchen ver-  
leumbdungen stossen / vnd dieselben ir-  
machen lassen / denn da vns jemand  
des nicht erlassen wolte / kōndte derselbi-  
ge / eben mit einer mühe / vns auch Tür-  
cken oder Jüden nennen / wer da lust zu  
schenden vnd schmehen het / das der  
Kirchen Gottes gebrauch nicht ist.

So viel aber vnser Confession  
oder bekentnis belangt / können wir im  
andere nicht thun / in so grossen beschül-  
digen anklagen / zeihen / schelten / schme-  
hen / tadlen vnd verleumbden / so vnser  
feind wider vns vben / Denn das wir  
die jenige lere / so vnser Kirchen nu len-  
ger denn von hundert jaren hero führen /  
vnd zu der sie sich bekennen / meniglich  
in öffentlichen Druck / zu lesen vnd er-  
kennen / furstellen / Denn ob wir wol so  
gar vniuersendig nicht sein / das wir  
nicht verstehen solten / wie das viel besse-

D

re ge-

re geschicklichere/verständlichere/vollkom-  
menere vnd reichere solche schrifften/  
beide in Deutscher vnd Lateinischer  
sprach vorhanden. Müssen wir doch  
nicht darauß sehen/was andere schrei-  
ben/geschriben haben/oder noch schrei-  
ben möchten/sondern das wir darthun  
vnd kund machen/was vnser Kirchen/  
nun von hundert jaren her/aneinander  
gelert habe/vnd das wil dieser zeit vnser  
notdurfft sein. Wie wir aber dis vor  
der zeit aus vielen Ursachen/zu den ein-  
heimischen vnseren Landsleuten/den  
Bhemien/in Bhemischer sprach ge-  
than haben/denen wir denn auch damit  
ein summa der Christlichen Lert haben  
müssen furschreiben / Also hat es die  
not/vnd sonderlich dieser zeit erfordert/  
das wir solches auch gegen den Auslen-  
deren / die das Bhemisch nicht versteh-  
en / in Lateinischer sprach thun müs-  
sen / sonderlich dieweil viel Leut solchs  
von vns zum höchsten begeret / vnd keine  
Lateinische Exemplar vnserer bekentnis  
mehr

mehr zu bekommen/ auch der Deutschen  
wenig verhanden. Wie aber anderen  
Kirchen ire vrsachen vnd gelegenheit  
fürkommen/ deren wegen sie ire Confessi-  
on oder Bekentnis zu widerholen pfle-  
gen. Also haben wir nicht geringere vr-  
sachen/ denn irgends andere bis anher  
gehabt/ darumb wir dieser zeit vnser be-  
kentnis zu widerholen furgenommen/  
Wofür aber/ oder wie gering oder hoch/  
diese vnser Bekentnis/ die jenige so sie  
lesen/ achten mügen/ so wissen wir dis  
mit warheit zu sagen/ vnd mit vnse-  
ren Behemischen schrifftten (deren auch  
etliche in Druck bey vns ausgegangen) zu  
beweisen/ wie das die Lere/ so in dieser  
vnser Confession oder Bekentnis fur-  
getragen wird/ also in vnseren Kirchen  
lenger denn hundert Jar gefürt wor-  
den/ Vnd das auch etwan die Tabori-  
ten fast alles dis/ der gestalt vnd weis  
furgebracht vnd geleret haben/ welche  
Gelerte/ vnd in den Schrifftten der al-  
ten erfarnen Leut gewesen/ wie ire schriff-

ten ausweisen / deren bey vns noch viel  
verhanden / Diemeil aber vnser Vor-  
faren der jenzigen Schrifften / so sind  
jren zeiten / von fromen Gottseligen  
Leuten gestellet sein / vnd noch teglich ge-  
stellet werden / sich nichts besseren haben  
können / noch deren behelffen / ist jnen  
desto billicher zu gut zu halten / da sie et-  
wan das jenige nicht haben leisten kön-  
nen / das andere / so gelerter denn sie / der  
Kirchen Gottes nachmals geleistet ha-  
ben / vñ sol man hiezeben dennoch auch  
dieses erkennen / das gleichwol vnser  
Kirchen / eben dieselbige Christliche wa-  
re Lere / so ein lange zeit zuuor / Ehe denn  
noch / zu diesen vnseren zeiten / andere  
Völcker oder Nationen das furgeno-  
men / vnd dis Liecht jnen kund worden /  
erschienen oder auffgangen / gedachte  
vnser Kirchen / dennoch die gehabt vnd  
erhalten / vnd wie in solchem plan oder  
laußplatz / der allen rechtgleubigen mit  
jnen gemein ist / in stetigen jren gefahr  
vñ verfolgungen / auch vielfeltigen jrem  
bluc

blut vergiessen / vnserer Vorfaren sich  
haben finden lassen / vnd iren lauff ge-  
halten / aber doch / was beide von vns /  
vnd vnseren Vorfaren / dem Land zu  
Behemen / vnd andern Ausländern zu  
gut geschehen / das hat alles der HERR  
gethan / vnd nicht wir / der seine krafft in  
den schwachen verbringt. Es weiset sich  
aber selbst aus / das wir einen grund hal-  
ten mit den Sechsischen der Augspurgi-  
schen Confession zugethanen Kirchen /  
vnd anderen rechtglaubigen allen / so  
nach der zeit vnserer Vorfaren / auch in  
iren Landen / die ware Christliche Lere  
widerumb haben auffgericht / vnd das  
vnserer mit den iren einstimmet / sie auch  
die vnserer nicht verachten / des wir vns  
billich zu freuen haben / sonderlich die-  
weil es von so gelerten Leuten geschieht /  
da es vns doch bishero an solcher ge-  
schicklichkeit gefehlet hat / wiewol es war  
ist / das es anders nicht sein kan / alle  
Christglaubigen zu allen zeiten / müssen  
in der warheit eins sein / vnd zusammen

kennen / denn die warheit ist nur ein ei-  
nig ding / vnd kan nicht mehr denn das  
einig / so die warheit ist / war sein / Wie  
denn auch vnser Kirchē / die Augspur-  
gische Confession / vnd widerholung der  
selben / so von wegen der Kirchen in  
Sachsen wider das Concilium zu Tri-  
ent<sup>e</sup> gestellt ist / annemen / vnd bekennen  
wir vns hiezu alle semplich vnd sonder-  
lich / das eben auch dieselb vnser mein-  
ung vnd glaube sey / vnd kein ander /  
vnd das wir / was davon abtrit / auch  
sonsten allen Kezerischen / abtrünnigen  
leren / verstand vnd furgaben / ganz zu  
wider sein / wie denn solches auch dis  
vnser Büchlein ausweist / in welchem  
beschrieben ist / wie / mit was worten /  
wir alles leren / vñ was fur ein ordnung  
wir darinnen halten / Damit auch kein  
ungleicheit in der Lere jrgendswo zwi-  
schen vnseren vnd anderen reinen Kir-  
chen sein möcht / so haben wir / dieser vr-  
sachen halben / mit Herrn Doctor Mar-  
tini Lutheren / vnd andern Gottseligen  
Theo-

Theologen / zu Witteberg vnd anders  
wo / Christliche vnd freyndliche vnter  
red gehalten / vnd mit jnen ein heilige  
einigkeit in Christo gemacht / die wir  
denn bis anher bestendiglich halten / vnd  
forthin mit Gottes hülffe allwegen hal  
ten wollen .

Da aber je etwas den worten oder  
Buchstaben nach / nicht aller ding mit  
der jcnigen weis / so andere in irer Lere  
füren / eintritt / daran sol sich billich  
kein Gottseliger / verstendiger Christ er  
gern / noch ergern lassen / dieweil wir im  
grund einig sein / wir erfahren aber / das  
sich etliche furnemlich an dem ergern /  
das etliche aus vnseren Pfarherren oder  
Kirchendienern / fur sich selbst / oder der  
selben Besind / Handwerck treiben / vnd  
das sie des meisten theils keine Weiber  
haben. Item / das wir ob ernstlicher  
Zucht / wandel vnd wesen der vnseren  
halten / vnd wie etliche meinen wollen /  
einen vberflüssigen ernst hierinn brau  
D iij chen /

chen/ vnd allzu streng sein sollen/ welchs  
alles keiner verantwortung bedarff/ bey  
denen so diese vnser bekentnis lesen wer-  
den / welche denn auch kein andere ver-  
antwortung von vns gewertig sein wer-  
den / wie wir denn auch auff dismals  
nicht bedacht einige verantwortung an-  
zustellen / Denn hieneben alle Artickel  
vnserer Lere dermassen fürgestellt wer-  
den/ das sie für sich selbst alle aufflagen  
vnserer Widersacher / verlegen/ so viel  
doch vnser Diener Belange/ wolten wir  
denen gern gönnen vnd wünschen/ das  
sie so selig sein möchten / damit sie sich  
vnd die iren / one solchen behelff eines  
ehrlichen Handswercks erhalten kond-  
ten/ denn also würden sie auffs wenigst  
mehr zeit haben zu studieren / vnd mehr  
gelegenheit sich finden vnser Leut not-  
türfftiglich zur Lere vñ geschicklichkeit zu  
fordern / denn wir warlich aus keinem  
aberglauben / viel weniger solcher thör-  
licher weis/ vnser Leut zur handarbeit  
halten / als wolten wir dafür achten/ es  
were

were Sünde wenn sie es nicht theten/  
wie wir denn etwan von einem haben  
sagen hören / der aus einem Priester zu  
einem Bawren worden ist / dieweil ge-  
schrieben stand / Im schweis deines ant-  
lits solst du dein Brot essen / der gestalt  
hat vns der HERR / Gott sey lob / nicht  
fallen lassen / sondern es werden der mei-  
ste teil von den vnsern aus not dahin ge-  
drungen / das sie arbeiten / vnd ein ehr-  
lich Handwerck treiben müssen / damit  
sie nicht hunger leiden / dieweil sie keine  
gewisse besoldung haben / dauon sie sich  
vnd die jren erneeren können. Belan-  
gend aber / das sie keine Weiber haben /  
ist vns lieber / das ein vbung zum ledigen  
standt bey vns sey / denn gar keine / da-  
mit es sich nicht ansehen las / als wolten  
wir den Ehestand vnuermeydlicher not  
einführen / wie vorzeiten Iouianus ge-  
than / oder solche seine Lere bestetigen.  
Was nu die eusserliche Zucht betriefft /  
sagen wir / wer es dafur helt / das Christ-  
liche zucht zu halten / vnd die besteißung

Damit das leben vnd wandel mit dem  
Christlichen glauben / dazu wir vns  
semplich bekennen / ober eintrefte / wer  
dieses / sage wir / fur ein oberflus heltet /  
vnd das man thun oder lassen möge /  
derselbige gibt sich an tag / als der die  
Christliche lere nicht innen habe / noch  
verstehe / denn die Gottseligkeit die in-  
wendig im herze ist / wo der glaube recht  
ist / dieselbige erweist sich durch gute  
Werck / Wie der Apostel hienon redet /  
Wo man auch die Kirchenzucht / so  
von Gott geordnet / nicht helt noch v-  
bet / daselbst kan auch keine weltliche  
zucht sein / noch gehalten werden / ob wir  
wol nicht zu verhelē wissen / das dis fals  
vnserer Kirchen gang vngütlich von den  
jenigen angefochten vnd geplagt werde /  
so dieses wol verstehen / vnd vns zu aus-  
breitung vnd fortsetzung der Christliche  
warheit / zu der sich neben vns bekenn-  
nen / billich den besten beystand leisten /  
vnd vns vor anderen zugethan sein sol-  
ten / vnd wenn sie sich an Exempel keren  
wol

wolte/wisten wir inen zu sage/wie wol  
Herrn Doctor Lutheren/ vnd Philip-  
po Melanthon / solche unsere Zucht-  
haltung vnd disciplin gefallen/wissen  
vns auch zu erinnern / das D. Luther  
selbst gewünschet / das dergleichen in  
iren Kirchen köndte angericht vnd ge-  
halten werden/ vnd das er vber die zeit/  
vnd das vnwesen geklagt / das solche  
zucht bey inen so gar nicht leiden könd-  
te oder wolte / Wenn wir nu von dersel-  
ben abtreten solten / würden wir trew-  
los am Christlichen glauben/ vnd unse-  
ren Vorfaren / Vnd hat einer von un-  
seren Eltesten / lenger denn vor 60. Ja-  
ren / von sich geschrieben/das sich unse-  
re Kirchen von wegen der verfolgung  
feines vntergangs zu besaren hetten/  
sondern das sie als denn fallen würden/  
wenn sie andern Leuten zu gefallen/vnd  
aus misbrauch Christlicher freihet/ant  
Zuchthalten etwas nachlassen würden/  
vnd ein rohes leben vntereinander ge-  
statten. Wir wissen es auch/vnd gebürt  
vns

vns nicht zu bergen / das wir es hiefur  
halten / vnd dieser meinung seien / wie  
das man es nicht allein hiebey bleiben  
lassen sol / das man sich zu der waren  
Lere bekenne / sondern das wir auch die-  
ses ander stück / nemlich / die Christliche  
zucht vnd wandel / erfordern / vnd dabey  
haben wollen / vnd das wir zu den seni-  
gen / so dieses nicht achten / vnd Todt-  
sünden vnter den Leuten / in Kirchen /  
vnd auff dem Rathhaus nicht straffen /  
vns nicht halten / noch mit denselbigen  
vereinigen können / Denn ob wir wol  
den worten vnd Buchstaben nach mit  
solchen Leuten der Lere einig / scheidet  
vns doch der handel an jm selbst / Denn  
alle die so vnser Lere fur war halten vnd  
glauben / dieselben können auch die zucht  
oder disciplin / so in der mitsgrieffen /  
nicht fallen lassen / wo auch keine zucht  
ist / ob daselbst eine Kirche sey / da bekü-  
mer sich einer vmb / der jm hieran einen  
zweuel macht / Aber / wie gesagt / wir  
sein auff dis mal nicht bedacht / ein ver-  
ant-

antwortung furzunemen / wie denn one  
das / die vnseren sich nicht bald zur ver-  
antwortungen einlassen / noch sich de-  
ren gern zu gebrauchen pflegen / sondern  
lassen sich an dem gnügen / das die sa-  
che gut sey / vnd das sie wissen / das sie es  
gut meinen. Vnd damit wir es zum off-  
tern widerholen / wir lassen aus keiner  
anderen vrsachen / vnser Bekenntnis in  
druck ausgehen / denn das also / vnd hie  
durch / dargethan vnd kundt werde / wie  
vns alle die jenigen gewalt vnd vnrecht-  
thum / die vns in diesem verdacht ge-  
habe / vnd dieses berede sein / oder aber  
noch ir dem vordacht haben / vnd sich  
bereden lassen / als solten wir etwas an-  
ders / denn das in diesem Büchlein ge-  
schrieben vnd fürgestellt ist / halten / gleu-  
ben / noch in vnserem leben vnd wandel  
vben oder treiben / denn wir / wie gemele  
nicht gern mit verantwortungs Schriff-  
ten vmbgehen / so kan auch gegen allen  
Fromen vnd Gottseligen dis fals kein  
besser noch frefftiger verantwortung  
fur-

fürgenommen werden/denn seines glau=  
bens rechenschafft geben/was nu ander  
Leut sein/die lassen sich an keiner ver=  
antwortung gnügen/sein auch dadurch  
nicht zu gewinnen/noch an vns zu brin=  
gen.

Und zum beschlus dieser vnserer  
Vorrede / so thun vnser Kirchen vom  
anfang irer Stifter vnd herkomens/  
bis auff diesen tag nichts anders/son=  
dern dieses nur allein/ das sie sich beflis=  
sen / Gottes wort recht zu lernen/vnd  
andere zu leren/vnd das sie des H<sup>er</sup>rn  
Christi exempel in irem leben nachfol=  
gen / alle verfelschung / vnd was der  
Gottseligkeit zu wider/ vermeiden/flie=  
hen vnd widerlegen mögen/ darzu denn  
vns alle/so dergleichen gesinnet/das ist/  
alle Gottselige in sonderheit sampt al=  
len iren Kirchen vnd Gemeinen/billich  
hülfflich vnd rhetlich sein sollen / wie  
wir denn hiemit sie gebeten haben wol=  
len/das sie vns ire gunst/guten willen/  
hülff vnd dienst/ jederzeit wid<sup>er</sup> faren  
laf<sup>f</sup>

lassen / Vnd dis auch von vnserer  
Landsleut wegen / die sich nicht vbel  
vmb die ware Lere vnd widerbrennung  
des Euangelij verdienet haben / so hat  
auch vor der zeit kein Volck in Europa  
mehr bluts darüber vergossen / Bitten  
derhalben menniglich / sie wollen dieses  
vnseres Büchlein gütlich auffnehmen /  
vnd wo es inen zu handen kompt / gän-  
siglich vorlesen / vnd daraus schliessen /  
vnd nicht aus vnserer Widersacher /  
vnd des gemeinen Mannes reden / oder  
auch etlicher Historienschreiber / vnd an-  
deren leichtfertigen / vnwarhafftigen  
Schrifften / wie es vmb vns vnd vnsern  
Kirchen ein gestalt habe.

WIr wollen aber dis vnser Be-  
kenntnis / als zu einem bericht vnd vrfund  
vnseres Glaubens / den wir von vnseren  
Vorfaren empfangen / vnd zu dem wir  
vns bis anher bekennen / meniglich fur-  
gestickt haben / vnd da etwas in denselben  
zu dynckel / vnbequem / oder auch vn-  
recht /

rechte / etwan von vnseren Vorfaren/  
oder von vns / vor der zeit geredet / das  
selbige wollen wir mit dieser Schrifte  
verbessert / vnd inhalts derselben gebes-  
sert vnd verstanden haben. Der gütige  
Gott wolle vns in diesem glauben er-  
halten / dieweil wir vns keinen zweifel  
machen / das dis der rechte ware glaube  
sey / zu dem sich die Kirchen Christi / zu  
allen zeiten bekennet hat / wie wir denn  
dis allen Fromm / die diese vnser schrifte  
lesen / zu vrteilen heimgestalt haben wol-  
len. Geschrieben den 10 Dec  
cembris. Im jar Chri-  
sti 1572.

Die Eltern vnd Diener der  
Kirchen der Brüder in Be-  
hem / Meehern vnd Polen.

Vorrede

# Vorrede der

Herrn/ vnd der von Adel/  
in der Kron Bohem/ welche es  
mit der einigkeit der rechtgleu-  
bigen Brüder hal-  
ten.

**S**Itemal zu  
jetziger zeit ein solch  
geschrey von vns  
ist ausgebreitet  
worden / Als sol-  
ten wir einem irrigen vnd abtrin-  
nigen Volck beyfall geben / vnd  
des selbigen Irthumb nachfol-  
gen / schütze / vñ die anhenger för-  
dern / haben wir fur billich ange-  
sen / ob wir vns wol gar nicht bes-  
fürchten / das es jemand war-  
e mach

machen vnd beybringen könne/  
oder möge / wider solche vngüt-  
liche bezichtigung vnserer verant-  
wortung vnd gegenwehr darzu  
thun.

Vnd wiewol wir frey vnd  
gern bekennen/das wir vns zu  
dem Volck begeben / welche ge-  
meiniglich die Brüdere/von den  
Widersachern aber zur verach-  
tung Dickharden / von andern  
aus vnwissenheit Waldenser ge-  
nennet werden/ so bezeugen wir  
doch hiemit öffentlich fur Gott  
auff vnser Seelen /das wir vns  
zu keinen Kottengeistern / son-  
dern zu solchen Leuten gethan  
haben/welche wir gewislich/bei-  
de im grund der warheit / vnd  
im werck befunden / das sie sich  
in

aller einfeltigkeit / auffrichtigkeit  
vnd one falsch ganz Christlich  
vnd wol verhalten. Auch ire Le-  
re vnd ganze Religion im wort  
des heiligen Euangelij Christi/  
vnd nach inhalt des gemeinen  
Christlichen Apostolischen glau-  
bens / in zwölff Artickeln ver-  
fasset / gründlich / rein vnd trew-  
lich führen.

DZerweil wir nu Gottes  
wort von inen gehöret / haben  
wir dadurch / so fern vns Gott  
gnade verliehen / die warheit / die  
vns selig machen / gelernet /  
vnd mit glauben angenommen /  
vnd endlich darinn die rechte  
warhafftige frucht unserer See-  
len ewiges heil im hertzen em-  
pfunden. Derwegen wir genz-  
lich

lich dafur halten/ wie vns solchs  
Gottes wort / als der rechte  
prüfstein / vnd vnser eigen Ge-  
wissen fur Gott bezeuget / das  
sie nicht allein nicht irrige noch  
ketzerische Leute sind / sondern  
warhafftige Christi Diener vnd  
Glieder der heiligen Christlichen  
Kirchen / mit welchen sich ge-  
bürt heilige gemeinschaft zu hal-  
ten / vñ sie zu hören / vermöge des  
gemeinen Christlichen glau-  
bens / darinn wir also bekennen /  
Ich glaube eine heilige Christli-  
che Kirche / eine gemeinschaft  
der Heiligen.

Sollen wir denn aber v-  
ber das fur Ketzer gehalten wer-  
den / der vrsachen halben allein /  
das wir zu einem solchen Gott-  
seli-

seligen / Christlichen Volck ge-  
tretten / welchs die Widersacher  
für Ketzer schelten / so müst auch  
zwar nichts weniger S. Pau-  
lus mit vielen andern / für ein  
solchen geachtet werden / der sich  
zu der Secte bekandt / welche zur  
selben zeit / ein vergifft / verderb-  
liche / vnd auffrührische Kotte  
genendt ward / Da er zu des  
Keisers Landpfleger Felix zu  
Gesarjen also sprach / Das be-  
kenne ich aber dir / das ich nach  
diesem wege / den sie eine Secte  
heissen / also diene dem Gott  
meiner Väter / das ich glaube al-  
lem / was geschrieben stehet im  
Gesetz / vnd in den Propheten.

Dieser vrsachen halben /  
haben wir auch von den dingen /  
so

so wir allein vmb vnser seligkeit  
wollen angenommen/ vnd die vns  
samt dem gemeinen Volck vn-  
ser Kirchendiener leren/ darnach  
sich auch unsere gantze einigkeit  
in der that richtet vnd regieret/  
Königlicher Maiestet vnserem  
gnedigste Herren / rechenschafft/  
vnd vnseres Glaubens bekent-  
nis gethan/ vnd nachmals in  
Druck ausgehen lassen. Auff  
das nicht allein Königliche Ma-  
iestat / sondern allen in gemein  
kund würde/das weder wir noch  
vnser Einigkeit / keiner verfür-  
schen Vere behafftet / noch vn-  
glaubige oder halstarrige Ketzer  
sind/sondern sind mit Gott wa-  
re rechte Christen / die wir vns  
des gemeinen Christlichen glau-  
bens vnd Göttlicher Schrifft  
der

der heiligen Biblien / der eini-  
gen/ewigen warhaffigen Christ-  
lichen lere/auffs trewlichste hal-  
ten. Wie denn meniglich so die-  
se einfeltige vnd kurze Bekent-  
nis lesen werden / leichtlich  
vnd klerlich verste-  
hen mögen.

e iiii

Sum

Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.

# Summa vnd

inhalt des Christlichen  
glaubens vnd lere / die von vn-  
sern Lerern vnd Priestern in der löbli-  
chen Kron zu Behem / vnd Marggraff-  
thum zu Merhern / auch anderswo etc.  
einmütiglich von alters her trewlich  
furgetragen wird / Erstlich / Römischer  
Königlicher Maiestet / darnach allen  
fromen rechtschaffnen Christen / mit al-  
ler auffrichtigkeit vnd einfalt / in fol-  
genden Articeln begrieff-  
fen / vbergeben.



**A**ller Durchleuch-  
tigster / Grosmech-  
tigster / Römisch-  
er / Ungrischer vnd  
Behemischer Kö-  
nig / aller gnedigster Herr etc.  
Nach dem wir offtmals unter-  
thenigst begeret / das vnser Euan-  
gelische Vere / für ewer Königli-  
che Maiestat zu einem gnedigen /  
ordentlichen verhör komen möch-  
te / vnd doch bisher nicht gesche-  
hen / so sind wir nu aus grossen  
wichtigen vrsachen beweget / vn-  
sers Glaubens bekentnis in  
schrifft zu fassen / vnd E. R. K.  
M. zu vbergeben.

Vnd ob wol vnser Pre-  
diger vnd Seelsorger rechen-  
schafft ihres Glaubens / Kirchen-  
diensts

diensts vnd Vere/ auff mancher  
ley weis / in vergangenen zeiten/  
den Hochlöblichen vorsehrenden  
den Königen / Fürsten / Her  
ren / vund allen in gemein / bei  
de Geistlichen vnd Weltlichen  
Stenden / so solches von ihnen  
begeret / zugestellt haben: Den  
noch haben wir für gut angese  
hen/ Ewer K. M. Maieft. nach  
diesen nechstfolgenden Arti  
ckeln / welche zu itziger zeit / die  
gemeinsten vund freitigsten  
Hauptpuncten geachtet wer  
den/dis Bekenntnis der selben Ver  
re / so wir von ihnen empfangen /  
auff das kürzest darzu thun.  
Damit allen kundbar werde /  
das solches / wes vns vnser Wi  
dersacher von wegen dieser Ver  
re / bey ewer Königlichen Maie  
stat

stat zeihen / vnd dadurch vns zu  
vnterdrucken reizen / mit vn-  
recht / on alle billiche vrsachen  
geschehe. Ist derhalben Aller  
Durchleuchtigster König / gnes-  
digster Herr / vnser demütigste /  
vnterthenigste bitte / ewer Kö-  
nigliche Maiestat / geruchen jr so  
viel musse vnd weil zunemen / dis  
vnser Bekenntnis zu lesen / vnd  
mit rechtem vrtail also zuer-  
kennen / das Gottes eh-  
re gefordert  
werd.

Dis

**Dies sind gne-**  
**digster König / die Haupt-**  
**artickel / nach welchen E. K. M.**  
**des Glaubens bekentnis**  
**zugestellt wird.**

- I. Von glaubwürde der heiligen Schrift. Am i. blat
- II. Vom Catechismo. 3
- III. Von glauben / an die heiligen Dreifaltigkeit / vñ Göttlichen einigkeit. 7
- IIII. Von dem erkentnis sein selbs. Item von der sünde / iren vrsachen vñnd fruchten / Auch von der verheissung Gottes. 10
- V. Von der Busse. 17
- VI. Von Christo dem HErrn / ren /

- ren/ vnd von der Rechts-  
fertigung durch den  
glauben an ih. 22
- VII. Von den guten wercken. 32
- VIII. Von der heiligen Christ-  
lichen Kirchen / Ord-  
nung vnd Disciplin/ da-  
zu auch vom Antichrist. 40
- IX. Von den Kirchedienern. 47.
- X. Vom wort Gottes. 56
- XI. Von den Sacramenten  
in gemein. 59
- XII. Von der heiligen Tauf-  
ffe. 64
- XIII. Vom Nachtmal des  
Herrn. 68
- XIIII. Von den Schlüssel  
Christi. 73
- Von

- XV. Von den zufälligen dingen oder Kirchen Ceremonien. 77
- XVI. Von der weltlichen Daberkheit. 83
- XVII. Von den lieben Heiligen/vñ jrer verehrung. 87
- XVIII. Vom fasten. 93
- XIX. Vom freien vnd Ehelichen Stand. 94
- XX. Von der zeit der gnaden. 99

Der



# Der erst Ar- tikel/von glaubwürdig- keit der heiligen Schrift.

**N**öthiglich leren  
vnsere Kirchendi-  
ener eintrechtlich  
von der heiligen  
Schrift / des al-  
ten vnd Newen  
Testaments / welche man die Bi-  
blia nennet / vnd von den Vatern  
ordentlich angenommen vnd bestes-  
tiget ist / Das sie warhafftig gewis  
vnd glaubwürdig sey / Derer keine  
andere Menschliche Schrifften /  
sie sind auch wie hoch sie wollen /  
können verglichen werden / son-  
dern als Menschliche der Göttli-  
chen weichen müssen.

Von der heiligen Schrifft.

ERstlich darumb / Das sie vom Heiligen Geist eingeben / durch den mund der Heiligen geredt / beschrieben / vnd mit himlischen Göttlichen zeugnissen bestetiget ist. Vnd er auch der heilige Geist selbs jren verstand / sinn vnd warheit in der Kirchen / wie es im gefele / eröffnet / sonderlich wenn er trewe Diener / seine auserwelte rüstzeug erweletet vnd gibet. Das  
2. Sa. 23. a von David redet / da er spricht: Der Geist des D E R X X I hat durch mich geredt / vnd seine rede ist durch meine zungen geschehen.  
2. Pet. 1. § Vnd Petrus: Es ist keine weissagung aus Menschlichem willen erfur bracht / sondern die heiligen Menschen Gottes haben geredt / getrieben von dem heiligen Geist.  
Rom. 15. a Vnd Paulus / Alle Schrifft von  
2. Tim. 3 § Gott eingeben / ist nütz etc. Dazu  
Johan. 5. f spricht der D E R X X selbs: Suchet in der Schrifft. Vnd abermal / Ir  
Mat. 22. c jrret / vnd wisset die schrifft nicht /  
noch

noch die Krafft Gottes, Vnd den Luc. 24. f  
 Jüngern öffnet er das verstend-  
 nis/das sie die schrift verstanden.

3<sup>m</sup> andern darumb/das sie  
 ein warhafftig gewis Zeugnis/  
 vnd klare kundschafft ist des of-  
 fenbarten gnedigen willen Got-  
 tes. On welche kein Weilwertig heb. u. 6  
 erkenntnis / kein glaub noch zutrit  
 zu Gott ist. Denn darin wird al-  
 les / was zur Lere/vñ der heiligen  
 Kirchen regierung/einem jeden in  
 sonderheit/vnd in gemein allen/  
 im ordehtlicher lehr vnd Kirchen  
 ampt(daher ein rechter glaub ko-  
 met)nötig ist/gantz gnugsam/vñ  
 nach notdurfft/als in des heiligen  
 Geists auserlesene meisterschafft/  
 verfasst vnd begrieffen. Darüber  
 auch kein Engel vñ Dimel nichts  
 gewissers erfür bringen kan. Vnd Gal. 1. 6  
 wen er schon etwas anders brech-  
 te/sol im nicht geglenbet werden.

Dieser Glaube aber von der  
 heiligen Schrift/das sie nemlich  
 ij von

## Von der heiligen Schrifte

von Gott eingegeben sey / ist ein anfang vnd grund vnser Christenthumbs / welcher anfang eusserlich durch das wort als ein mittel von Gott verordnet / angehet. Darumb sol ein jeder die Göttliche Schrifte der heiligen Propheten vnd Aposteln in grossen werth halten / jr gantzlich in allem glauben / sie fleissig lesen / heilsame Lehre daraus nemen / sich darnach richten vnd regieren / beuor die der Weiligen Kirchen fůrgesetzt sind.

Der ursachen halben wird in vnsern Kirchen vnd Versammlungen diese heilige Schrifte / den Zuhörern in gemeiner verständlicher sprachen / gelesen / vnd sonderlich / nach alter Kirchen ordnung / die Euangelia vnd Episteln / daraus nützliche vnd selige Leren vnd Vermanungen oder Predigten / wie es etwa für nötigk erkandt wird / dem Volck geschehen.

Die

Die Schrift aber der heiligen Lerer / vorab der Alten / leret man auch für recht vnd nützlich halten / vnd dem Volck zur vnterichtung brauchen. Jedoch in dem allein / warin sie mit der heiligen Schrift sich vergleichen / oder der nicht widerwertig sind / vnd so fern sie der ersten Meister schafft anleitung vnd fürbild / der heiligen Apostolischen Kirchen zeugnis geben / vnd von derselben alten einhelligen bewilligung / vereinigung vnd beschlus (wie dieselb in der reinen warheit gestanden) nicht abweichen. Wie sie selbs von iren Schriften also zu vrteilen vnd halten befohlen haben vnd verwarnet. Das man jnen als Menschen nicht zuviel zu messen sol. Davon redet der heilige Augustinus in der Vorrede vber das dritte Buch von der heiligen Dreifaltigkeit also: Meiner schrift soltu nicht als der Göttlichen

A iij      chen

## Vom Catechismo.

ehen Schrifft anhangen / Sondern was du im Gesetz des VErren findest / wenn du es gleich zuvor nicht hettest geglaubet / das soltu nu von stundan glauben vnzweinelet / Aber was du in meiner schrifft für gewis nicht hast / es sey denn / das du es gewis befindest / so soltu nicht fest darauff fussen. Vnd anderswo spricht er. Bleibe nicht meinen / noch des Ambrosij worten / in massen wie der heiligen Schrifft. Dieser rechtmessig Scheidspruch / hat auch den Vepstischen fast vnd so wol gefallen / das sie in auch im Decret angezogen haben. *Distinct. 9. cap. Noli meis &c.*

## Der Ander Artickel / Vom Catechismo.

**D**arnach leret man den Catechismum: Das ist die einhellige Christliche

che alte Kirchen / vnd der heiligen  
 Väter gemeine Lere / vnd mündli-  
 che vnterrichtung / welche ein  
 Kern ist vnd schlüssel der gantzen  
 heiligen Schrifft / vnd ein summa  
 oder kurtzer begrieff derselben Vñ  
 die wird begrieffen in den Zehen  
 geboten Gottes / in dem allgemei-  
 nen Christlichen Apostolischen  
 glauben / in zwölff Articlen ver-  
 fast / der von dem Nicenischen  
 auch andern gemeinen Christli-  
 chen Concilien erkleret vnd bestet-  
 tigt ist / Auch im Gebet des heil-  
 gen Vater vnser / Vnd in einer  
 summa der Lere von den Sacra-  
 menten / vnd von der eigentlichen  
 pflicht eines iglichen Standes /  
 wesens / vnd vnterschiedlichen be-  
 ruffs etc. Vnd das diese Christli-  
 che Lere / der rechte vollkomene  
 vnd wolgefellige wille Gottes /  
 ein iglichen trewen Christen zur  
 seligkeit nötig sey / bekennet man  
 öffentlich.

Vom Catechismo.

Des Jesu Catechismus / so die obgemelte völlige gemeine Christliche Lere / vnd hohe erkenntnis in sich schlenst / halten vnser Prediger für ein gewisse Richtschnur / richtige Ordnung vnd Register all irer Lere / Predigten vñ Schrifften / tragen dafür trewe sorge / vnd wenden allen vleis an / auff das die gantze Warheit dieser anfenglichen ordentlichen Grundlere in der Christen hertz tieff eingebildet / vñ in der Zuhörer sinn vnd leben gentslich eingepflantzet wird.

Als erstlich / auff das alle (weil das Gesetz geistlich ist) die geboten Gottes mit hertz vñ that zuerfüllen / sich befleissen / Gott den **DEUM** vber alles lieben / vnd den Nehesten als sich selbs / etc.

Zum andern / Das sie die Artickel des allgemeinen Christlichen / Apostolischen Symboli recht vnd

vnd fehrtig können / von hertzen  
 glauben vnd halten / mit irem  
 mund bekennen / vnd mit Christ-  
 lichen wercken oder wandel vnd  
 leben bezeugen. Derhalb sie auch  
 in iren Predigten / den rechten ver-  
 stand / vnd das geheimnis / zum  
 waren ewigen heil nötig / in die-  
 sem Glauben / vnd in einem igli-  
 chē Artickel in sonderheit begrieff-  
 fen / eröffnen / mit heiliger schrift  
 befestigen / vnd eben durch die-  
 selbige weitlaufftiger oder kurtzer /  
 erleutern / erklaren vnd beschreiben.  
 Vnd das alles also / vermög der  
 ordnung von den heiligen Apo-  
 steln anzeiget / das sie nicht allein  
 die Alten / so zu iren jaren vnd ver-  
 stand komen / sondern auch die  
 Kleinen Kinder also vnterrichten /  
 Damit sie bald von jugendt auff  
 in den fürnemsten Artickeln des  
 Göttlichen Bundes geübet / den  
 rechten Gottesdienst fassen.

## Vom Catechismo.

Ephes. 6. 4.  
Col. 3. 6

Als dieser vrsach werden auch mit jnen sonderliche Kirchen versamlungen gehalten / Die Eltern vnd Beuattern werden jres Ampts vnd pflicht erinnert vnd vermanet / auff das sie auch selbs die lieben Kinder trewlich leren / in der zucht des **WEXN** auffziehen / für sie vnd alle andere Christen Kinder zu Gott jr hertzlich fürbit thun.

Sonderlich aber die anfahende junge Christen / ehe denn sie zu Gottes tisch ordentlich werden zugelassen / leret man mit vleis den Catechismum / die anfenge der waren Religion / dienet jnen damit zur seligen Bus / zur krafft vnd Tugend des Glaubens. Darnach vnterweiset man auch alle andere / auff das sie zugleich mit Gottes erkentnis erleuchtet / noch jrem beruff / stand vnd wesen / in aller erbarkeit vnd Gottseligkeit wandeln / den namen Gottes also hei-

so heiligen/ vnd die reine Lere zier-  
ren.

Zum dritten/leret man sie in  
dem selben Catechismo/ den eini-  
gen waren Gott mit festem ver-  
trauen / im namen des WErn-  
Ihesu Christi / anruffen vnd bit-  
ten / Vnd das nicht allein für sich  
selbs / sondern für die ganze Chri-  
stenheit in allen Landen / für alle  
ire Geistliche Regenten / auch für  
die Weltliche von Gott verordne-  
te Obrkeit. In sonderheit aber  
für Keiserliche vnd auch ewre  
Königliche Maestät / sampt der  
selben junge Herrschafft / Kethe  
vnd Vnterthanen / bittende / das  
der gütige Gott ewer Königlich-  
en / sampt irer Keiserlichen Maie-  
stät / ein langwirige vnd in allem  
guten ein glückselige regierung  
verleihen wolle / auch ein gnedi-  
ges / geneigtes / Väterlich hertz  
vnd gemüt / gegen allen recht-  
schaffenen / guthertzigem vnd  
demü-

Vom Catechismo.

Demütigen vnderthanen / liebhabern vnd anbetern Gottes des Vaters vnd seines Sons Ihesu Christi. Vnd in Summa leret man treulich bitten / für alle Menschen / für Freund vnd Feind / wie Luce 6. d. die Lere des VERN Christi / vnd 1. Tim. 2. a der Apostel / ja auch die Exempel der ersten heiligen Kirchen ausweisen.

Daher heit man auch das Volck zu fleissigem Kirchgang oder Christlichen versamlungen / vnd erweckt es daseibs mit Gottes wort zu ernstem vnd andächtigen gebet.

Was aber diesem gemeinen Christlichen Catechismo vnn vnterricht entgegen ist / wird alles verworffen / vnd krefftiglich mit gewissen gründen der Heiligen Schrifft (so viel Gott gnad verleihet) widerlegt / vnd das Volck dafür gewarnet.

Der dritt Artikel / Vom  
glauben an die Heilige Dreifalt-  
faltigkeit / vnd Göttliche  
einigkeit.



Als diesem brunnen  
der heiligen Schrifft  
vnd Catechismi / in  
rechters verstand  
vnd meinung des  
heiligen Geistes / leren die vnsern  
durch den glauben erkennen / vnd  
mit dem mund bekennen / die heilig  
Dreifaltigkeit / nemlich den  
Vater / Son vnd heiligen Geist /  
drey vnterschiedliche sondere Per-  
sonen / Nach dem wesen aber nur  
ein einigen / waren / ewigen / all-  
mechtigen / vnbegreiflichē Gott /  
eines gleichen einigen vnzertheilten  
Göttlichē wesens / Von welchem / Rom. 11. 8  
durch welchen / vnd in welchem  
sind alle ding. Der da lieb hat vnd Exod. 20. 9  
vergiltet die gerechtigkeit / hasset

aber

Von der N. Dreifaltigkeit.

aber vnd straffe alle vngerechtig-  
keit.

Diesem glauben nach leret  
man erkennen / die wunderbaren  
werck / vnd sonderliche Eigen-  
schafften der Personen / der heil-  
igen Dreifaltigkeit vnd Göttlichen  
einigkeit : die allerhöchste vner-  
messene krafft / weisheit vnd güte  
des einigen Gottes / daraus ein-  
selig erkenntnis / beide des Göttli-  
chen wesens vnd willens entsprin-  
get.

In art eigenschafften der  
drei Göttlichen Personen / da-  
mit sie von einander vnterschie-  
den werden / sind innerliche / ewi-  
ge / wesentliche eigenschafften /  
welche stets vnwandelbar blei-  
ben / vnd durch den glauben allein  
ersehen werden / vnd sind diese /  
Das der Vater als ein Brunn oder  
Quelle der Gottheit / den Sohn im  
gleich zeuget von ewigkeit / vnd  
selbs vngelboren bleibt / vnd doch  
nicht

nicht ist die Person des Sons. Der Son wird vom ewigen Vater von ewigkeit ein warer Gott von Gott gezenget / vnd so fern er ein Person ist / ist er nicht der Vater / sondern Gott des Vatern natürlicher Son / Welcher Son darnach / da die zeit erfüllet war / selbs allein (so fern er der Son ist) vnser Natur von der seligen Jungfrauen an sich genomen / vnd mit der Gottheit in eine Person vereiniget. Danon hernach. Der heilige Geist aber gehet vom Vater vnd Son aus / vñ ist also nicht der Vater noch der Son / sondern ist ein eigen Person / die ewige vberwunderbare / wesentliche liebe des Vaters vnd Sons etc. Diese drey Personen / sind ein einiger / warer / ewiger Gott / wie oben vermeldet.

Die andern werck dieser Personen vnd Göttlichen Einigkeit fließen von dannen eusserlich her

Von der heiligen Dreifaltigkeit,  
heraus/darin sie sich vnterschied-  
lich offenbart haben. Vnd der  
sind drey/Erstlich das wunderli-  
che werck der Schöpffung/wel-  
ches in den Symbolis dem Vater  
zugeeignet wird / Das werck der  
Erlösung/welchs ist des Herrn  
Christi allein / Das werck der  
Weiligung/welchs dem heiligen  
Geist wird zugeschrieben / Dar-  
umb er auch selbs im Apostoli-  
schen Symbolo in sonderheit hei-  
lig genent wird / Vnd doch alle  
diese werck sind diesem einigen  
warhafftigen Gott allein vnd  
sonst keinem andern zustendig /  
nemlich dem Vater / Son vnd  
heiligen Geist.

Dieser rechte völlige glaub  
vnd hohe erkenntnis Gottes/seins  
Göttlichen wesens vnd willens/  
wird in dem obgenanten allgemei-  
nen Apostolischen Symbolo /  
vnd in dem jenigen so in dem Con-  
cilio zu Nicen geschlossen/welchs  
mit

mit diesen einstimmet / sampt andern mehr rechtglaubigen Concilien / auch in des Athanasij Bekenntnis verfasst vnd beschlossen / welche wir für recht halten vnd bekennen.

Es hat aber seinen ewig beständigen grund vnd größten beweis aus der heiligen Schrift / aus der offenbarung der gantzen Mat. 3. 6 heiligen Dreifaltigkeit / bey der Tauff des **WERRN** Christi im Jordan / Vnd aus dem befehl Mat. 28. 9 Christi / das im namen der heiligen Dreifaltigkeit alle Völcker den glauben lernen / vnd getaufft werden sollen. Auch in den Worten des **WERN** Christi / da er spricht / Solches alles wird euch Joh. 14. 8 lernen der Tröster der heilige Geist / welchen mein Vater senden wird in meinem Namen. Vnd zunor spricht er: Ich wil den Vater bitten / Vnd er wird euch einen andern

B

Von der heiligen Dreifaltigkeit.

dem Tröster geben / der bey euch  
bleibe ewiglich / den Geist der  
warheit.

Welter wird geleret / das man  
diesem waren Gott / in einem eini-  
gen wesen Göttlicher natur / vnd  
drey Personen allein die allerhöch-  
ste Ehre erzeigen sol. Als dem al-  
lerhöchsten **DEUM** vnd Kö-  
nig / der da herrschet vnd regieret  
jmer vnd ewiglich. Vnd sonder-  
lich hiemit / das wir vnser höch-  
ste zuuersicht / vnd gantzes ver-  
trawen allein in jm setzen / alle vn-  
terthenigkeit / gehorsam / forcht /  
glaub / liebe / vnd alle ehrerbie-  
tung des gantzen innerlichen vnd  
eusserlichen Gottesdiensts jm  
auffopffern vnd leisten / bey ver-  
lust der seligkeit / Wie geschriben  
stehet : Gott deinen **DEUM**  
soltu anbeten / vnd jm allein die-  
nen. Vnd abermal : Du solt lies-  
ben / oder ehren Gott deinen  
**DEUM**

Deut. 6. a  
Matt. 4. b  
Mar. 12. d

WENN von gantzom hertzen /  
 von gantzer Seel / von gantzem Rom. 11. 9  
 gemüt / vnd kurtz aus allen deinen  
 beide innerlichen vnd eusserlichen  
 krefften. Welchem sey ehre / von  
 nu an bis in ewigkeit / Amen.

Der vierde Artickel /  
 Von sein selbs Erkentnis / I-  
 tem / Von der Sünde / irer ursach vnd  
 Frucht / vnd von der Verheif-  
 sung Gottes.

**S** Im vierden wird  
 geleret / von des  
 Menschen erkent-  
 nis / Vnd das auff  
 zweierley weis /  
 Eins im stand der  
 Unschuld / daraus er gefallen.  
 Vnd zum andern / der Sünde vnd  
 sterblichkeit / darein er gefallen ist.

B ij Der

Von sein selbs erkenntnis.

**Der Standt vnd das wesen**  
**Gene. 2.** der vnschuld vnd frödigkeit stehet hierin / das Gott der **ALLES** im anfang den Menschen zu seinem bilde vnd gleichnis geschafften / mit seiner gnade gezieret / die gerechtigkeit in seinen Geist / Seel vnd Leib / vnd in allen iren krefftten eingepflantzet / vnd in also heilig / gerecht / weis / vnsterblich seinem Geist zu einem lieblichen Tempel / im verstand / willen / gedechtnis vnd richtung gemacht / mit ein hellen liecht der erkenntnis / auffrichtigkeit vnd lieb gegen Gott / vnd aller Creatur ordentlich / auch mit vollkommenem gehorsam / rechter furcht Gottes / gutem hertzen vnd art begabet /  
**Eccle. 7.** auff das er wer sein eigenthumb /  
**Ephes. 1.** zu lob vnd preis seiner herrlichen gnad.

**W**erin aber hat er in gelassen / bey ein Freien willen / das er  
das

das gebot / so er jm geben / wo er  
 wolt / vermöcht zu erfüllen / vnd  
 dadurch die gerechtigkeit jm selbs  
 vnd seinen nachkommen behalten /  
 vnd an allem / am Geist / Seel vnd  
 Leib wol stehen. Ja auch einen  
 Eingang zu vberflüssiger herrlig-  
 keit erwerben / in erwegung / das  
 im sewer vnd wasser / leben vnd  
 todt fürgestellt / Wo er aber nicht  
 wolt / sich auch nicht des be-  
 fließen / das er als denn durch er-  
 welung des bösen / dieselben Güt-  
 ter köndte verlieren.

Eccle. 15. f

Als ander teil seins selbs er-  
 kenntnis (vor der rechtfertigung)  
 stehet darauff / das der Mensch  
 seinen Stand vnd fall / Sünd vnd  
 sterblichkeit recht erkenne / Denn  
 der Mensch hat die willkürliche  
 freiheit / jm von Gott verliehen /  
 misbraucht / das Gesetz seiner ge-  
 rechtigkeit nicht erfüllet / sondern

B liij ver-

Von sein selbs erkentnis.

verlassen / vnd Gottes verbot vber  
tretten / In dem das er dem Teufel  
vnd seinen lügen worten ge-  
horchet / denselben glaubt / vnd  
den glauben sampt dem gehor-  
sam / Gott allein gebürend / im ge-  
leistet. Dadurch er sich vnd seine  
Nachkommen des standes der vol-  
kommenheit vnd guten art beran-  
bet / die huld Gottes vnd gaben  
der angeschaffnen Gerechtigkeit  
des bildes Gottes / zum teil verlo-  
ren / zum teil / wie ein lautern wein  
mit grawssamer giffte / verfelschet  
vnd verunreiniget / Vnd also sich  
vnd sein Geschlecht in Sünd vnd  
todt / in allerley zeitlichen jamer /  
vnd ewige pein gestürtzet.

**S** ist nu der vrsprung vnd  
anfenger alles bösen / fürnehmlich  
der leidige Teuffel / der Versücher /  
Lügner vnd Mörder / Darnach  
des

Des Menschen freier Wille / doch  
 der jenige / so zum vbel gewand /  
 durch böse lust vnd vnordentliche  
 begierde / das arge erwelet.

Woraus sollen die Sünden  
 nach diesen stoffen / vnd also nach  
 einander angesehen vnd erwogen  
 werden / Die aller erste / grössert vñ  
 schwerest sünde / ist eigentlich des  
 Adams / welche der Apostel ein Rom. 5. 6  
 vngheorsam nennet / des wegen  
 der Tod vber alle herschet / anch vñ  
 ber die so nicht gesündiget haben /  
 mit gleicher vbertrettung wie A-  
 dam. Die ander ist die angeborne  
 Erbsünde / darin wir alle empfan-  
 gen / vnd auff diese Welt geboren  
 werden. Siehe ich bin / spricht psal 51. 6  
 David / aus sündlichem Samen  
 gezeuget / vnd meine Mutter hat  
 mich in sünden empfangen. Vnd  
 Paulus / Wir waren auch Kinder Eph. 2. 6  
 des zorns von Natur. Dieser  
 B iij Erb

## Von der Sünde.

Erbseuche krafft sol erkandt werden / an der schuld / an der bösen art / neigung vnd peen.

Die dritten / nennet man die wirklichen Sünden / welche sind fruchte der angeborenen Sünde / so durch die krafft vnd glieder des Menschen / innerlich vnd eusserlich / heimlich vnd öffentlich ausbrechen / in vbertretung aller Göttlichen gebot oder verbot / dazu in allerley verdämliche blindheit vnd irthumb. Diese Lere vom waren erkenntnis der Sünden / wird bey den vnsern fleissig getrieben: Dazu auch die erste vnd ander tafel Mosi / von Gott geben sein / Damit die Menschen fürnemlich sich selbs erkennen / das sie in Sünden empfangen vnd geboren / vnd als bald von natur Sünder vnd voller böser lust vnd neigung sind. Vnd daher kumbt

es / das sie zu hand von jugent  
 auff / die gantze zeit jres lebens /  
 mit vielen Sünden behafftet vnd  
 vberweldiget / die Göttliche gebot  
 mit hertzen / gedancken vnd that  
 vbertretten. Wie geschriben ste-  
 het / Der DEXX schawet vom psal. 14. a  
 Dimel auff der Menschen Kinder / 57. a  
 das er sehe / ob jemand klug sey /  
 vnd nach Gott frage / Aber sie  
 sind alle abgerwichen / vnd alle- Rom. 3 b  
 sampt vntüchtig / da ist keiner der  
 gutes thue / auch nicht einer. I- Gen. 6. b  
 tem / Der DEXX sahe das der  
 Menschen bosheit gros war auff  
 Erden / vnd alles tichten vñ trach-  
 ten jres hertzen nur böse war jmer-  
 dar. Vnd abermals / Gott sprach / Gene. 8 b  
 Das tichten des Menschlichen  
 hertzen ist böse von jugent auff.  
 Vnd der heilige Paulus sagt: Wir Ephe. 2. a  
 waren auch Kinder des zorns von  
 natur / gleich wie auch die an-  
 dern.

## Von der Sünde.

Wnebon leret man/das vmb  
dieser allgemeinen verderbung  
willen/vnd von wegen der Sün-  
de/irthum vnd vngerechtigkeit/  
so von dannen herkommen/alle  
Menschen / laut der heiligen  
Schrift/ire billiche verdammis/  
vnd schreckliche/gestrenge/Gött-  
liche rach / vnd also die verdiente  
straff des todes/vnd ewiger helli-  
schen qual / erkennen sollen. Das  
von leret Paulus/da er saget/ Der  
Sünden sold ist der todt. Vnd  
Christus der WErr/die da böses  
gethan haben/werden gehen zur  
aufferstehung des Gerichts / das  
ist/in die ewige pein/da wird sein  
heulen vnd zeenklappen.

Rom. 6. 9  
Joha. 5. c  
Mat. 24. 9  
25. 9

Wch sollen wir erkennen/vn-  
ser vnnermögen/vnd angebornes  
grosses elend / jammer vnd not/  
daraus jm keiner nimmermehr eint-  
ger

ger weis selbs helffen/ noch sich  
 rechtfertigē kan/ mit irgents eini-  
 gen/ auch allerscheinbarsten wer-  
 cken vnd vbnngen / Denn der wil  
 des Menschen/ so zuuor frey war/  
 ist nu also verderbt / zerrüttet vnd  
 geschwecht/ das er fort mehr von  
 jm selbs / on Gottes gnade keine  
 volkomene wilkür oder lust / ge-  
 schweig denn macht/ hat/ das gu-  
 te so Gott gefalle/ zu erwelen. Rom. 7. 5  
 Vnd  
 ob er wol selbs mutwillig gefal-  
 len ist/ so hat er doch aus eigenen  
 krefftē nicht können auffstehen/  
 vermag noch auff den heutigen  
 tag nichts / on Gottes gnedige  
 hülff. So hat auch niemand  
 nichts vberal / damit er sich von  
 seiner missethat vnd verdammis  
 erlösen vnd frey machen möge/  
 auffer Christo / durch welchen  
 allein die Rechtgleubigen / von  
 Sünden / tyranny vnd zwancē  
 des Teuffels / von Gottes zorn/  
 todt

## Vom Freyen willen.

tod vnd wiger pein / erlediget  
werden. Es kan auch kein schlech  
ter pur Mensch dem andern zu  
Rom. 7. 6 hülff komen. Denn weil die Erb  
sünde die gantze Natur eingenom  
men hat / vnd darin tobet / sind sie  
alle Sünder / vnd mangeln der  
hulde vnd gerechtigkeit Gottes.  
Darumb spricht Gott durch den  
Jesa. 43. 3 Propheten Jesaiam / **E**rinnere  
mich o Mensch / las vns mit ein  
ander rechten / sage an / wie du ge  
recht wilt sein? Deine Voreltern  
haben gesündigt / vnd deine Er  
rer haben wider mich mishan  
delt. Vnd oben bas saget er von  
den wercken des Menschlichen  
Gottesdiensts / **M**ich hat deines  
diensts nicht gelüst im Speisop  
ffer / hab auch nicht lust an deiner  
arbeit im Weyrauch. **M**ich hastu  
mit dem fetten deiner opffer nicht  
Ebre. 10. 6 gefüllet. Vnd zum Ebreern stehet  
geschrieben / **O**pffer vnd gaben /  
Brand.

Brandopffer vnd Sündopffer  
hastu nicht gewolt/sie gefallen dir  
auch nicht.

Man sol auch hiebey wissen/  
das Gott der DLR allerley pla-  
gen / jamer vnd mancherley her-  
tzenleid auff dieser Welt / vber alle  
Menschen billich vmb der Sün-  
de willen verhenget vnd einfüret/  
Als hitz / keld / hunger / durst / sorg  
vnd kummernis / schwere mühe /  
vnglück / trübsal / schwert / fexer /  
franckheit / schmerzen / bis auff  
den vntreglichen bitteren todt. Wie  
geschrieben stehet / Des todes sol Gen., 2, 17  
tu sterben. Vnd abermal / verflu- 3. 6.  
chet sey der Acker vmb deinen wil-  
len / mit kummer soltu dich dauon  
neeren dein lebenlang / dorn vnd  
disteln sol er dir tragen.

Wid doch geschicht hieneben  
der bericht / das die Menschen al-  
le diese straffen geduldiglich tra-  
gen

Vom Freyen willen.

gen sollen vnd müssen / als die / so  
Gott schuldig / vnd einer scherffes-  
ren peen werd sind. Vnd das nicht  
der gestalt / als solten sie jnen da-  
mit etwas verdienen / oder von  
Gott einige gnad vnd lohn dafür  
empfaben / dieweil von einem hö-  
heren leiden (welches die Recht-  
glaubigen vmb Christus willen  
Rom. 5. c auff sich nemen) Paulus also sa-  
get / das es der Derrlichkeit nicht  
werd sey / die an vns sol offen-  
baret werden / sondern darumb /  
auff das sie die größe vnd schwe-  
re irer Sünden / auch ire schwas-  
cheit vnd dürfftigkeit lernen er-  
kennen / vnd jnnen werden / wie  
gar vber vnd vberaus arg vnd  
Jere. 2. c bitter es sey / als der Prophet  
saget / den DEXXII seinen Gott  
verlassen: Vnd das sie in solchem  
jammer vnd beschwerung ver-  
tenffet / zur Bus würden erweckt /  
vnd zu suchen gnade vnd hülffe  
von

von Gott / der ein Vater ist voller  
barmhertzigkeit vnd erbarmung.

Wiewol man deutlich hinfu  
zu setzet / das die Christliche v  
bungen / vnd der Heiligen leiden /  
so vmb Christi namen / nemlich  
der seligkeit / vnd seiner heiligen  
warheit willen / geschehen / Gott  
ein angenehmes / wolgefelliges Rom. 8. c  
2. Thes. 1. b  
Opffer sind / vnd grosse verheiss  
ung haben / sonderlich im künfft  
igen leben. Welchs an Christo  
dem Deubt ergangen / von dem 1. Pet. 1. a  
der Apostel saget / das er / da er wol  
het mügen freud haben / er das Ebr. 12. a  
Creutz erduldet / Welcher inen  
auch solchs durch sich selbs ge  
heiliget hat.

Wey vnd nach diesem Artick  
el / weil es der sachen ordentli  
che Process vnd fortgang er  
heischet / Leren vnser Fürsteher /  
nach dem sal erkennen / die Gött  
liche

Vom Euangelio.

liche verheißung das recht gna-  
denwort / vnd heilige Euangeli-  
on / aus dem heimlichen raht der  
heiligen Dreifaltigkeit ersür ge-  
bracht / von Christo dem Herrn  
vnd vnser gantzen seligkeit / durch  
in bereitet. Dieser verheißungen  
sind drey fürnemste / darinnen al-  
Gene. 3. c le andere werden begrieffen / Die  
erste ist im Pargdis geschehen /  
mit diesen worten: Ich wil feind-  
schafft setzen / zwischen dir vnd  
dem Weibe / vnd zwischen deinem  
Samen vnd irem Samen / derselb  
sol dir den kopff zutretten / vnd du  
wirft in in die Verschen stechen.  
Die a ander ist dem Abraham ge-  
a. Ge. 12. a than / welche nachmals der Pa-  
13. 6. 15. a triarch Jacob vnd Moses ver-  
18. c. 21. b newerten. Die dritte dem b Da-  
22. f. 49. b und / welche die c Propheten wi-  
Deut. 18. c derholeten vnd erklerten.  
b2. Ke. 7. b In diesen verheißungen wer-  
25. a den beschrieben vnd abgemalet /  
Psal. 89. a die  
132. b  
c Jesa. 9. a  
11. a  
Jere. 23. a

die fürnemsten heubt vnd grund-  
 wercke des VErn Christi/darin  
 er vnser Mitler vnd Weiland ist/  
 als die Empfengnis in Maria der  
 Jungfrawen / vnd seine Geburt  
 aus derselben / denn er ist des  
 Weibes samen worden. Item /  
 sein leiden / aufferstehen vnd si-  
 tzen zur rechten Gottes / da er mit  
 Priesterlicher vnd Königlichher  
 herrligkeit begabet ist. Welchs be-  
 dentet hat / das gantze leben Da-  
 uid: Darumb auch der VERA Eze. 34. 0  
 sich einen neuen David vnd Wir-  
 ten nennet. Vnd das ist das Euan-  
 gelion der Heiligen gewesen  
 vor vnd nach dem  
 Gesetz.

Der Fünffte Artickel/  
 Von der Busse.

• C Wenn

Von der Busse.

**S**enn nu die Sünde erkandt ist / wird solgends geleret / von der heiligen busse / die allen Sündern ein vberaus tröstliche Lere ist / vnd allen Menschen in gemein / beide den anfabenden vnd zunehmenden Christen / auch den gefallenē Sündern / doch die durch Gottes gnade widerkeren / gantz nötig vnd nützlich zur seligkeit / Welche Johannes der Teuffer geprediget hat / vnd nach im auch Christus der Herr selbs / mit diesen worten: Thut buss sprach er: das Himmelreich ist nahe herbey komen. Darnach auch die Aposteln in der gantzen Welt. Denn also ist geschrieben / vnd also musste Christus predigen lassen / in seinem namen / Busse vnd vergebung der Sündē vnter allen Völkern. Vnd diese Busse kompt eigentlich aus  
rech

Matt. 4.c

Luc. 24.d

rechter erkenntnis der Sünden vnd  
zorns Gottes.

Zu diesem erkenntnis gehört  
ein vollkommene leistung/ beide der  
Busse oder Befehlspredigt von der  
schuldigen Gerechtigkeit vor  
Gott/ darin verfasst/ Vnd der  
predigt des Glaubens an Chri-  
stum Ihesum /vnd seiner heilich-  
gen gungthung oder bezahlung/  
die er für vns mit schmerzen ge-  
than. Diese Busse vnd selige Be-  
kerung gibt der gütig Gott durch  
ein sondere gab/ vnd schreibet sie  
in seiner Bleubigen hertz/ Wie er  
saget/ Ich wil euch ein new hertz  
geben/ vnd wil machen das jr in  
meinen geboten wandelt.

Jere. 31. 8  
Ebre. 8. 6

Item/ Das euch ewre Sün-  
de vnd Abgötterey gerewen. Vnd  
abernials / Da ich bekeret ward/  
thet ich busse.

Ezech. 6.  
36. 8  
Jere. 31. 6

C ij Diese

## Von der Busse.

Diese heilsame Bekerung  
(weit von Esau vnd Judas bus  
vnterschieden) hat eigentlich iren  
vrsprung vnd ankunfft aus dieser  
gab Gottes / vnd Straffpredigt  
Göttlichs worts wider die sünde:  
Vnd ist erstlich in der ein hertzli-  
che furcht oder schreckē für Gott/  
vnd entsetzung mit reu vnd leid  
für seinem warhafftigen strengen  
gericht vnd ernster rach. Daher  
ein böß beschwert/zaghafftig vnd  
vnrühig Gewissen entsethet / ein  
bekümmert gemüt / vnd betrübt ge-  
engstet vnd zerknirscht Dertz / al-  
so / das der Mensch in jm selbs kei-  
nen trost haben mag / sondern  
sein Geist vol ist allerley hertzen  
leid / trawrigkeit / angst vnb schres-  
cken / vor dem grim des strengen  
angefichts Gottes. Ein Exempel  
habē wir an David / da er spricht/  
Es ist nichts gesundes an mei-  
nem Leib für deinem dreyen / vnd  
ist

psal. 55. a

ist kein friede in meinem Gebeinen  
für meiner Sünde / Ich gehe  
krum vnd seer gebücket / den gan-  
tzen tag gehe ich trawrig.  
Vnd solch warhafftiges er-  
schrecken vnd fülen der Sünde /  
wircket in den Bleubigen / ein in-  
wendige vnser sins vnd gemütes  
verwandlung / vnd von Sünden  
vnd iren vrsachen ein beständige  
abterung.

Drauff leret man zuhand  
mit vleis / das solche betrübte / er-  
schröckene vnd busfertige Men-  
schen aus grund ires hertzens mit  
reuw vnd demut / bekentnis vnd an-  
ruffung / sich zu Gott bekeren /  
vnd durch glauben an Ihesum  
Christum vnsern DERN ein ge-  
wis / vnzweifelhafftiges ver-  
trawen auff sein barmhertzigkeit  
fassen: sich an die zusage der gna-  
den halten / vnd darauff sich gantz  
C in lich

Von der Busse.

1. Joh. 2. a

lich niederlassen sollen. Vnd weiß  
sie keine Gerechtigkeit haben / sei-  
ne Göttliche gnade begierlich vnd  
getrost bitten / das er sich irer wol-  
le erbarmen / vnd jnen ire misse-  
that vergeben aus gnaden / vmb  
seines Sons / vnd seines tewren  
verdienstes willen / welcher ein ver-  
sünung für die Sünde worden ist:  
auch ein fluch / damit er vns  
Gott heiligte. Denn solchen ist  
zu irem festern vertrauen vorge-  
stelt / vnd sol geprediget werden /  
die gewisse tewre verheißung /  
darin Gott spricht: Ruffe mich  
an in der not / so wil ich dich erret-  
ten. Vnd das sollen sie thun / so  
offt es jnen von nöten ist / als lan-  
ge sie leben. Danon saget der hei-  
lige Ambrosius / Keiner kan recht-  
schaffene busse thun / er hoffe  
denn Gottes erbarmung.

Psal. 50. c

Ambrosi-  
us lib. 1.  
De peni:  
cap. 1.

ES sollen aber alle/die ihrer Sünde ein ware rewe/schmertzten vnd misfallen tragen/auffhören böses zuthun/ vnd lernen gutes thun. Denn also schreibet Jesaias/da er das Volck zur Busse vermanet. Vnd Johannes der Täufer ruffet des gleichen/ vñ sprach: Esa. 1. 6  
 • Sehet zu / Thut rechtschaffene fruchte der Busse. Dieses stehet am allermeisten in tödtung vnd ablegung des alten Mensch:n / vñ anlegung des newen/ der nach-Gott geschaffen ist/ laut der Luc. 3. 6  
 Apostolischen lere. Eph. 4. 6  
Colo. 5. 6

Weiter werden die Busfertigen vnterrichtet/ das sie zu ihren Seelsorgern gehen/ vñ Gott dem VATER vor ihnen ihre Sünde bekennen. Aber doch wird niemand weder geheissen noch getrieben/ die Sünden zu erzelen/ Sondern das sie ihren schmertzten vnd misfallen

C iij

## Von der Busse.

fallen darüber anzeigen / raht vnd  
lere dieselbe hinfort zu fliehen / vn-  
terricht vnd trost jren verworre-  
nen gewissen / entbindung aus ge-  
walt der Schlüssel / vnd verzei-  
hung der Sünden / durch das  
ampt des Euangelij / von Christo  
geordnet / in sonderheit begeren /  
vnd wissentlich von jrem Gott er-  
langen mögen. Vnd wenn jnen  
solchs von jren Seelsorgern wi-  
derfehret / sollen sie es als ein  
ding von Gott jnen zur förderung  
vnd dienst verordnet / mit glau-  
ben annemen / vnd der ver-  
gebung der Sünden on wan-  
cken genießen / Nach dem wort  
des **DErrn**: Welchen jr die Sün-  
de erlasset / den sind sie erlassen.  
Hiemit gantzlich vnd gewis ver-  
sichert sein / das durch das ampt  
dieser Schlüssel / aus **CD**risti  
macht / vermöge seines worts /  
jnen alle Sünde vergeben werden.

Dar =

Darumb sollen auch die jenigen/  
 so auff diese weis / ein fried-  
 lich vnnnd frölich Gewissen or-  
 dentlich vberkomen / Dieser Gött-  
 lichen gnad in **CHRISTO** danck-  
 bar sein / dieselb vergeblich nicht  
 empfaben / vnd sich zu Sünden  
 nicht wider vmbwenden / nach  
 des **WERRN** trewer warnung /  
 Siehe zu / du bist gesund worden /  
 sündige fort nicht mehr / das dir  
 nicht etwas ergers widerfare.  
 Item / Sündige nicht mehr.

Joh. 5. c

Joh. 8.

Der grund aber vnd die gan-  
 tze krafft dieser seligen Busse ist der  
 verdienst des leidens / sterbens /  
 vnd aufferstehens vnser **WERRN**  
 vnd **WEILANDS** / dauon er selbs  
 saget: also muste **CHRISTUS** leiden /  
 vnd aufferstehen am dritten tage /  
 vnd predigen lassen in seinem Na-  
 men / Busse vnd vergebung der  
 Sünden / vnter allen Völcern.

Luc. 24. c

C v

Vnd

Von der Busse.

Mar. 1. 6 Und abermal / Thut busse / vnd  
glenbet an das Euangelion.

Man leret auch / das bey den  
jenigen / so öffentlich gesündigtet /  
vnd also öffentliche ergernis gege-  
ben haben / die eusserliche / öffent-  
liche Busse nicht aussen bleiben  
solle / wenn inen Gott einen bus-  
fertigen Geist bescheret. Vnd das  
zur prob / kundschafft vnd zeug-  
nis / das sich die gefallenen Büs-  
ser warhafftiglich bekeren / vnd  
zur versünung widerumb mit der  
Kirchen vnd nechsten / auch den  
andern zu einer furcht / schew vnd  
exempel.

1. Tim. 5. c  
Matt. 5. c  
18. c

Wozu letzt wird alles hiemit  
beschlossen / Das ein jeder / er sey  
auch wer er wölle / welcher allhie  
im namen des WErn Ihesu  
Christi nicht Busse thut / entlich  
wird verdampft werden / Nach des  
WErn ausspruch / also lautent /  
So

Soyr euch nicht bessere / werdet jr <sup>Luce 15. c</sup>  
 alle auch also / wie jene in Siloha  
 vmbkomen.

Der Sechste Artickel/  
 Von Christo dem HErrn / vnd  
 von der Rechtfertigung / durch  
 den glauben an in.

**D**er sechste Heubt-  
 artickel Christlich-  
 er Lere in vnsern  
 Kirchen ist / von leb-  
 endigen glauben /  
 an Ihesum Chri-  
 stum vnsern HErrn / vnd von  
 der waren Rechtfertigung durch  
 denselben glauben. Denn es ist  
 je gewis / das nach dem fall Ade /  
 kein mensch aus der knechtschafft  
 der Sünden / vnd reich des todes  
 vnd verdammnis / zur freiheit  
 vnd waren versünung mit Gott /  
 ko

## Von Christo.

Komen fast / denn allein durch  
den einigen Mittler / zwischen  
Gott vnd den Menschen / Ihesum  
Christum / im lebendigen  
glauben / welcher allein in seinem  
tod vnd blut / das bild der Sünde  
vnd todes / von vns hinweg nimmet  
vnd vns in das Bild der Gerechtig-  
keit / vnd des lebens durch  
den Glauben bekleidet / denn er ist  
vns gemacht von Gott / zur weis-  
heit / gerechtigkeit / heiligung vnd  
erlösung.

1. Cor. 1. 8

Vrs erst aber leret man von  
Christo glauben : Das er sey ein  
warer ewiger natürlicher / vnd  
von ewigkeit eingebornen Son  
Gottes / des Himmlischen Vaters /  
vnd also zugleich mit jm vnd mit  
dem heiligen Geist ein warhafftiger  
vnzertrenter Gott / das ewige  
vnerschaffene wort / der glantz  
vnd das ebenbild des Väterlichen  
wes

Joh. 1. a  
Colos. 1. b  
Ebr. 1. a

wesens / Durch welchen alle / beide sichtbare vnd vn-sichtbare him-lische vnd jrdische Creaturen ge-macht vnd erschaffen sind.

Wch ein warhafftiger na-türlicher Mensch / vnser leiblicher Bruder / so Seel vnd Leib / das ist / die rechte gantze Menschliche natur an sich hgt / die er durch wirckung des heiligen Geists / von der reinen Jungfrawen Ma-ria / aber on alle Sünde angeno-men. Wie der heilige Johannes saget / Das Wort ist Fleisch wor-  
den. Vnd also in diesen beiden Naturen / on verliering oder ver-mischung der eigenschafften ob wol in wunderlicher dieser eigen-schafften / vereinigung / ein einig vnzerteilte person / ein Christus / Emanuel / König vnd Priester / vnser Erlöser / Mittler vnd volko-mener Versüner / voller gnad vnd  
war-

Johan. 1. a

## Von Christo.

warheit / Auff das wir aus seiner  
fülle nemen / gnad vmb gnade.  
Denn das Gesetz ist durch Mosen  
gegeben / aber die gnade vnd war-  
heit / ist durch Ihesum Christ  
worden / nemlich GOTT vnd  
Mensch in einer person.

Diese gnade vnd warheit le-  
ret man erkennen / vnd durch den  
glauben ansehen / in allen seinen  
seligmachenden / wunderbaren  
wercken. Von welchen man / nach  
inhalt der heiligen Schrifft vnbe-  
weglich glauben vnd bekennen  
sol. Als da sind / seine zukunfft  
vom Dimel / seine Empfengnis /  
Geburt / leiden / sterben / Auffste-  
hung / Auffart gen Dimel / Sitz-  
en zur rechten Gottes / vnd seine  
widerkunfft zum gericht der Le-  
bendigen vnd Todten. In diesen  
Neubtwercken / sind als in einer  
Schatzladen alle heilsame fruch-  
te der

te der waren Rechtfertigung beschloffen / Vnd werden den Auserwählten dargereicht / das sie der selbigen im Geist vnd Gewissen / durch den glauben teilhafftig werden / Welchs alles völig nachmals geschehen wird / am tag der frölichen aufferstehung.

Als diesem grund wird weiter von diesem gerechtmachenden glauben / vnd warhafftiger rechtfertigung durch in / nach gewissen klaren zeugnissen der heiligen Schrift angezeigt. Vnd erstlich das keiner von im selbs / noch von eigenem willen / aus fleisch vnd Blut / diesen seligmachen glauben / erlangen vnd haben kan / es gebe in denn Gott aus gnaden ins Wert / durch den heiligen Geist / vnd Predigamt des heiligen Euangelij / wenn / vnd wenn er wil. Also / das er annemen möge /

Rom. 10. 13

Vom glauben an Christum.

- möge / alles was im durch das  
öffentliche wort Gottes / vnd hei-  
ligen Sacrament von Christo ein  
gesetzt / angeboten vnd gezeuget  
wird zur seligkeit / Danon S. Jo-  
hannes des W<sup>er</sup>rn Tauffer sa-  
get / Ein Mensch kan nichts ne-  
men / es werde im denn gegeben  
vom Himel / Item / der W<sup>er</sup>rn  
Christus saget selbs / Niemand  
kan zu mir komen / es sey denn der  
Vater / der mich gesand hat / ziehe  
in. Vnd hernach / Es sey im denn  
von meinem Vater gegeben / nem-  
lich vom Himel / durch den hei-  
ligen Geist. Vnd zu Petro / Fleisch  
vnd Blut hat dir das nicht offena-  
bart.

Vnd dieser Glaub ist eigent-  
lich ein willig hertz vñ beypflich-  
tung / gegen aller Göttlichen war-  
heit im Euangelio verkündiget /  
dadurch der Mensch am sinn vnd  
ge

gemüt erleuchtet wird / auff das  
 er seinen Gott den D<sup>er</sup>ren Jesum  
 Christum recht erkenne / für sei-  
 nen einigen Weiland anneme /  
 auff in / als den rechten Fels seine  
 seligkeit gantzlich gründe / in lie-  
 be / in nachfolge / seiner genieße /  
 in im allein all sein hoffnung vnd  
 vertrauen setze / sich dadurch auff-  
 richte / vnd der tröstlichen zuver-  
 sicht sey / das er vmb sein vnd sei-  
 nes verdiensts willen einen gnedi-  
 gen / gütigen vnd milden Gott ha-  
 be / vnd auch in im vnd durch in  
 gewislich das ewig leben habe /  
 vnd ewiglich haben werde / nach  
 seiner warhafftigen zusag / die er  
 mit einem Eid bethewret / Da er  
 spricht: Warlich warlich ich sage  
 euch / wer an mich glenbet / der Joha. 6. 6  
 hat das ewige leben. Vnd das ist  
 der wille des / der mich gesand  
 hat / das / wer den Son sibet / vnd  
 glenbet an in / habe das ewige le-  
 ben /

Von der Rechtfertigung.

Joh. 17. a ben / Vnd ich werde in aufferwe-  
cken am Jüngsten tage. Vnd / das  
ist aber das ewige leben / das sie  
dich allein ein waren Gott / vnd  
den du gesand hast / Ihesum  
Christum erkennen. Vnd Jesai-  
Jesa. 53. d as / Durch sein erkenntnis wird er  
mein Knecht / der Gerechte / viel  
gerecht machen.

DJeser einige glaub / vnd das  
hertzlich vertrauen auff Chris-  
stum Ihesum vnsern VERN  
rechtfertiget / oder machet gerecht  
den Menschen für Gott / on all  
sein zuthun / werck vnd einig ver-  
Rom. 4. a dienst. Davon saget der heilige  
Paulus: dem der nicht mit wer-  
cken vmbgehet / gleubet aber an  
den / der die Gottlosen gerecht  
macht / dem wird sein glaube ge-  
rechnet zur Gerechtigkeit. Vnd  
Rom. 3. c droben / Nu aber ist on zuthun  
des Gesetzes die Gerechtigkeit / die  
für

für Gott gilt / offenbaret / welche doch ist bezeuget / durch das Gesetz vnd die Propheten / Ich sage aber von solcher gerechtigkeit für Gott / die da komet durch den glauben an Ihesum Christ. Vnd Acto. 13. f anderswo saget er / wer an diesen glenbt / der ist gerecht.

Wid diese Rechtfertigung ist die vergebung der Sünden / die benennung der ewigen peen / so Gottes gestrenge Gerechtigkeit erfodert / die bekleidung in Christi gerechtigkeit / oder derselbigen zurechnung / die versünung mit Gott / die annemung zu gnaden / Eph. 1. 6 durch welche wir sind angenehm gemacht in dem Geliebten / vnd miterben worden des ewigen Lebens. Darauff / des zur bestetigung / vnd zur newen geburt / das pfand des heiligen Geists / vmbsonst geschenckt vñ gegeben wird /

D i j      a n s

## Von der Rechtfertigung.

Rom 4. a

aus vnendlicher gnaden / vmb Christi / seines todes / blut ver-  
giessens vnd aufferstehung wil-  
len. Das alles hat der heilig Pau-  
lus gar fein beschrieben zum Röm-  
ern / da er die wort David ein-  
füret / sprechend : Selig sind die /  
welchen jr vngerechtigkeit verge-  
ben sind. Danon handelt er  
durchs ganze Capitel. Vnd an  
die Galater / Gott sandte seinen  
Son / das wir die Kindschafft  
empfiengen. Sintemal jr denn  
Kinder seid / hat Gott gesand den  
Geist seines Sons in ewre her-  
tzen / der schreiet Abba / lieber Va-  
ter.

Gal. 4. a  
Rom. 8. b

Ezech. 36. c  
6. d

Denn welche Gott rechtfer-  
tigt / denen gibt er den heiligen  
Geist / vnd bringet sie anfänglich  
zur newen geburt / durch den sel-  
ben. Wie er durch den Propheten  
verheißt / Ich wil euch: spricht er /  
ein

ein new hertz geben / vnd wil in euch geben einen newen Geist. Jere. 3. a  
Ebre. s. b  
 Damit wie zuvor in jnen die sünde zum todt hat geherschet / also widerumb hersche vnd regiere die gerechtigkeit zum ewigen leben durch Ihesum Christum / Vnd das ist die gemeinschafft der gnaden Gottes des Vaters / des verdienstis vnsern **W** **E** **s** **u** **C** **h** **r** **i** **s** **t** **i** / vnd der heiligung des heiligen Geists. Das ist das Gesetz des glaubens / das Gesetz des Geists vnd lebens / geschrieben durch den heiligen Geist.

**D** Je lebendige aber vnd vnersigene Brunquell dieser rechtfertigung / ist selbs allein vnser **W** **E** **r** **r** **I** **h** **e** **s** **u** **s** **C** **h** **r** **i** **s** **t** **u** **s** / in seinen seligmachenden wercken / daraus alle Heiligen von anbegin der Welt / vor vnd vnter dem Gesetz / vnd seiner Zucht / auch darnach

D iij die

## Von der Rechtfertigung.

Joh. 5. f

Die seligkeit oder verzeihung ihrer Sünde/durch den glauben an die tröstliche zusage des Euangelij geschepffte vnd schepffen empfangen/vnd inen zueignen/ von wegen seines todes allein vnd blutnergiessens / zur vollkommenen vertilgung vnd reinigung aller Sünden. Danon sein viel zeugnis der

Acto. 4. 6

Schrift. Der heilige Petrus beweiset kreffiglich für dem ganzen Rat der Ältesten zu Hierusalem / das in keinem andern / denn allein in Christo Ihesu/ Heil sey/ sey auch vnter dem breiten Himel kein ander Name den Menschen gegeben / darin wir sollen selig

Acto. 10. 8

werden. Vnd an einem andern ort berüffet er sich auff die einhellige stimme vnd zeugnis aller Propheten/die einmütiglich durch einen Geist/gleich als durch einē mund geredt haben / Vnd saget also/ Von diesem Ihesu zeugen alle

Pro<sup>2</sup>

Propheten / das durch seinen Na-  
 men / alle die an ihn glauben / ver-  
 gebung der Sünde empfangen sol-  
 len. Und zu den Hebräern / Er hat ge- Ebr. 1. 9  
 macht die reinigung vnser Sün- Eph. 1. 7  
 de durch sich selbst. Und abermal /  
 An welchem wir haben die erlö-  
 sung durch sein blut / nemlich die  
 vergebung der Sünde. Und der  
 heilige Johannes / Wir haben ei- Joh. 2. 2  
 nen Fürsprecher bey dem Vater /  
 Ihesum Christ / der gerecht ist /  
 vnd derselbige ist die versünung  
 für vnser Sünde: Nicht allein a-  
 ber für die vnser / sondern auch Ebr. 10. 10  
 für der gantze Welt. Und abermal  
 zu den Hebräern / Wir sind geheili-  
 get durch das Opffer des Leibs  
 Ihesu Christi / ein mal gesche-  
 hen. Und hendet bald daran / mit  
 einem Opffer hat er in ewigkeit  
 volendet / die geheiligt werden /  
 nemlich / von Gott durch seinen  
 Geist.

∴ D iiii Der

## Von der Rechtfertigung.

**Ehre, 4, a**  
Der vnd Büsser jmerdar jr gantz  
leben durch / zum D<sup>er</sup>rn Chri-  
sto allein vmb verzeihung der sün-  
de / vnd alle heilsame gnade / zu-  
flucht haben. Nach dem wie die  
Epistel zum Ebreern sagt / Die-  
weil wir den einen grossen Ho-  
henpriester haben / Ihesum / den  
Son Gottes / der gen Himel ge-  
fahren ist: So lasset vns halten an  
dem bekenntnis / nemlich von Chri-  
sto dem D<sup>er</sup>rn / Vnd saget bald  
darauff / Darumb lasset vns hin-  
zu treten mit freidigkeit zu dem  
Gnadenstuel / auff das wir barm-  
hertzigkeit empfahren / vnd gnade  
finden auff die zeit / wenn vns hül-  
ffe not sein wird. Ja Christus der  
D<sup>er</sup>rn ruffet selbs / vnd spricht:  
**Joh. 7. f** Wen da dürstet / der come zu mir  
vnd trincke / Vnd an einem andern  
ort / **Joh. 6. d** Wer zu mir kompt / den wird  
nicht hungern / vnd wer an mich  
glen-

glenbet / den wird immermehr  
dürsten.

Welche aber zu dieser Rechtfertigung durch Christum vnsern  
HERRN komen / die werden be-  
richtet / das sie hinfürder / aus die-  
ser Göttlichen gnade ein rechten  
gewissen trost schepffen / vnd für  
Gott ein gut friedsam Gewissen  
geniessen / auch entlich irer selig-  
keit gewis / vnd hiemit versichert Rom. 5. c  
sein sollen / weil sie alhie Kinder  
Gottes sind / das sie auch nach  
dem todt in der aufferstehung er-  
ben sein werden. Wiler weil sie  
auch begeren sollen eingefurt zu  
werden / zur niessung der volko-  
menen seligkeit / vnd derselben mit  
freuden / vnd einen solchen ver-  
trawen warten / nach des HERRN  
zusage / das solche nicht komen in Joh. 5. c  
das Gericht / sondern sind vom  
tode zum leben hindurch gedrun-  
gen.

∴ D v Die

## Von der Rechtfertigung.

**D**ieser Artikel helt man bey vns für den höchsten vnd wichtigsten / als auff dem die summa des Euangelij / vnd grund vnsers Christenthumbs stehet / darin der köstliche edelste schatz des ewigen Heils / der einige / lebendige / Göttliche trost begrieffen wird / Darumb wenden vnser Seelsorger hierin jren höchsten vleis an / auff das sie den selber in der Menschen hertz tieff einbilden / vnd wol einpflanzen.

**B**ey diesem Artikel / leret man sonderlich vnd notwendig / zu vorkomen viel schedliche Antichristische verführerey / von der gegenwertigkeit Christi: das nemlich der W<sup>er</sup> Christus mit seinem leiblichen wesen auff die art vnd weise / nu der massen alhie in dieser Welt nicht sey / noch sein wird bis an der Welt ende / damit

er

er etwa / hie auff Erden in der  
 sterblichkeit gewesen / darin er sich  
 verhalten vnd peinigen hat las-  
 sen / ja auch nicht in verklärtem  
 wesen / weichs er in der auffsteh-  
 ung vberkomen / darin seinen  
 Jüngern erschienen / vnd am vier-  
 zigsten tag nach seiner auffsteh-  
 ung öffentlich von ihnen gen Him-  
 mel auffgefahren ist. Denn mit der  
 weis seines wesens ist er in der hö-  
 he / mit dem Vater im Himmel / wo  
 ja alle Zungen / als einen Herrn  
 bekennen / vnd ein iglicher Christ Psal. 2. a  
 glauben vnd ehren sol nach der  
 Schrift. Wie auch der Artickel  
 des allgemeinen Christlichen  
 glaubens öffentlich bezeuget / der  
 also lautet: Auffgefahren gen Him-  
 mel / sitzet zur rechten Gottes des  
 allmechtigen Vaters. Vnd aber  
 ein ander Artickel: Von dan-  
 nen Er kommen wird (das ist /  
 von oben herab / vom Himmel mit  
 sei-

## Von der Rechtfertigung.

1. Thes. 4. b  
Acto. 3. e  
Mar. 16. b

seinen Engeln) zu richten die Lebendigen vnd Todten. Also saget auch Paulus: Er selbs der Herr wird mit einem Feldgeschrey vnd stimme des Erzensengels / vnd mit der Posaunen Gottes ernider kommen vom Dimel. Vnd der heilige Petrus / Welcher mus den Dimel einnehmen / bis auff die zeit / da alles herwider bracht werde. Vnd der Euangelist Marcus / Nach dem der Herr mit seine Jüngern geredt hatte / ward er auffgehoben gen Dimel / vnd sitzt zur rechten hand Gottes. Vnd die Engel bey der Dimelfart sprachen: Dieser Ihesus / welcher von euch ist auffgenommen gen Dimel / wird also kommen / wie jr in gesehen habt gen Dimel faren.

Alhie aber in der Welt leret man / ist auch mit vns / eben der selbige Christus / warer Gott vnd  
warer

∴

warer Mensch / Doch von der ob  
angezeigten ersten weis seines we-  
sens vnterschiedlich / das ist / auff  
ein Geistliche / vn sichtbare weise /  
dem Fleisch vnempfindlich vnd  
verborgen / vns aber zur seligkeit /  
das wir sein teilhafftig werden /  
seer nötig / dadurch er sich vns  
darbeyt vnd mitteilt / auff das er  
in vns / vnd wir in ihm wonen /  
Vnd das durch den heiligen  
Geist / vnd seine gaben / Welchen  
er an seiner / oder seines leiblichen  
beyweseus stat verheissen hat / sei-  
ner Kirchen zu senden / vnd durch  
denselben mit seiner heilsamen  
krafft / gnad vnd warheit / ir ge-  
genwertig zu sein / alle tage / bis an  
der Welt ende / da er also sprach  
Es ist euch gut das ich hingebe / Joh. 16. 9  
denn so ich nicht hingebe / so ko-  
met der Tröster nicht zu euch. So  
ich aber gehe / wil ich in zu euch  
senden. Vnd aber / Ich wil den Joh. 14. 16  
Da-

## Von der Rechtfertigung.

Vater bitten / vnd er sol euch einen andern Tröster (verstehet / denn ich bin) geben / das er bey euch bleibe ewiglich / den Geist der warheit / welchen die Welt nicht kan empfangen / denn sie sihet in nicht / vnd kennet in nicht. Ir aber kennet in / denn er bleibt bey euch / vnd wird in euch sein. Ich wil euch nicht Waisen lassen / ich komme zu euch / das ist / durch den Geist der warheit.

Wie aber der Herr Christus mit dieser andern weise / seines vn sichtbaren Geistlichen wesens in den Kirchendienern / im wort vnd Sacramenten ist / also ist er durch dieselbē Diener / wort vnd Sacrament in der Kirchen. Vnd durch diese ding nemen in die Aufferwelten an / mit hertzlichem glauben / vnd halten sich zu in / darumb / damit sie in in / vnd  
er in

er in jnen vnſichtiglich / vnd fur  
 der Welt verborgen / durch den-  
 ſelben glauben / wonet / Das iſt  
 Geiſtlich in den Seelen vnd her-  
 tzen / durch den Geiſt der warheit.  
 Danon der D<sup>E</sup>rr ſagt / Er wird  
 in euch ſein. Item / ich wil zu  
 euch komen.

Dieſe meinung oder ver-  
 ſtand des glaubens iſt nicht new  
 noch iſt erdacht / ſondern ſehr  
 alt / vnd das er in der Kirchen von  
 alters her / in gemein ſey geleret  
 vnd gehalten worden / iſt aus-  
 führlich vnd offenbar / aus den  
 alten Lerern der Kirchen / vnd  
 Decret / in welchem alſo ſtehet ge-  
 ſchrieben / vnd ſind wort des hei-  
 ligen Auguſtini / So lange die  
 Welt nicht jr ende nimpt / iſt der  
 D<sup>E</sup>rr droben / doch gleichwol  
 iſt allhie mit vns die warheit des  
 D<sup>E</sup>rrn / den der leib in welche  
 er

*De' confe.  
 Diſtinct.  
 2. cap. Pri  
 ma qui-  
 dem.*

Von der Rechtfertigung.  
er erstanden / mus an einem ort  
sein / aber seine warheit ist allent  
halben ausgossen.

Der siebende Artickel/  
Von guten Wercken /  
vnd Christlichem  
leben.

**S** Im Siebenden  
wird geleret / das  
die jenigen / so  
durch den Glau-  
ben an Christum  
Ihesum / aus  
Göttlicher gnade / vmb sonst / on  
allen verdienst / gerecht / vnd Gott  
angenehm gemacht sind / hinfurt  
alle zugleich / vnd ein iglicher in  
sonderheit / nach seinem stand /  
wesen / alter vnd beruff / gute  
Werck von Gott geboten / thun  
vnd wircken sollen / Wie der  
DERR

Der befihlet / da er spricht: leret Matt. 78.  
 sie halten / alles was ich euch be-  
 fohlen habe.

Diese gute werck aber / sind  
 nicht etwa thaten / von Fleisch  
 vnd Blut ertichtet / denn dieselben  
 verbeut Gott / Sondern durch  
 Gottes Geist ausdrücklich ange-  
 zeigt / dazu Gott verbindet / derer  
 Regel vnd mas / fürnemlich / Gott  
 selbst ist in seinem wort. Denn al-  
 so saget er durch den Propheten / Eze. 20. 8  
 Ir solt nach ewer Väter geboten  
 nicht leben / vnd ire Rechte nicht  
 halten / vnd an jren Götzen euch  
 nicht verunreinigen / denn ich bin  
 der NEK ewer Gott: Nach  
 meinen geboten solt jr leben / vnd  
 meine Rechte solt jr halten / vnd  
 darnach thun. Desgleichē spricht  
 Christus: Leret sie was ich euch  
 befohlen habe. So sind nu ein  
 summa / regel / vnd das artlichste  
 ∴ E bilde

Von guten wercken.

bilde / aller guten Werck / die zehen gebot Gottes / vnd die Liebe / die da aus glauben wircket die Gerechtigkeit zur rechten vnd linken / gegen Gott vnd dem Nächststen. Dieses aber ist ein exempel das allerheiligste Christi leben: Mat. 11. c Danon er selbs sagt / Lernet von mir / denn ich bin senffmütig / vnd von hertzen demütig / Mat. 5. a vnd als er leret die acht sprüche der seligkeit / was hat er anders damit wollen anzeigen / denn was für ein leben der rechten Kinder Gottes sein sol / vnd welche werck von Gott geboten sind.

Derhalb leret man demnach mit gantzem vleis vnd ernst ein vnterscheid kennen vnd halten / vnter den wercken von Menschen erdacht vnd auffgesetzt / vnd vnter den wercken von Gott geboten. Die werck von Gott geboten /

∴

ten /

ten / sollen in keinem weg vmb  
 Menschliche auffsetze willen / vn-  
 terlassen werden. Denn der Herr  
 Christus straffet solches hart an  
 den Phariseern / Warumb / sprach Mat. 15: 2  
 Er / obertrettet jr Gottes gebot / Jesa. 29. b  
 vmb ewer auffsetze willen? Vnd  
 aber / vergeblich dienen sie mir /  
 dieweil sie leren solche lere / die  
 nichts denn Menschen gebot  
 sind. Die werck aber so von Men-  
 schen auffgesetzt / wie gut sie auch  
 scheinen / sollen mit nichte in sol-  
 chem werd geachtet werden / als  
 die / so von Gott geboten vnd  
 verordnet sind. Ja mehr sind sie  
 nicht aus dem glauben / sondern  
 wider den glauben / so sind sie  
 nichts werd / ein grewel vnd als Jesa. 65. a  
 Pot vor Gottes angesicht.

Alle gute werck aber werden  
 geteilet: Eins in gemein / allen  
 ∴ ¶ 4 rechts

Von guten wercken.

rechtschaffenen Christen / nach  
ein einigen glauben / vnd allgemei-  
ner seligkeit angehörig. Zum an-  
dern in sonderheit / nach eines je-  
den stand / alter / beruff / Wie der  
heilige Geist in sonderheit die Prie-  
ster / Oberherrn / den gemeinen  
Man / die Eltern / Kinder / Ehe-  
genossen / Freien vnd Ledigen / jr  
sonderliche pflicht vnd eigen wer-  
cke leret.

1. Cor. 10. d  
Col. 5. b

Weiter leret man vleissig bey  
diesem Artickel erkennen / wie vnd  
worin die guten Werck Gott ge-  
fallen? Sie gefallen zwar Gott in  
keinem andern / denn allein in dem  
namen vnsern WERN IESU  
Christi / in welchem sie nach der  
Lere des Apostels Pauli zu Got-  
tes ehre sollen gethan werden / der  
also saget / Alles was jr thut mit  
worten vnd mit wercken / das  
thut alles im namen des WERN  
Ihe

Ihesu. Vnd der Herr spricht Joh. 15. a  
 selbst / On mich können jr nichts  
 thun / Das ist / nichts so Gott  
 wol gefellig / vnd euch selig.

In namen Christi aber gute  
 werck thun / heisset dieselben thun  
 im lebendigen glauben an in / da  
 durch wir sind gerechtfertiget / Rom. 5. a  
 aus liebe / welche durch den heiligi-  
 gen Geist in vnser hertz ist ausge-  
 gossen / Nemlich / das vns Gott  
 liebet / vnd wir widerumb Gott  
 den VERN vnd vnsern Nehe-  
 sten. Denn der heilige Geist heiligt  
 get / beweget vnd entzundet zu sol-  
 chen guten Wercken / der Gerecht-  
 fertigten hertz gegen Gott / Wie  
 der VERN spricht / Er wird in  
 euch sein. Vnd der Apostel / Die 1. Joh. 2. a  
 salbung Gottes wird euch leren.  
 Diese beide glaub vnd liebe / sein  
 ein brunn vnd regel aller Tugent  
 vnd guten werck / Laut des Apo-  
 stels

Von guten Wercken.

1. Tim. 1. b stels zeugnß / Die heubtsumma  
 des gebotes ist / Liebe von reinem  
 hertzen / vnd von gutem gewiß  
 sen / vnd von vngeserbtem glau  
 ben. Vnd abermal / On glauben  
 1. Cor. 13. ists vnnüßlich Gott gefallen /  
 vnd on die liebe ist nichts nütze.

Folgendß wird geleret / War  
 umb vnd in wasserley meinung  
 man gute Christliche werck thun  
 sol. Nicht darumb / das die Leu  
 te dadurch die Rechtfertigung  
 oder seligkeit / vnd vergebung der  
 sünde erlangen sollen / denn Chri  
 stus saget / Wenn jr alles gethan  
 habt / was euch befohlen ist / so  
 spricht / wir sind vnnütze Knech  
 te. Item / Paulus / Nicht vmb der  
 werck willen der Gerechtigkeit /  
 die wir gethan hatten / sondern  
 nach seiner barmhertzigkeit ma  
 chet er vns selig. Diemit stim  
 met auch David / da er betet /

∴ DErr

**W**ER / Gehe nicht ins gericht  
 mit deinem Knecht / denn für dir  
 ist kein lebendiger gerecht / Son-  
 dern darumb sollen sich die Chri-  
 sten / in guten Wercken vben. Erst-  
 lich / Das sie dadurch jren glau-  
 ben beweisen / vnd an den selben /  
 das sie rechtschaffene Christen /  
 das ist / lebendige Glieder vnd  
 nachfolger Christi sind / erkandt  
 werden. **D**ieweil sagt der **H**err /  
 Ein iglicher Baum wird an sei- Luc. 6. d  
 ner eigen frucht erkandt. So  
 sind nu die guten Werck gewisse  
 zeugen vnd zeichen / beweis vnd  
 vbungen eines lebendigen glau-  
 bens / inwendig im hertzen ver-  
 borgen / Ja seine rechte vnd Gott  
 angenehme fruchte. Christus lebet  
 spricht Paulus in mir. Gal. 2. e Denn  
 was ich jtz lebe im Fleisch / das  
 lebe ich in dem glauben des Söns  
 Gottes. Es kan warlich nicht  
 anders sein: Denn gleich wie die  
 ••• **E** iij **S**ünd

Von guten Wercken.

Rom. 5. a

Sünde den tod gebietet / so gebietet der glaub / vnd so daraus ist die Rechtfertigung / das leben / inwendig im Geist / vnd auswendig in wercken der liebe. Darnach auch darumb / auff das die Christen in irer eruelung vnd beruff bestetiget / erbawt / vnd durch verhütung der Todsfünde / darinnen erhalten werden. Wie der heilige

2. Pet. 1. b

Petrus leret / da er vnter andern also schreibet: Lieben Brüder / thut deste mehr vleis / ewren beruff vnd eruelung fest zu machen. Wie aber solches geschehen möge / zeigt er kurtz zuuor an / So wendet nu (spricht er) allen ewren vleis daran / vnd reichet dar / in ewrem glauben Tugend / vnd in der tugent Bescheidenheit / vnd in der bescheidenheit messigkeit / vnd in der messigkeit Gedult / vnd in der gedult Gottseligkeit / vnd in der Gottseligkeit Brüderliche liebe /

vnd



vñ in der brüderlichē liebe / gemei-  
meine lieb. Denn wo solches reich-  
lich bey euch ist / wirds euch nicht  
faul / noch vnfruchtbar sein las-  
sen / in der erkenntnis vnfers D<sup>er</sup> Erri  
Ihesu Christi.

Alhie zeiget der heilige Petrus  
offentlich an / das man sich guter  
• Werck besleiffigen sol. Eins dar-  
umb / das die gegenwertige gnad  
des glaubens vnd guten Gewiss-  
sens nicht verlorren oder besleckt /  
sondern behalten würde. Denn Sap. 1. a  
der heilige Geist fleucht die Ab-  
göttischen / vnd weichet von den  
Auchlosen. Vnd der böse vnsau- Mat. 12. 3  
ber Geist keret widerumb in das Luc. 11. d  
müßige leere Haus. Wer nu das  
gute Gewissen verlieret oder besu-  
delt / was kan der löblichs Gotte  
lieb vnd werd wircken? Wie kan  
er beten? Furs ander / Das wir in  
dieser gnade mehr vnd mehr zuneh-  
men / wachsen / vnd dem D<sup>er</sup> Erri

E v mit



## Von guten Wercken.

mit den vertraweten pfunden wer  
2. Cor. 3. d ben / Von welche der heilige Pau-  
lus saget / Nu schawen wir alle  
die klarheit des D<sup>er</sup>rn / wie in ei-  
nē spiegel / mit anffgedecktem an-  
gesicht / vnd werden verklarert in  
das selbige Bilde / von einer klar-  
heit zu der andern. Das ist / wir  
schawen Christum an / welcher  
ist die klarheit / vnd das ebenbild  
des Vaters / vnd befleissen vns im  
gleichformig zu machen / durch  
den heiligen Geist / der vns dazu  
entzündet / so lang dis bild vor-  
kommen werd / durch die selige auff-  
stehung.

Wch sollen sie geübet wer-  
den / vmb der verheissenen beloh-  
nung willen / beide des zeitlichen  
vnd ewigen lebens. Danon die  
heilige Schrift weitlenfftig mel-  
det. Vnd damit wir solche beloh-  
nung durch den glauben an Chris-  
stum



stum zu erlangen / desto einen rei-  
 cheren eingang haben / vnd für-  
 nemlich zu dem ewigen Dimel-  
 reich / Als der heilige Petrus be-  
 zeuget / da er spricht / Wo jr <sup>2Pet. 1. 6</sup>  
 solches thut / werdet jr nicht strau-  
 cheln / Vnd also wird euch reich-  
 lich dargereicht werden / der  
 eingang zu dem ewigen Reich /  
 vnsers **HERREN** vnd Heilands  
**JESU CHRISTI**. Son-  
 derlich aber / durch die werck der  
 Barmhertzigkeit / dem Näch-  
 sten fürderlich / erbawlich vnd  
 nötig / als Almosen geben /  
 Krancken besuchen / irer pfle-  
 gen vnd inen dienen / Einfelti-  
 ge leren / andern rhaten / dienen /  
 vergeben vnd dergleichen / wel-  
 che alle verheissene gnad vnd be-  
 lohnung haben. Zu welchen der  
**HERR** Christus vermanet / mit  
 diesen worten / Seid barmhertzig <sup>Luc. 6. 9</sup>  
 wie ewer Vater barmhertzig ist.



Gebet

Von guten Wercken.

Lut. 12. e

Gebet/ so wird euch gegeben: ver-  
gebet/ so wird euch vergeben. Vnd  
anderswo/ Verkenuffet was jr ha-  
bet/ vnd gebet Allmosen/ machet  
euch Seckel/ die nicht veralten/  
einen Schatz/ der nimer abnimpt/  
im Himel/ da kein Dieb zukö-  
met/ vnd den keine Motten fress-  
sen. Item/ Wenn du ein mal ma-

Lut. 14. e

chest/ so lade die Armen/ die Krü-  
pel/ die Lamem/ die Blinden/ so  
bistu selig/ denn sie habens dir  
nicht zuuergelt/ Es wird dir a-  
ber vergolten werden/ in der auff-  
erstehung der Gerechten. Item/

Mat. 25. e

Ich bin hungerig/ durstig/ ein  
Gast/ nackt/ krank vnd gefan-  
gen gewesen/ vnd jr habt mir in  
allen gedienet/ Warlich ich sage  
euch/ was jr gethan habt/ einem  
vnter diesen meinen geringsten  
Brüdern/ das habt jr mir gethan.  
Kompt her jr gesegneten meines  
Vaters/ ererbet das Reich/ das  
euch



euch bereitet ist / von anbegin der Welt. Dieraus ist klar vnd richtig / das die werck / so aus dem glauben geschehen / Gott wolgefallen / vnd reichlich begnadet werden / mit allerley Güter vnd seggen / beide in diesem vnd zukünfftigen leben

Wetz wird hiemit beschloffen / das niemand diese Christliche werck vnd gebot Gottes / vollkommenlich thun vnd erfüllen mag / auch keiner bey den selben on mangel / gebrechen vnd Sünd erfunden wird / Wie geschrieben stehet / Eccle. 7. 6  
3. Ro. 8. 6  
1. Joh. 1. 8  
Es ist kein Mensch so gerecht auff Erden / der guts thue / vnd nicht sündige. Derwegen sol ein jeder in Christo Ihesu / aus desselbigen gnade / tewren Dpffer vnd werden verdienst / durch den Glauben vnd seine rechtfertigung / die da stehet in vergebung der Sünden / sein vollkommenheit suchen / vnd der

••

Ge

Von guten Werken.

geniessen: wil er anders / das ihm  
nichts verdamlich sey. Denn er  
ist allein die volendung vnd erfül-  
lung des Gesetzes / das leben vnd  
die Gerechtigkeit. Vnd welche  
durch den glauben Christum an-  
nehmen / vnd sich gantzlich auff in  
verlassen / denen werden alle ire  
Sünden in seinem Blut abgewa-  
schen / das sie hinfurt sich nicht  
fürchten der verdammis. Den also  
Rom. 1. a schreibt Paulus / So ist nu nichts  
verdamlich an denen / die in Chri-  
sto Ihesu sind / die nicht nach  
dem Fleisch / sondern nach dem  
1. Cor. 1. 9 Geist wandeln. Denn Christus  
ist men gemacht von Gott zur  
weisheit / vnd zur gerechtigkeit /  
vnd zur Heiligung /  
vnd zur Erlö-  
sung.

Der

Der Achte Artikel / Von  
 der heiligen Kirchen / vnd der sel-  
 ben Christlichen Ordnung / zucht  
 vnd bestallung / Item /  
 Vom Antichrist.

**D**Im achten leret  
 man die heilige  
 Christliche Kir-  
 che erkennen: Vnd  
 erstlich / das der  
 heiligen Kirchen  
 grund vnd Weib **IESVS**  
 Christus selbs sey / mit allem ver-  
 dienst der Gnaden vnd Wahrheit  
 zum ewigen Leben. Darauff /  
 vnnnd von dem sie zu aller zeit er-  
 bauet wird durch den heiligen  
 Geist / Gottes wort vnnnd Sacra-  
 ment / laut des spruchs **EDJ-**  
**STJ** zu Petro geredt / Auff die-  
 sen Fels / nemlich / dauon du ein Mat. 16.6  
 recht bekenntnis gethan / wil ich  
 bau

Von der heiligen Kirchen.

barwen meine Gemein. So saget  
1. Cor. 5. c auch der heilige Paulus: Einen  
andern grund kan zwar niemand  
legen / auff dem der geleyget ist/  
welcher ist Ihesus Christ. Vnd  
an einem andern ort / Der ist ge-  
setzt zum heubt der Gemeine vber  
Ephes. 1. f alles / welche da ist sein Leib / vnd  
die fülle des / der alles in allen er-  
füllet.

Woraus leret man glauben /  
halten vnd bekennen / das die hei-  
lige Catholische Kirche / so jeder  
zeit auff Erden kempffet / vnd ge-  
genwertig ist / sey die gantze Christ-  
liche Gemeine / in der gantzen  
Welt / hin vnd wider ausgebrei-  
tet / vnd durch das heilige Euang-  
gelion aus allerley Völcern / Ge-  
schlechtern / Jungen / Stenden /  
Ordnungen vnd Alter / in einem  
glauben an den Herrn Chri-  
stum / oder heiligen Dreifaltigkeit  
ver-

versamlet. Nach jener rede S. Jo-  
hannis / der also saget: Ich sahe Apo. 7. 8  
eine grosse Schar / welche nie-  
mand zelen kund / aus allen Wei-  
den / Völckern vnd sprachen / fur  
dem Stuel stehend / vnd fur dem  
Lamb. Vnd wierwol dieselb / so  
lang sie allhie auff des **WELCKEN**  
tennen der welten Welt ist / vnd  
noch auff einen hauffen ligt / in  
sich schleuffet / beide den reinen  
Weitzen / vnd die Spreu / die fro-  
men Gottes vnd Gottlosen Welt-  
kinder / die lebendigen vnd todten  
Glieder / der Diener vnd des  
Volcks / Dennoch wo sie am vn-  
befleckten vnd reinsten sey / kan  
bey diesem Zeichen erkandt wer-  
den.

Alenthalben wo Christus  
geprediget / die lere des heiligen  
Euangelij / rein vnd völlig ver-  
kündiget / die heiligen Sacrament  
nach Christi ordnung / stiftung  
••
S
vnd

## Von der heiligen Kirchen.

vnd befelch / willen vnd meinung  
gehandelt werden / Dazu das  
Christglenbige Volck dieselbe an-  
nimpt vnd brauchet / vnd sich da-  
durch in einigkeit des glaubens  
vnd liebe / im band des friedes zu-  
samen thut / vereiniget / vnd auff  
Christum erbawet / da ist die hei-  
lige Kirche / das Haus Gottes /  
des heiligen Geistes Tempel / die  
lebendige Gliedmassen / antei-  
le des Himlischen Jerusalems / der  
Geistliche leib Christi / vnd die  
gesampte glieder / welche das eini-  
ge heubt Christus an einander  
füget / Ein Geist der newen ge-  
burt / ein wort Gottes / einerley  
reine Sacrament / ein glaub / ein  
liebe vnd heilige gemeinschafft /  
ein band des Friedes / ordnung  
vnd gehorsams : sie sey nu in gröf-  
ferer oder kleinerer anzal. Wieder  
M<sup>r</sup>rr bezeuget : Wo zween oder  
drey versamlet sind in meinem

Mat. 18. 6

na-



namen (in welcher Nation oder Volk / vnd an welchem ort sie sein) da bin ich mitten vnter inen. Vnd widerumb / wo Christus vnd sein Geist nicht wonet / das heilige Euangelion nicht raum noch stell hat / Sondern dagegen öffentliche Irthumb vnd Weidnisch leben / im schwang gehen / da mus auch eine solche besleckte Kirche sein / zu der sich auch wol Christus der Herr / das sie seine liebe Braut sey / nicht bekennen wird / Sintemal keiner Christlich ist / der seinen Geist nicht hat. Rom. 8. 9

Es sol auch ein jeder Christ sorgfältig sein / dis vnd ein solch recht teil der heiligen Kirchen zuerfragen / vnd wenn ers funden hat / mit demselben heilige Gemeinschaft vnd Gesellschaft halten. Wie solches das ander

••      §      ¶      teil

Von der heiligen Kirchen.

teil dieses Artickels von der Kirchen / vnfers Christlichen glaubens / Ich glaube gemeinschafft der Heiligen / anzeiget / Ja mit solchen Gemeinen / oder heufflein Gottes Volcks / sol er ware einigkeit des Geists Christi halten / zu allen iren Gliedern lieb vnd gunst haben / jr gehorsamen / jr allenthalben nützlich vnd förderlich zu sein sich besleissen / wñ in eintrectigkeit der warheit mit jr leben / Spaltung / auffrühr vnd Secten wider die warheit keines wegcs aus eigensinnigkeit erregen. Dazu der Apostel einen jglichen vermanet / sprechend / Also wandelt / wie sichs gebürt ewrem beruff / darinnen jr beruffen seid / mit aller demut vñnd sanfftmüt / mit gedult / vñnd vertraget einer den andern in der liebe / vñnd seid vleissig zu halten die Einigkeit im Geist / durch das band des Frides .

Eph. 4. a

des. Ein Leib vnd ein Geist / wie  
 jr auch beruffen seid / auff einer  
 ley hoffnung ewers beruffs / ein  
 Herr / ein Glaube / ein Tauffe /  
 ein Gott vnd Vater vnser aller.  
 Vnd abermal / Es stelle sich ein Rom. 15. 4  
 jglicher vnter vns also / das er sei-  
 nem Nehesten gefalle zum guten /  
 zur besserung. Item / Nichts thut Phil. 2. 4  
 durch zancck vnd eitel ehre. Wer  
 nu nach dieser regel wandelt / der  
 ist ein warhafftig vnd lebendig Rom. 12. 6  
 glied der heiligen Kirchen / wel- Cor. 12. 6  
 ches des glaubens vnd der liebe  
 Fruchte treget / wer aber den Geist  
 des glaubens vnd liebe in heili-  
 ger gemeinschafft verleuret / der  
 mus ein todt glied sein.

Daneben leren vnser Kirch-  
 endiener / von jrer versamlung  
 oder einigkeit das halten / was  
 auch von einer jglichen Christli-  
 chen gemein / sie sey gros oder  
 klein

## Von Kirchen regiment.

Klein zuhalten gebüret: Das sie nemlich selbs allein/nicht sey die allgemeine heilige Christliche Kirche/Sondern derselbigen nur ein teil/zugleich wie die Corinthische/von welcher der Apostel also schreibet/**1. Cor. 12. c** Ir seid der leib Christi/ vnd glieder/ein iglicher nach seinem teil.

Wch leren sie/das ein Christliche ordnung in der heiligen Kirchen sol gehalten werden. Denn on ordentliche/eusserliche Regiment/kan sie nicht wol stehen:wie sonst kein andere/auch die kleinste gemein nicht. Es stehet aber diese ordnung furnemlich hierin/das ein ordentlicher beruff sey/vnd gewisse einsetzung der Personen zu gebürlichen Emptern/von den Geringern vnd Mittelern an/bis zum Höhern. Darnach das alle vnd ein iglicher seinen beruffs

beruffsort oder wachstat wol verwalte vnd bewache / vnd an jm nichts erwinden lasse / auch nach eigenem gefallen sich des nicht entziehe / noch daraus schreite / noch in frembde Empter sich einflechte / vnd dazu das alle / einer dem andern vnterthenig vnd sempflich gehorsam sein / vom kleinsten an bis zum größten / einjglicher nach seinem beruff. Vnd das alles aus lieb vnd freiem guten willen / Christi vnd der ewigen seligkeit halben. Nach dem 1 Pet. 3. 6 wie die Aposteln vnd andere Phil. 2. 6 Heiligen gelert / vnd ire Kirchen bestelt haben / Ja auch die alten Recht oder Decret anzeigen / vnd die Vnsern vnter sich dis wirklich halten.

Diese löbliche Kirchenordnung / sol auch mit vnd neben der ordentlichen disciplin oder gebürlich

## Vom Bann.

lichem ernst Göttlicher Zucht  
vleißig geübet werden / Also das  
die öffentlichen Gottlosen vnd  
vnbusfertigen verstockten Sün-  
der / so Gott vnd seinem wort vn-  
gehorsam sind / in der Kirchen  
gros ergernis stiftten / vnd nach  
gebürlicher / trewer vnd gnugsamer  
vermanung sich nicht bes-  
sern / endlich mit der Kirchen-  
zucht / welche gemeiniglich der  
Bann / oder die Ausschliessung  
genennet wird / nicht aber mit  
Weltlicher gewalt / sondern durch  
die krafft des worts vnd befehls  
Christi / öffentlich gestrafft / vnd  
aus der heiligen Gesellschaft aus-  
gethan werden. Vnd das alle in  
gemein / welches standes sie auch  
sind / es sey Geislichs oder Welt-  
lichs / on ansehung der Person /  
Nach inhalt der lere des HErrn  
Christi / der da spricht: Sündiget  
dein Bruder an dir / so gehe hin  
vnd

Mat. 18. c



vnd straffe in / zwischen dir vnd  
 im alleine / Höret er dich / so has  
 tu deinen Bruder gewonnen /  
 Höret er dich nicht / so nim noch  
 einen oder zween zu dir : höret er  
 die nicht / so sage es der Gemeine /  
 höret er die gemeine nicht / so halt  
 in als einen Weiden vnd Zölner.  
 Vñ der heilige Paulus hat sampt  
 andern einen gantz ausgedruck-  
 ten befehl dauon geben / da er sa-  
 get / Wir gebieten euch lieben <sup>2. Thes. 3. 6</sup>  
 Brüder / in dem namen vnfers  
 Herrn Ihesu Christi / das jr  
 euch entziehet von einem jeden  
 Bruder / der da vnördig wandelt /  
 vnd nicht nach der satzung / die er  
 von vns empfangen hat. Vnd <sup>1. Cor. 5. e</sup>  
 anderswo saget er / Thut von  
 euch selbs hinaus denselben bö-  
 sen.

Wiewol man auch das wis-  
 sen sol / das je vnd allweg in der  
 Kirchen viel Scheinchristen vnd

Vom Bann.

Heillose Steisner / oder aber heimliche vnbusfertige Sünder gewesen / vnd heutiges tags noch sind / auch sein werden / bis die Welt ir ende neme. Welche durch diese zucht Christi wedder gestrafft / noch leichtlich verbannet / oder gantzlich abgesondert können werden / Sondern Christo dem Ertzhirten allein / vnd seiner zukunfft behalten sein. Wie der D<sup>e</sup>rr selbs von solchen sagt / das sie die En<sup>g</sup>el allererst am Jüngsten tage / von den Gerechten scheiden / vnd werden sie in den Fewerdfen werffen / da wird heulen vnd zeckenklappen sein.

Mat. 25. f

W<sup>e</sup>sbey wird auch geleret / Das der Antichrist / dieser böswicht im Tempel Gottes / in der Kirchen sitzet / Von dem die Propheten / Christus der D<sup>e</sup>rr / vnd seine Aposteln zunor verkündiget /

Dant. 12. a

Mat. 24. b

1 Pet. 2. 6



diget / vnd fur jm gerbarnet ha- 1. Joh. 2. b.  
 ben / damit die guthertzigen in Judas 1. b.  
 meideten / vnd von jm sich nicht  
 verführen ließen.

Man sol aber kennen zwei-  
 erley Antichristliche vnart / bos-  
 heit vnd verführung. Die eine ist  
 des sinnes / oder falschen Lere /  
 dem sinn vnd verstand Christi  
 vnser<sup>s</sup> V<sup>er</sup>rn / vnd heiligen  
 Schrifft gantz entgegen. Davon 2. Tim. 4. a.  
 der Apostel also meldet / Es wird 1. Tim. 4. a.  
 eine zeit sein / das sie die heilsame 2. Pet. 3. 4.  
 Lere nicht leiden werden / sondern 2. Thes. 2. b.  
 nach jren eigen lüsten / werden  
 sie jnen selbs Lerer auffladen /  
 nach dem jnen die ohren jücken /  
 vnd werden die ohren von der  
 warheit wenden / vnd sich zu den  
 fabeln keren. Das ander vbel  
 oder ergernis / ist das arge böse le-  
 ben vnd wesen / welches vol ist  
 grewlicher sünden / schedlicher las-  
 ter

Vom Antichrist.

ster vnd allerley Vngerechtigkeit/  
so in der Kirchen öffentlich getrie-  
ben werden / vnd das frey on alle  
straff. Von welchen auch der A-  
postel sagt: Das solen aber wissen/  
das in den letzten tagen werden  
grewliche zeit komen. Denn es  
werden Menschen sein / die von  
sich selbs halten / geitzig/rhum-  
rettig/hoffertig/Lesterer/den El-  
tern vngehorsam / vnd anckbar/  
Vngeistlich / störrig / vnuerfön-  
lich / schender / vnkeusch / wilde/  
vngütig / verrheter / freueler / auff-  
geblasen / die mehr lieben wollust  
denn Gott / die da haben den  
schein eines Gottseligen wesens/  
aber seine krafft verleugnen sie/  
vnd solche meide. Von dieser zeit  
redet auch Christus / Als denn  
werden sich viel ergern / vnd wer-  
den sich vntereinander verthaten  
vnd hassen. Vnd es werden sich  
viel falscher Propheten erheben /



vnd

vnd werden viel verführen. Vnd  
 dieweil die vngerechtigkeit wird  
 vberhand nemen / wird die Liebe  
 in vielen erkalten / wer aber behar-  
 tet (verstehe bey seiner Lere / in alle  
 len anfechtungen) bis ans ende/  
 der wird selig. Vnd anderswo / Matas: 6  
 Weh der Welt der ergernis hal- u. 6  
 ben. Vnd / Selig ist der sich nicht  
 an mir ergert.

Der neunde Artickel /  
 Von den Lerern vnd Vorstehern  
 der Kirchen.



**N**euunden / leret  
 man kennen / die Seel-  
 hirten / oder der heili-  
 gen Kirchen Vorste-  
 her in irer gebürlicher  
 Ordnung.

Vnd erselich / das sie der hei-  
 ligen Gemeinen fürneme Glieder  
 vnd

Von den Kirchendienern.

vnd Christi Stadthalter sind: Wer  
die höret / der höret Christum /  
Mar. 10. d wer die verwirfft / der verwirfft  
Joh. 35 b Christum / vnd seinen Himlich=  
1. Cor. 4. a en Vater. Denn inen das ampt  
des Worts vnd Sacrament ord=  
entlich vertrauet ist.

ES sollen aber die Kirchen=  
diener nicht von inen selbs lauf=  
fen / sondern ordentlich nach des  
HERRN vnd der Apostel exempel  
vnd lehr geordiniret werden: der  
massen / das zu dem Predigampt  
aus rechtglaubigen vnd Gott=  
fürchtigem Volck / solche Men=  
ner auserlesen vnd beruffen wer=  
den / die da krefftig vnd starck  
sind im glauben / Gottfürchtig  
sein / vnd gaben zum dienst nö=  
tig / sampt einem erbarn wandel  
haben. Vnd das dieselbigem / hier=  
in junor erkündiget vnd versucht /  
darnach von den Eltesten / durch  
gebet.

Gebet / mit fasten vnd hend auffle-  
gen / bestetiget werden. Davon re- Ebre. 5. 6  
det die Epistel zu den Ebreern /  
Ein iglicher hoher Priester wird  
aus den Menschen (so da gienbig  
vnd ein geistlich Priesterthumb  
sind) genommen: Vnd dem Timo-  
theo stelt er sein Exempel fur / vnd  
saget / Was du von mir gehöret 2. Tim. 2. 9  
hast / durch viel zeugen / das be-  
silb trewen Menschen / die da  
tüchtig sind auch andere zu les-  
ren.

Vn solchen Priestern oder  
Dienern / vnd von irer erwelung /  
ordnung vnd weihe / wie dieselb 1. Tim. 3. 9  
zugehen sol / schreibet der Apostel Tit. 1. 6  
an Timotheon vnd Titum ein  
weitlenfftigen vnd klaren bericht.  
Derhalb wird bey vns keinem  
gestattet Priesteramt zu pflegen /  
noch einigen dienst des D. R.  
KEN zu handeln / es sey denn /  
das

Von den Kirchendienern.

Das jemand auff diese erste Kir-  
chenweis nach Göttlicher ord-  
nung dazu komen/beruffen vnd  
bestelt sey.

*Distinct.*  
*24. cap.*  
*Episcopus*

*Cyp. lib. 1.*  
*Eistp. 4.*

Wie denn solches auch/aus  
den alten Canonibus der Kirchen  
klerlich zusehen ist. So hat auch  
der heilig Cyprianns/der Priester  
weihform beschrieben. Vnd  
demnach werden die Diener des  
ersten grads / sonderlich / welche  
man Diaconos nennet / eine zim-  
liche zeit bey vnsern Eltesten ge-  
halten/geübet/vnd in irem ernst/  
trew vnd geschickligkeit versuche  
vnd geprüfet. Nach dem beyspiel  
der ersten Kirchen/ Ja des WEr-  
ren Christi selbst/welcher die Jün-  
ger drey jar lang bey sich hielte/  
darnach auch die Apostel andere/  
Damit nachmals aus denselbi-  
gen zu höhern stufen oder Emp-  
tern / Gottselige vnd erlichtete  
Mens

Wenner / die ein zeugnis / das sie  
 dazu tüchtig vnd dessen würdig /  
 beide / von dem gemeinen Man /  
 vnd jren Eltesten hetten / genommen  
 vnd verordnet würden.

Daneben wird geleret / Das  
 die pflicht jres ampts / darin sie so  
 ordentlich gesetzt / diese sey : Das  
 sie für der Menschen Seelen jnen  
 vertrawet / vnd der selbigen ewig  
 heil / sorg tragen / jnen mit dem  
 Göttlichen wort vnd Sacramen-  
 ten / nach Christi meinung vnd  
 einsetzung treulich dienen : zu al-  
 lem guten ein fürbild vnd anstiff-  
 tung sein / Gott für sie bitten / sie  
 aus Sünden vnd irthum führen /  
 vnd Gottes willen in heiliger  
 Schrift durch vleissiges lesen  
 vnd embsiges betrachten / nach-  
 forscher sollen. Wie zu diesem  
 allem die Aposteln vermanen.  
 Der heilige Petrus saget also /

• G Weis

Von den Kirchendienern.

Weidet die Herde Christi/so euch  
befohlen ist / vnd seht wol zu/  
nicht gezwungen / sondern wil-  
liglich / nicht vmb schendliches  
gewinsts willen/sondern von her-  
tzen grund. Item / Paulus sagt  
2. Tim. 4. b zu Timotheo dem Vorseher vnd  
Bischoff / Du aber sey nüchtern  
allenhalben / leide dich / thue das  
1. Tim. 4. d werck eines Euangelischen Pre-  
digers / richte dein ampt redlich  
aus. Item / Sey ein furbilde den  
Gleubigen / im wort / im wand-  
del / in der liebe / im geist / im glau-  
ben / in der Keuscheit / Walt an  
mit lesen / mit ermanen / mit leren  
bis ich kome. Das nicht aus der  
acht die gabe / die dir gegeben ist /  
durch die weissagung / mit hand  
aufflegung der Eltesten. Solches  
warte / damit gehe vmb / auff  
das dein zunemen in allen dingen  
offenbar sey / Dab acht auff dich  
selbs / vnd auff die Lere / beharre  
in

In diesen stücken. Denn wo du solches thust/wirstu dich selbst selig machen/vnd die dich hören.

Solche Priester sollen auch gesunde heilsame Lere haben/von Christo vnd den Aposteln aus der heiligen Schrift entlehnet/vnd dieselbige eintrechtlich in einem Geist predigen. Nach des heiligen Pauli vnterricht/der also saget: Halte an dem fürbilde der heilsamen wort/die du von mir gehöret hast/vom glauben/vnd von der liebe in Christo. 2. Tim 1.6  
 Vnd abermal/Du aber bleib in dem/das du gelernet hast/vnd dir vertrawet ist/Sintemal du weiffest/von wem du gelernet hast. Vnd weil du von Kind auff die heilige Schrift weiffest/kan dich dieselbige vnterweisen zur seligkeit durch den Glauben an Christo Ihesu. Vnd an einander 2. Tim 3.8

B ij dem

Von den Kirchendienern.  
dern ort / Gebent / sagt er / etlichen /  
das sie nichts anders leren.

Wch meldet man in sonder-  
heit / das die geistlich Kirchen Kes-  
gierer vnd Diener mit Weltlicher  
gewalt vnd zwang / nicht sollen  
weder selbs / noch durch andere  
zum glauben nötigen / noch vber  
den glauben / vnd Gottes Volck  
herrschen / laut Christi vnd der A-  
postolischen lere. Der **HE**  
sprach zu den Aposteln / vnd also  
zu allen seinen trewen / warhafftigen  
Mundboten: Ir wisset / das  
die weltliche Fürsten herrschen / vñ  
die Oberherrn haben gewalt. So  
sol es nicht sein vnter euch / son-  
dern so jemand wil vnter euch ge-  
waltig sein / der sey ewer Diener /  
vnd wer da wil der fürnemeß  
sein / der sey ewer Knecht. Gleich  
wie des Menschen Son ist nicht  
komen / das er im dienen lasse /

Mat. 20. f

sondern das er diene/vnd gebe sein leben zu einer erlösung für viele.

Item/Petrus sagt/Nicht seid als die vbers Volck herschen/son- 1, Pet. 2. a

dern werdet fürbilde der Erde. Vnnd Paulus / Nicht das wir 2, Cor. 2. a

Herrn sein vber ewren glauben/sondern wir sind Diener euch zur freude.

Die widerwertigen aber sol man mit sanfftmüt tragen/

mit grund der heiligen Schrifft verlegen vnd vberwinden / vnd

durch die heilsame Lere zur besse- rung vermögen / wie der Apostel

da von vnerricht gibt.

Tim 2. e

Tito 2. b

Daher achtet man für gut/ das die Priester desto vleissiger in

heiliger Göttlicher Schrifft/ sich zu vben / vnd den gemeinen Got-

tes süglicher zu dienen (so viel des gewissens halben jmer müglich)

frey vnd los sein von Weltlichen hendeln vnnnd beschwerungen.

Von den Kirchendienern.

Dieweil sie vber den glauben des  
1. Cor. 9. 8 Euangelij Gottes kempffen /  
2. Tim. 2. 4 Auch ist möglich vom Bestan-  
de / vmb besserer geschicklichkeit /  
vnd mehrer freiheit willen / dem  
Volck zur seligkeit zu dienen / vnd  
benennung viel nachteilige ver-  
hindernis / die bey diesem Stand  
mit einlauffen / vnd des Ampts  
pflicht manchmal auffhalten.  
Derhalb die vnsern zum Kirchen-  
dienst fertiger vnnnd geschickter  
schetzen die freien / doch die / so  
von Gott die sondere gab haben /  
also zu bleiben / vnd sich in dis  
ampt begeben / dieses rhümet  
man bey vns billicher weis / Aber  
doch helt man nicht für Sunde /  
euffert sich auch darumb nie-  
mands / wo die Priester aus gebür-  
lichen vrsachen Ehelich sein oder  
6. Tim. 3. 6 werden. Denn der heilige Paulus  
leret solche erwelen / Ja der heilige  
Geist lesset solches zu / das die Bi-  
schoff

schoff vnd Priester ire ordentliche  
vnd erbare Ehegenossen haben.  
Vnd gestattet in keinem wege/wi-  
der Göttliche ordnung Concubi-  
nen zu halten/oder sonst ergerlich  
zu leben. Davon er auch meldet/  
Es ist besser saget er / freien denn 1. Cor. 7. 6  
(mit so viel sünden vnd schanden)  
brunst leiden/von welcher wegen  
nicht ein Priester allein/ sondern  
auch ein jeder Christ vnangesehen  
der person / solte vnd sol billich  
verbannet werden.

W<sup>W</sup>iter wird geleret / Das al-  
les Volck solchẽ ordentlichẽ Gott-  
seligen vnd trewen Seelsorgern/  
aus liebe sol vnterthan sein/zu den  
selbigen sich des besten vngewe-  
uelt versehen / inen gehorch-  
en/derselben dienst in allem was  
zur seligkeit gehört/sich gebrauch-  
en/sie in gebürender ehr halten/vñ  
allerley pflicht / dem wort Got-  
tes

Von den Kirchendienern.

Mat. 10. e Nach des W<sup>R</sup>rn Christi Lere/  
Luc. 10. b der also spricht: Wer euch auff=  
Joh. 13. b nimpt der nimpt mich auff. Vnd/  
Jeh. 13. b Wer euch hört der höret mich. I=  
tem/die Epistel zu den Ebreern/  
Behorehet ewrē Lerern/vñ folget  
inen / denn sie wachen vber ewre  
1. Tim. 5. d Seelen / als die da rechenschafft  
dafür geben sollen. Item / Die  
Eltesten / die wol fürstehen / die  
halt man zwifacher ehren werd/  
sonderlich die da arbeiten im wort  
vnd in der lere.

1. Cor. 9. c VBer das sollen sie auch mit  
gebürlicher narung vnnnd Leibs  
notdurfft versehen werden/nach  
des W<sup>R</sup>rn ordnung / dauon  
Paulus also saget / Also hat auch  
der W<sup>R</sup>rn befohlen / das / die das  
Euangelium verkündigen / sollen  
sich vom Euangelio neeren.

Zu vermeiden aber ein sicher-  
 res / müßiges / vnd also das So-  
 domitische leben / vnd zum furbil-  
 de ihrer Werde / auch das sie durch  
 empfindung der bülden / lernen  
 verstehen / die armseligkeit vnd  
 das elend der Menschen / vnd da-  
 her mit jnen ein mitleiden haben  
 mügen / leret man / das die solchs  
 vermügen / vnd voraus / die noch  
 nicht größe sorgē vnd mühe bey  
 dem Volck führen / jnen selbs mit  
 jren henden jr Brod erwerben /  
 Damit sie den Kirchen / sonder-  
 lich im anfang jrer erbawung  
 vnd vernewrung / oder in langwi-  
 riger verfolgung / auch sonst vmb  
 der schwachen willē / vnbeschwer-  
 lich sein / vnd dem eitelen / sanfftē  
 vnd heillosen müßiggang keinen  
 raum geben / Als die des heiligen  
 Pauli tere trewlich nachfolgen /  
 vnd fur augen haben die rede des

Ezech. 16. e

Psal. 75. b

2. Cor. 6. a

1. Thes 3. b

2. Thes 3. b

G v

D R z

Von den Kirchendienern.

Acto. 20. f. **H**errn / da er spricht / Es ist seliger geben denn nemen.

**W**D aber ein Vorsteher et-  
wa in Sünde vnd Irthumb fiel/  
oder bey seinem Ampt seumig  
wer/der sol durch die ordentliche  
Kirchensicht gebessert werde. Vñ  
wo er nicht wolte busse thun/  
vnd sich bessern / sol er als denn  
erstlich seines ampts vnd diensts  
entsetzt / vnd darnach von der  
Kirchen gemeinschafft vñnd ge-  
niessung der seligkeit / als ein vñ-  
nützer Knecht / ergerlich glied/  
verdorrete Aeben vnd thum saltz  
hinaus geworffen werden. Da-  
von der **H**err sagt / es sey hinfurt  
zu nichts nütze. Des gleichen auch  
Paulus leret / da er saget / Die da  
sündigen (aus den Priestern) die  
straffe fur allen / auff das sich  
auch die andern fürchten.

Mat. 15. b  
Luc. 14. 5  
Joh. 15. b

Mat. 5. b  
1. Tim. 5. b

Das

Das Volck aber sol sich gegen solchen vnartigen / irrigen Lehrern / oder auch wüsten / vnbusfertigen vnd verbanneten Priestern dermassen haltē / wie die heilige Schrift anweist. Erstlich spricht Christus: **Sehet euch** Matt. 7. d  
für / für den falschen Propheten / die in Schafskleidern zu euch kommen / inwendig aber sind sie reisende Wolffe: An iren Früchten solt jr sie erkennen. Vnd Paulus / **Ich ermane euch lieben** Rom. 16. e  
Brüder / das jr auffsehet / auff die da zutrennung vnd ergernis anrichten / neben der lere / die jr gelernet habt / vnd weichet von den selbigen: Denn solche dienen nicht dem **WELCHEN** Ihesu Christo / sondern irem  
bauch.

Der

Vom wort Gottes.

Der zehende Artickel /  
Vom wort Gottes oder heiligs  
gem Euangelio.



1. Cor. 4. c  
Mala. 2. a

Vnd diesweil den Kir-  
chendienern / das  
Ampt des newen Te-  
staments / das wort  
vnd die Sacrament  
ordentlich verträwet sind / vnd ire  
Lippen die Lere bewaren sollen /  
das man aus irem munde das  
Gesetze suche / So leret man nu  
weiter in diesem zehenden Arti-  
ckel / was Gottes wort / oder das  
heilige Euangelion sey. Nu ist die  
predigt Göttlichs worts des hei-  
ligen Euangelij ein rechter gna-  
dendienst von Christo dem VEr-  
ren eingesetzt vñ befohlen. Darin  
der volkomene wille Gottes / von  
vnser ewigen versünung / zur se-  
ligkeit nötig / vnd in der heiligen  
Schrift

Schriſſe bezeuget / allen Völkern  
 verkündiget vnd geprediget wird.  
 Dieſe lere beſah Chriſtus ſeinen  
 Jüngern mit dieſen worten / Ge- Mar. 16. 8  
 het hin in alle Welt / vnd prediget  
 das Euangelion aller Creaturen.  
 Dazu bekennet ſich Petrus für  
 dem Cornelio / als er ſaget: Der Acto. 10. 8  
 Herr hat vns geboten zu predi-  
 gen dem Volck / vñ zu zeugen / das  
 er iſt verordnet von Gott ein Rich-  
 ter der Lebendigen vnd Todten.  
 Von dieſem zeugen alle Prophe-  
 ten / das durch ſeinen Namen / alle  
 die ah in glauben / vergebung der  
 Sünden empfaßen ſollen.

Vnd dieſer dienſt iſt höher /  
 gröſſer vnd nötiger zur ſeligkeit /  
 denn die Sacrament / Welchs des  
 hohen Apoſtels S. Pauli ſpruch 1. Cor. 6.  
 bezeuget / der alſo lautet: Chriſtus  
 hat mich nicht (verſtehe furnem-  
 lich) geſand zu teuſſen / ſondern  
 das

Vom wort Gottes.

Das Euangelium zu predigen.  
Den der glaube wird allein durch  
das reine Euangelion / vnd des  
selbigen predigt inwendig im her-  
tzen vom heiligen Geist gepflan-  
tzet / daher auch der rechte sinn  
Gottes vnd Christi/bey allen heil-  
samen dingen / auch bey den Sa-  
cramenten / entsethet vnd erlan-  
get wird. ●

Acto. 2. f  
8. f. 10. f

ES mus je bey den Leuten/  
so zu irem verstand komen sind/  
die predigt des heiligen Euange-  
lij/ allen Sacramenten zuvor ge-  
hen / wie des ein gründlicher be-  
weis zusehen ist an jenen drey tau-  
senten von Petro bekert. Item/ an  
dem Kemerer / vnd Cornelio. Da-  
mit Philippi exempel nach mü-  
ge gefraget werden / Glaubest  
von gantzem hertzen / id mag  
wol sein: das nemlich dir / dem  
der rechte glaub im hertzen einge-  
pflanz

pflantzet ist / mit den Sacramen-  
 ten gedienet werd. Denn on das  
 gehör Göttliches worts/welches  
 eine Krafft Gottes ist/zur seligkeit/  
 Kompt niemand wissentlich zum  
 glauben: Nach dem / wie Pau-  
 lus saget / So komet der Glaube  
 aus der Predigt / das predigen  
 aber durch das wort Gottes.  
 Vnd abermal/ Wie sollen sie glau-  
 ben / von dem sie nicht gehört  
 haben?

Rom. 1. 8

Rom. 10. 8

Vnd darumb wenden vnse-  
 re Prediger an diesem dienst iren  
 höchsten vleys/auff das sie in vn-  
 sere Kirchen versamlungen Got-  
 tes wort/ one vermischung / vnd  
 Menschen fund/dem Volck trew-  
 lich furtragen. Derhalben sie  
 auch nicht allein die Euangelia/  
 sonderir auch andere Heilige  
 Schrifften / nach altem brauch  
 in verständlicher Landsprachen/  
 lesen/

Vom wort Gottes.

lesen / vnd das Volck / Gottes  
wort mit ernst zuhören / verma-  
nen / damit sie durch vleissige lere  
vnd predigten des heiligen Euan-  
gelij / das Volck anfenglich die  
Buss vnd den glauben vor dem  
dienst der Sacrament leren / vnd  
sie also zur empfangung der Sa-  
crament / zubereiten. Vnd darnach  
auch bey vnd nach dem dienst der  
Sacrament / sie des alles fein vn-  
terrichten / was der Herr be-  
fohlen hat / sonderlich / was ei-  
nem erbarn wandel in Christli-  
chem beruff zugehört / wie er  
spricht / Leret sie halten alles was  
ich euch befohlen habe.

Mat. 28.

WJeneben wird auch mit  
sonderm vleis notwendiglich ge-  
leret / ein vnterscheid zu mercken /  
zwischen dem wort / oder lere  
vnd wirckung des Gesetzes / vnd  
zwischen dem wort vnd wirckung  
des

des heiligen Euangelij. Das wort oder ampt des alten Testaments / ist ein wort des todes / furcht vnd Buchstaben / ein wort des zorns / fluchs / Aber das wort des newen Testaments des heilige Euangelij ist ein dienst des Glaubens / lebens vnd Geists der Klarheit / durch den WErn Ihesum Christ / ein wort der gnaden / des newen Bundes / ein Trostwort vnd friedbotschafft. Von allen beiden schreibet der Apostel / Der <sup>2. Cor. 5. 6</sup> Buchstabe tödtet / aber der Geist machet lebendig. Vnd Christus / <sup>Joh. 6. 6</sup> Die wort die ich rede / die sind Geist / vnd sind leben.

Der eilffte Artikel / Von den Sacramenten in gemein.

• D • VON

Von den Sacramenten.

**D** In den Sacramen-  
ten wird geleret / Das  
sie eufferliche / irdi-  
sche / von Elementen /  
vnd sichtbare Zeich-  
en sind durch Gottes wort gefeg-  
net vnd gesprochen / zu bedeuten  
vnd zengen dieselbige Geisliche  
vnd vnlichtbare gnad vnd war-  
heit / derer namen sie haben / vnd  
auch Sacramentlich sind. Vnd  
diese hat kein Mensch eingesetzt /  
vermag auch nicht / Sondern  
der **ALX** vnd Gott selbs Chri-  
stus Ihesus / dem der Vater alles  
in die hende gegeben hat.

Joh. 13. 4

**ALX** hat sie aber gestiftet vnd  
verordnet vmb grosser vnd heil-  
wertiger seiner Kirchen / vnd al-  
ler Bleibigen nordurfft willen /  
Nemlich / auff das eben wie  
durch die Predigt des worts /  
als

also auch durch die geheimnis  
der Sacrament zum glauben ge-  
dienet würde/vnd das sie des gne-  
digen wolgefelligem willens Got-  
tes / gewisheit vnd versicherung  
gegen vns weren / der bedeuteten  
warheit zeugnis geben / vnd die-  
selbige dem glauben darreichen /  
gleich wie das wort. Vnd das  
die Frommen heryen in irer em-  
pfung / die gnade vnd war-  
heit / welche sie zeugen / durch  
den glauben empfiengen / inen die  
selb zueigneten / sich darin ver-  
sicherten / Dinwider Gotte sich  
ergeben vnd heiligten / vnd gleich  
wie mit ein heiligen Lid verbun-  
den / im allein zu dienen / sich auch  
selbs zusamen theten / vnd ver-  
bünden / wie in einem Geist / al-  
so auch in einem Leib der Kirch-  
en / der heiligen Gemeinschaft /  
vnd liebe. Vnd demnach mü-  
gen die Sacrament genennet

• D i e wer-

## Von den Sacramenten.

werden / wie die beschneitung ge-  
nennet ward / Heilige bündnis  
Gottes gegen der Kirchen / vnd  
der Kirchen gegen Gott: Dienste  
des glaubens vnd liebe / dadurch  
die zusamenfügung vnd vereini-  
gung Gottes / vnd des Herrn  
Christi mit dem glaubigen Volck  
geschicht / vnd des Volcks mit  
Christo / auch mit jnen selbs vn-  
ternander / in einem Geistlichen  
leib der Kirchen. Durch welche /  
als auch durchs wort / Christus  
vnd sein Geist schaffet / bey den  
Glaubigen / das ist / bey den jeni-  
gen / so die würdiglich empfaben /  
die tewre gemeinschaft vnd vber-  
gab seines werden verdiensts. Er  
lesset sie auch nicht leere vnd bloss  
dienste vnd Ceremonien allein  
sein / sondern was sie auswendig  
bedeuten vnd zeugen / das wircket  
er inwendig / nutzbarlich zur sel-  
ligkeit / das ist / Er reiniget / nees

ret vnd setiget/ entbindet/ bestetiz-  
get/ Vnd darumb welche sie ver-  
achten/ aus mutwillen die nicht  
hoch wegen oder achten/ leicht  
vnd gering halten/ oder sonst wi-  
der Christi willen vnd befehl  
misbrauchen/ solche alle versün-  
digen sich schwerlich an Christo  
dem Herrn iren Einsetzer/ vnd  
leiden an irer seligkeit grossen  
schaden.

Wo aber jemand die Sacra-  
ment nach Christi einsetzung ger-  
ne brauchen wolt/ vnd doch die-  
selbige gar nicht/ oder vngenerdt  
nicht köndte erlangen/ Als wenn  
einer in gefengnis innen lege/ oder  
durch krankheit verhindert/ oder  
aber in frembdem Land/ vnter  
den Widersachern der warheit  
wer/ ein solcher/ wo er in solchem  
seinem fall/ dem heiligen Evan-  
gelio gantzlich vnd warhafftig-  
lich

## Von den Sacramenten.

Augustin.  
in Iohan.  
cap. 6.

lich gienbet/wird auch on bräuch  
der Sacrament selig/durch seinen  
glauben / von welchem ein fein  
wort der heilige Augustinus ge-  
saget hat / Gienbe / vnd so hastu  
schon gessen. Sintemal die Sa-  
crament mit anhang zur seligkeit  
von nöten sind.

Man leret auch / Das die  
Sacrament von oder aus inen  
selbs *ex opere operato*, oder durch  
dis enfferliche werck allein / das  
ist / durch die blosser austeilung  
vnd empfangung / oder bräuch  
derselbigen / keinem / der vorhin  
inwendig vom heiligen Geist  
nicht lebendig gemacht ist / vnd  
in sich / wie man sagt / gute bewe-  
gung nicht hat / weder gnade/  
noch den gerecht vnd lebendig-  
machenden glauben geben / vnd  
also niemand rechtfertigen / den  
Geist innerlich nicht lebendig ma-  
chen /

chen / noch von newen geben.  
 Denn es mus der Glaube zu vor  
 gehen / durch welchen der heilige  
 Geist / den Menschen lebendig  
 macht / erleuchtet vnd im hertzen  
 gute bewegung wircket. In die-  
 sen glauben ist keine Gerechtig-  
 dung noch seligkeit / So richten  
 auch die Sacrament / von jnen  
 selbs hiezu nichts aus. Wie des  
 öffentliche exempel an vielen in  
 der heiligen Schrift befunden  
 werden / vnd sonderlich an Ju-  
 da / welcher vom **W**errn **C**hri- Joh. 15. 6  
 sto selbs das Sacrament em-  
 pfing / ja auch ein Prediger war /  
 dennoch ein Teuffel / Weuchler  
 vnd verloren Kind blieb / Das  
 Sacrament hat in nicht gebes-  
 sert / noch im etwas zur seligkeit  
 geholffen. Auch an dem Anania Acto. 5. 6  
 vnd sein Weib / welche von den  
 Aposteln getaufft waren / on  
 zweinel / auch des **W**errn **C**hri-  
D iiii      Nacht

## Von den Sacramenten.

Nachtmal genomen hatten / vnd doch gleichwol fort in bosheit / vngerechtigkeith vnd lügen wider den heiligen Geist verharreten: die Sacrament haben sie weder des argen benomen / noch jnen den seligmachenden glauben / welcher in allem ein gebessert auffrichtig vnd gehorsam hertz gegen Gott schaffet / vnd das gewissen befriedet / gegeben. Gleicher weis wie die Beschneidung vnd Opffer des alten Testaments / den Lebendigen oder Gerechtmachenden glauben nicht gaben / vnd on den selbigen zum ewigen Weil oder rechtfertigung nichts dienstlich waren. Wie denn von dem al-

Rom. 4<sup>c</sup>

len S. Paulus zu den Römern meldet / vnd den Abraham zum Exempel einfüret / vnd bezeuget / das er den Glauben oder die Gerechtigkeith / die für Gott gilt / zuvor gehabt / ehe denn er beschnit-

ten

ten ist worden. Von dem Israelischen Volck saget er desgleichen / das sie auch getaufft / einerley geistliche Speis gessen / vnd einerley Geistlichen tranck getruncken 1. Cor. 10. a haben / aber doch an ir vielen hatte Gott keinen wolgefallen / Darumb sie auch mit dem allen vnwirdig blieben / vnd von Gott verworffen sind.

Den wo jemand todt vnd vnwirdig zu den Sacramenten gehet / dem geben sie furwar kein leben noch wirdigkeit / Sondern ein solcher beladet sich noch mehr mit grösserer schuld der Sünde / sintemal er vnwirdig ist / Als der Apostel bey des WErn Abendmal öffentlich anzeiget / da er spricht / Welcher vnwirdig von diesem Brod isset / oder von dem 1. Cor. 11. c Kelch des WErn trincket / der ist schuldig an dem Leib vnd Blut

Des

Von den Sacramenten.

des Herrn. Item / der isset vnd  
trincket im selber das Gerichte.

Etzlich ist auch zu wissen /  
das die Sacrament kein mal fei-  
len / sondern allwege aus Christi  
einsetzung / ire Krafft haben / zu  
zeugen / versichern vnd bestetigen /  
den wirdigen / gegenwertige gna-  
de vnd heil / den Unwirdigen a-  
ber schuld vnd verdammnis / sie  
werden nu gereicht oder ausge-  
teilt / von einem Fromen vnd er-  
barn Priester / oder heimlichen  
verborgenen Sünder.

Vnd so lang solche Neuchler  
vnd Boshafftige in irer vnart  
nicht offenbart werden / vnd die  
Kirchenzucht wedder mit lin-  
digkeit oder scherffe / auch der  
Bann (wo sie trotzig sind) vber  
sie ordentlich nicht gangen noch  
volzogen ist / mögen die Sacra-  
ment

ment so sie reichen / wo sie nur solches thun nach Christi willen / *Dist. 4. de*  
 befelß / meinung vnd einsetzung / *conf. cap.*  
 von jnen genomē werden / wie den *Aliud. lre,*  
 auch die altē Canones dieses beste *Cum Ea.*  
 tigen. Den die krafft vñ wirckung  
 der Sacrament ligt nicht an dem /  
 gehet auch nicht aus dem / der sie  
 ansteilet / er sey wie er sey / oder  
 aber der sie empfehet / Sondern  
 stehet auff der einsetzung / auch  
 mechtigem befelß vnd wort jres  
 Stiffers / des WErn Ihesu  
 Christi / vnd daher haben sie ire  
 macht.

WJewol den Kirchdienern  
 von nöten ist / sich wol furzusehē / *1. Cor. 9. 8*  
 damit sie / als die andern dienen /  
 selbs nicht verwerfflich werden.  
 Item / das sie das Weiligthumb *Mat. 7. 6*  
 nicht den Dunden geben / noch  
 die Perlen fur die Sew werffen.  
 Es ist auch dem volck von nöten /  
 DAS

## Von den Sacramenten.

das es mit allem vleis darauff se-  
he/damit es ja nicht mit ergernis  
der Kirchen / vnd iren Seelen zu  
nachteil / das ist / zum Gerichte  
vnd schuld / wie oben berürt / em-  
pfabe.

## Der zwelffte Artickel / Von der heiligen Tauff.

**V**N der heiligen  
Tauff. leret man  
glauben vnd beken-  
nen / Das sie sey  
ein Sacrament /  
oder heilsamer  
dienst des newen Testaments /  
von Christo dem V<sup>n</sup>Ern einge-  
setzt / vnd den Dienern der heiligen  
Kirchen damit zu dienen befoh-  
len / welche stehet in eusserlichem  
abwaschen mit wasser / vnd an-  
ruffen

ruffen den namen der heiligen  
Dreifaltigkeit (damit beide aus  
dem element vnd wort ein Sacra-  
ment entstehe) zur Geistlichen be-  
deutung/ vnd zeugnis der innerli-  
chen abwaschung vnd reinigung  
durch den heiligen Geist/ von der  
Erbsench / vnd andern Sünden/  
der schuld hierin verziehen wird/  
vnd zu erlangen die newen geburt.  
Daher sie ein Sacrament genen-  
net wird der newen geburt oder  
abwaschung mit wasser im wort  
des lebens.

*Aug. Ho-  
mil. in Io-  
an. cap. 13.*

DEnn wir glauben / was  
durch die Tauff als ein Sacra-  
ment / das dem wort / dem heili-  
gen Euangelio zugeordnet ist /  
eusserlich bedeutet vnd bezeuget  
wird / das solchs Gott der Herr  
innerlich wircket / das ist / die  
Sünde abweschet / den Mensch-  
en newgebieret / vnd selig macht /  
seine

*Acto. 2. 1  
22. 6  
Joh. 3. 5  
Tit. 3. 6*

## Von der Tauffe.

Ephe. 5. d seine Gemeine durch das Wasser-  
Gal. 3. e bad im wort des Lebens reiniget/  
Rom. 6. a in seinem Son bekleidet/die Sün-  
de begrebet vnd tilget / vnd ein  
gut friedlich gewissen bezeuget.  
2. Pet. 3. a Denn sie ist nicht ein eusserlich  
abthun des vnflats am Fleisch/  
sondern der Bund eines guten ge-  
wissens mit Gott.

DJeser edlen fruchte wegen/  
ist die heilige Tauffe der Kirchen  
gegeben / welche die trewe Seel-  
sorger darreichen / vnd die Glei-  
bigen derselben ordentlich ein mal  
im dienst / in der warheit aber jr le-  
benlang gebrauchen sollen.

Wol aber die heilige Tau-  
fe in der ersten Kirchen zum meh-  
rer teil den erwachsen vnd Alten  
auff des glaubens Bekentnis  
gereicht worden ist / nach dem  
Mar. 16. d befelh des HErrn / Doch wird  
auch

auch geleret / das man desglei-  
 chen den Kindern / die auch vnter  
 Gottes Volck gezelet werden / mit  
 diesem ampt zur seligkeit dienen  
 sol / auff das sie Christo geheili-  
 get vnd gereiniget werden / nach  
 seinm geheis / Da er also spricht: Mat. 19. 6  
 Lasset die Kindlein zu mir komen/  
 vnd wehret inen nicht / Denn sol-  
 cher ist das Reich Gottes. Derhal-  
 ben / auff diese wort des Herrn /  
 vnnb viel andere zeugnissen vnd  
 verheissungen / den lieben Kindern  
 geschehen / sonderlich weil man  
 ein schön Beyspiel hat an dem  
 brauch jenes alten von Gott ver-  
 ordneten diensts / nemlich der  
 Beschneitung / welche vmb des Gene. 17. 6  
 bundes willen / nicht allein die al-  
 ten / sondern auch die vnmündi-  
 gen Kinder mit angieng / so tauf-  
 fen vnser Priester die Kindlein 1. Cor. 7. b  
 mit freidigkeit im namen der heili-  
 gen Dreifaltigkeit. Dis kreffti-  
 ge

## Von der Tauffe.

ge Wortzeichen / vnd gewis zeugnis / eigenen sie inen zu / welches inen vom D<sup>n</sup> Erren durch sein eigne wort zugesprochen vnd zugeteilet ist / Denn also hat Christus in gemein on auszug / nicht von etlichen / sondern allen befohlen / Letret alle Döcker / vnd teuffet sie im namen des Vaters / vnd des Sons / vnd des heiligen Geistes / Vnd also wird vber die Kindlein dieser allerheiligste Name angeruffen / in welchem allein Deil ist.

Mat. 28. d

Acto. 4. b

Erner wird geleret / das die / welche ein mal recht getaufft sind / wenn sie ire Jar erreichen / die heilige Tauffe / dazu den gemeinen Christlichen glauben (on welchen die Tauffe nicht nützet) vleissig sollen lernen erkennen / auff das sie nachmals / wenn sie begeren zur gemeinschaft des D<sup>n</sup> Erren Tischs zugehen / denselben

ben mit irem eigen mund freiwil-  
 lig bekennen / vnd darin ire Hei-  
 ligung vernewern mügen. Vnd  
 solche / die also bericht sein / die  
 nemen die vnsern an / in diesem  
 Bund der heiligen Tauffe / be-  
 zeugen inen die gnad der Tauffe/  
 mit hend aufflegung / bestetigen  
 sie zum kampff des glaubens /  
 vnd führen sie also ein / gebürlicher/  
 Christlicher weis / mit reinen vnd  
 erbawlichen Ceremonien / zum  
 Sacrament des D<sup>E</sup>rrn Abend-  
 mals / on alle widertauff. Wie des  
 an der ersten Kirchen der rechten  
 Meisterin / vnser Vorgengerin  
 ausdrückliche exempel vnd an-  
 weisung sind.

D<sup>E</sup>nn wenn gleich jemand  
 die Tauff Christi rechter weis  
 vberteme / vnd durch dieselbige  
 mit Christo in seinem tod zu ei- Rom. 6. a  
 nem neuen leben begraben wür-  
 de / wo er hernach / bleibt er leben-  
 dig /

## Von der Tauffe.

big / nach der Predigt des heiligen Euangelij / den waren lebendigen Glauben an Ihesum Christum / vnd die brüderliche liebe gegen allen geheiligten dem DEX ren entlich nicht leistet / vnd daher in seinem beruff gegen Gott vnd dem Nehesten vnwürdiglich wandelt: keine lebendige hoffnung in Gott zu dem ewigen leben hette. Ein solcher gebe gewislich selbst zeugnis / das er die gnad der heiligen Tauffe / vnd den Namen der heiligen Dreifaltigkeit vber ihn angeruffen / vergebens empfangen hette / Welchs Gott der DEX nach laut seines Worts in keinem weg on rach leest ansgehen.

## Der dreizehende Artickel/ Von des HErrn Nachtmal.



Vom dreizehenden le-  
 ret man von hertzen  
 glauben/ vnd mit dem  
 mund bekennen/ vom  
 Abendmal des **W**Er-  
 ren / des newen Testaments/ das  
 es sey ein Sacrament von Christo  
 dem **W**Erren / im letzten Nacht-  
 mal durch sein eigen Wort einge-  
 setzt/ das ist/ das er von Brot vnd  
 Wein selbs gesprochen habe/ das  
 sie sein Leib vnd Blut sein/ den  
 Aposteln / vnd also der gantzen  
 heiligen Kirchen/ zu semplichem  
 seines todes gedechtnis/ vnd des-  
 selbigen ordentlicher genießung  
 bis zur Welt ende vbergeben.  
 Danon schreiben die Euangeli-  
 sten / in sonderheit aber der hei-  
 lige Paulus / welches wort bis  
 auff den heutigen tag in der  
 gantzen Kirchen also lauten: Ich  
 habe es von dem **W**ERREN  
 I ij empfan-

Mat. 26. 2

Mar. 14. 2

Luc. 22. 6

1. Cor. 11. 2

Vom Nachtmal des HErrn.

empfangen/das ich euch gegeben hab. Denn der W<sup>ER</sup>r Ihesus in der nacht/da er verrhaten ward/nam er das Brod etc. Vnd hernach /Wenn jr zusammen kommet/ (nemlich zum Nachtmal des W<sup>ER</sup>REN) so harre einer des andern.

Dennach glauben wir von hertzen / vnd bekennen mit dem Munde/das dis Brod des W<sup>ER</sup>ren Abendmals sey der Leib des W<sup>ER</sup>ren Ihesu Christi / der für vns gegeben ist/Vnd desgleichen der Kelch/oder der Wein darin/ sein Blut / das für vns vergossen ist zur vergebung der Sünde. Vnd das nach den hellen worten Christi / da er spricht: Das ist mein Leib/das ist mein Blut. Welche wort auff nichts anders sollen gedeutet werden / denn eigentlich auff das Brod vnd Kelch des W<sup>ER</sup>ren.

W<sup>ER</sup>rn. Der Leib aber vnd das  
blut des W<sup>ER</sup>rn / kan von keinem  
andern verstanden werden / denn  
allein von dem eigenen warhafftigen  
leib Christi / welchen er durch  
seine marter zur Speis bereitet / Joh. 6. e  
Vnd vom blut / welches er mildig-  
lich aus seinem Leib vergossen /  
vnd zu ein tranck seiner Kirchen  
zugerichtet hat. Denn der W<sup>ER</sup>rn  
hat keinen andern natürlichen  
Leib vnd Blut gehabt. Darumb  
lernen vnser Priester / das vber die-  
sen gewissen worten / vom W<sup>ER</sup>rn  
Christo geredet / damit er /  
das das Brot in sonderheit sein  
Leib / vnd der Wein in sonderheit  
sein Blut sey / verkündiget / be-  
zeuget vñ einsetzt / niemand nichts  
weder dazu noch dauon thun sol /  
Sondern ein jeder denselbigen al-  
so / wie sie fur sich selbs lauten / zu  
glauben / vnd dauon zu keiner /  
weder zur rechten noch zur lin-

I iij cken

Vom Nachtmal des Herrn.  
cken seiten abzuweichen schuldig  
ist.

Aber doch den sinn dieses  
Glaubens zu erklären / leret man  
weiter / das / ob wol das Brot der  
Leib Christi seiner stiftung nach /  
vnd der Wein sein Blut sey / Den-  
noch keines der beide sein natür-  
lich wesen vnd substantz verwan-  
delt oder verleuret / sondern das  
Brot wares Brot / vnd der Wein  
rechter Wein sey vnd bleibe. Wie  
denn die heilige Schrift alle bei-  
de mit jren namen also nennet:  
Sonst were es kein Sacrament /  
wo es auffhöret ein Element zu  
sein / zu welchem wenn das Wort  
Kompt / es ein Sacrament wird:  
So könde es auch nicht bedeuten  
noch zeugen / wo es derending kei-  
ne gleichheit hette / deren Sacra-  
ment es ist / wie Augustinus  
schreibt.

*Augustin.*  
*Epist. 23.*  
*ad Bonifa.*

Derhat.

D Erhalten diese *locutio* oder  
 rede: Das Brot ist der Leib/ vnd  
 der Wein ist das Blut Christi/ ist  
 ein sacramentliche rede/ nemlich/  
 das diese zwey vnterschiedliche  
 ding/ eben das/ was sie aus jrer  
 natur sind/ bleiben/ vnd dennoch  
 vmb der Sacramentlichen eini-  
 gung willen/ oder sacramentlicher  
 weis/ auch sind was sie bedeuten  
 vnd zeugen: jedoch nicht aus jrer  
 natur/ noch natürlicher weis/ son-  
 dern aus einsetzung/ aussag vnd  
 zeugnis des Stiffers. Wie sol-  
 ches S. Paulus fein erkleret / da  
 er schreibt / das das Brot/ so wir  
 brechen/ sey die gemeinschafft des  
 Leibs Christi. der gesegnete Kelch  
 die gemeinschafft des Bluts Chri-  
 sti. Es brauchen es aber beide/  
 fromme vñ böse/ Doch die recht-  
 glenbigen zum leben/ die vnglenbi-  
 gen aber zum gericht vnd verdam-  
 nung/ Dnd wiewol alle beide teil  
 I iij des

1: Cor. 10. 6

Vom Nachtmal des HErrn.

das rechte Sacrament / vnd diese  
warheit des Sacraments / Sa-  
cramentlich / eusserlich empfa-  
hen / so empfahen es doch allein  
die Bleubigen Geistlich / vnd al-  
so seliglich / on welche Geistliche  
niessung / kein würdige niessung  
bey dem sacramentlichen brauch  
ist. Denn auff die weise werden  
wir allein Christo eingepflantz  
vnd eingeleibt / vnd also geschicht  
die ware vereinigung vnd gemein-  
schafft Christi mit seiner Kirch-  
en / vnd widerumb der heiligen  
Kirchen des geistlichen Leibs mit  
sich selbs vnternander. Danon  
schreibet der Apostel / Ein Brod  
ists / so sind wir viel ein Leib / die-  
weil wir alle eines Brots teilhaff-  
tig sind.

Cor. 10. c

Erner wird geleret / das mit  
diesem dienst oder Sacrament  
des HErrn nichts anders sol ges-  
han-

handelt noch furgenomen werden / denn nar allein / was von Christo selbs angezeiget / verordnet / vnd ausdrücklich befohlen ist / Als da er seinen Jüngern besonders das Brod reichet / mit diesen klaren worten sprach / Nemet vnd esset / das ist mein Leib. Vnd abermal / da er auch besonders den Kelch dargab / Nemet vnd trincket alle daraus / das ist mein Blut. Vnd also nach diesem gebot / sol der Leib vnd das Blut vnsern Herrn Ihesu Christi / nur vnd allein ausgeteilet / vnd semplich in gemein von den gläubigen Christen empfangen / nicht aber geopffert / noch ausgesetzt / noch vmb verehrung willen erhoben / auffgehoben / oder vmbher getragen werden. Vnd das sol man empfangen in beiden Elementen / sonderlich den Leib / vnd sonderlich sein heiliges Blut Wie

Vom Nachtmal des Herrn.

ein igliches in sonderheit vom  
Herrn eingesetzt / gereicht / vnd  
allen in gemein dargegeben ist.  
Vnd also hat man auch in der er-  
sten heiligen Kirchen geleret / vnd  
dis Sacrament in seinen beiden  
teilen gantz ausgeteilet vnd emp-  
fangen Wer aber vber vnd wider  
diese verordnung vnd befehl Chri-  
sti / sich etwas anders vnterstehet /  
mit diesem Sacrament fürwitzig-  
lich zu handeln / der thut öffent-  
lich vnd frenelich wider Chris-  
tum den Herrn / desselben Ein-  
setzer / vnd seinen heiligen letzten  
willen / durch seine eigene helle  
wort angezeigt.

Wch sol man dis Sacra-  
ment empfaben vnd handeln on  
anbeten / vnd nicht mit der jenigen  
ehrerbietung / die Gott allein ge-  
büret: doch aber mit gebürender  
andacht / vñ grosser ehrebiebung.

Vnd . . .

Vnd sonderlich mit der aller grös-  
 festen / die da ist sein selbs prüf-  
 fang/welche hiebey dem **W**Ern  
 Christo die aller angenehmste/vnd  
 dem Menschen die aller nützeste  
 ist. Welche auch der heilige Pau-  
 lus die erste Kirch geleret/vnd da-  
 zu vermanet hat / da er also sagt:  
 Der Mensch prüfe sich selbs/vnd <sup>1. Cor. 11. f</sup>  
 also esse er von diesem Brot/vnd  
 trincke von diesem Kelch. Denn  
 welcher vnwürdig isset vnd trin-  
 cket/der isset vnd trincket im selber  
 das gericht / damit/das er nicht  
 vnterscheidet den Leib des **W**Er-  
 ren. Vnd anderswo: Versuchet <sup>2. Cor. 13. b</sup>  
 euch selbs/sagt er/ob jr im Glau-  
 ben seid/Prüfet euch selbs. Oder/  
 erkennet jr euch selbs nicht/ das  
 Ihesus Christus in euch ist? Es  
 sey denn / das jr vntüchtig seid/  
 Ich bitte aber Gott/das jr nichts  
 vbelg thut.

Vom Nachtmal des HErrn.

WENN aber jemand on diese Prob vnd würdigkeit hinzugieng/ vnd sich selbs zuuor nicht erforschet/ was er fur ein glauben hat/ in welcherley meinung er zum Sacrament gehet/ vnd wie er sich dazu geschickt hat / ein solcher würde diesem Sacrament / ja der gantzen Stiftung Christi / die höchste vnehr vnd schmach anlegen. Darumb lassen vnser Kirchendiener keinen zu diesem Sacrament/ reichen es auch keinem/ es sey denn / welche es jnen lassen ein ernst sein / vnd sich so viel an jnen ist / Christlich dazu bereiten.

WENN man nu das Abendmal des HErrn zugebrauchen / oder die Berichtung zu halten / versamlet ist / so prediget vnd leset man/ nach dem furbilde der ersten Kirchen / von Christo/ von der

der gnad durch in vnd in jm / den  
Sündern geschehen / vnd sonder-  
lich von seinem tod / blutnergies-  
sen vnd erwerbung der erlösung  
vnd seligkeit. Darnach thut da-  
bey die gantze Kirche / zu Gott an-  
dechtige Gebet / vmb rechte wir-  
dige niessung. Darauff geschicht  
die ordentliche entbindung der  
Sünden / die wort der einsetzung  
werden erzelet / das Volck wird  
zur wackeren / munteren vnd ernst-  
licher betrachtung Göttlicher  
wolthaten erweckt / das Sacra-  
ment wird mit andacht in aller  
Gottseligkeit ausgeteilet. Das  
Christgleubige Volck aber em-  
pfehet es am aller gewöhnlichsten  
kniend / mit dancksagung / mit  
freuden vnd lobsingen geistlicher  
Lieder / verkündigen den tod des  
HERRN / vnd erinnern sich aller  
seiner gutthaten / zu ires glaubens  
sterckung / in warer gemeinschafft  
mit

## Von den Schlüsseln Christi.

mit Christo vnd seinem Leib. Vnd das alles nach inhalt der heiligen Schrift/sonderlich da der Herr sagt: Das thut zu meinem gedechtnis. Vnd Paulus: So offte jr von diesem Brot esset / vnd von diesem Kelch trincket / solt jr des Herrn tod verkündigen bis das er kompt:

Luc. 22. b

1. Cor. 11. c

## Der vierzehende Artickel/ Von den Schlüsseln Christi.

**D**er vierzehend Artickel vnserer Kirchenlere / ist von den Schlüsseln des Herrn / von welchen er spricht zu dem heiligen Petro: Ich wil dir des Himelreichs Schlüssel geben. Diese Schlüssel aber sind ein

Mat. 16. c

ein sonderlich ampt vnd dienst der  
gewalt Christi / vnd seines heiligs  
gen Geists / den Dienern vnd Kir-  
chen oder Gemeinen Gottes / bis  
zur Welt ende vertrauet / nicht  
allein / ob wol furnemlich / das  
heilige Euangelion zu predigen /  
das ist / das rechte Trostwort /  
die fröliche Friedbotschafft vnd  
Newezeitung von Gottes ange-  
botener Gnade / zu verkünden /  
sondern auch den Glaubigen  
oder Unglaubigen / Gottes gnade  
oder zorn in gemein oder in son-  
derheit zu zeigen / in Gotteshaus  
zur gemeinschafft der Heiligen  
wissentlich anzunemen / oder von  
dannen aus zu treiben / vnnnd also  
das Scepter des Reichs Christi  
durch verwalung des Dienstes  
in der hand zu halten / vnnnd zu  
regierung der Schaff Christi zu  
gebranchen.

## Von den Schlüsseln Christi.

ES ist nu die art vnd eigenschafft des ampts der Schlüssel/ erstlich aufflösen/ das ist/ die gütlichen / vnd widerkerenden Büsser / in iren Gewissen durch Christum befrieden / inen vergebung der sünde zengen / in gewisser hoffnung der seligkeit versichern / vnd also inen das Himelreich auffthun / sie wider allerley anfechtung stercken / freidig vnd getrost machen.

Als das alles von den trewen Seelhirten / an des **HEILIGEN** stat / nicht aus inen selbs / sondern aus **CHRISTI** befehl / nicht durch ire / sondern seine Krafft / mit seinem Wort vnd Sacramenten / Als Haushalter vber Gottes geheimnis / vnd diener allein. Daneben sie entweder frey stehende gebürliche Ceremonien / als Nende aufflegung / oder  
ger.

1. Cor. 4. b

2. Cor. 5. e

gebung / brauchen oder aber vn-  
terlassen mögen.

Wff der andern seiten ist  
der Schlüssel Christi eigent-  
schafft vnd werck / binden: das  
ist / aus Christi befehl vnd gewalt  
des Ampts von im der Kirchen  
vertrawet / welches seine krafft  
vnd Scepter ist / allen frechen / vn-  
busfertigen / vnglaubigen / vnd  
der gleichen Sündern / Gottes  
grewlich gericht vnd vntreglich-  
en zorn anzeigen / sein ernstes vrteil  
ankünden. Vnd also durch des  
Herrn Wort nach mas der ver-  
schuldigung straffen / von Chris-  
ti vnser Heilandes gemein-  
schafft vnd geniessung der Sac-  
rament absondern / von der  
Christlichen Gemeine hinaus  
thun; vnd in Summa / inen das  
Reich Gottes zuschliessen / auch  
zuletzt **H** dem Sathan vbergebē.  
**R** Diese

## Von den Schlüsseln Christi.

Diese macht seines Scepters vnd Geistes / hat der VErr an seiner stat / den heiligen Aposteln / vnd also allen verordneten Kirchendienern befohlen vnd vbergeben / mit diesen Worten:  
Joh. 20. d Gleich wie mich der Vater gesandt hat / so sende ich euch. Vnd bald spricht er darauff: Nemet hin den heiligen Geist / welchen jr die sünde erlässet / denen sind sie erlassen / vnd welchen jr sie behaltet / den sind sie behalten.

Dazu ist ein öffentlich Exempel / die gewalt der Schlüssel zu brauchen / an jenem Corinthischen Sünder vnd andern fürgesetzt / welchen der heilige Paulus sampt der Gemein mit der krafft vnsers VErrn Ihesu Christi / vnd mit seinem Geist / hinaus gethan / vnd dem Sathan vbergeben. Vnd wideeumb / nach dem

Im Gott Buß zu thun verliehen / 2. Cor. 2. 8  
 von sünden entbunden / zur heiligen vnd des Sacraments Gemeinschaft in die Kirch angenommen / vnd also das Himmelreich im auffgeschlossen hat.

Woraus ist zu vernemen / das diese Schlüssel / oder dis Ampt des Herrn / den Seelsorgern vnd einer jeden Christlichen Versammlung / in irer grössern oder kleinern anzal / vertrauet vnd heimgestellet ist. Davon der Herr redet zu den Gemeinen: Matth. 18. 18  
 Warlich ich sage euch / was jr auff Erden binden werdet / sol auch im Himmel gebunden sein / Vnd was jr auff Erden lösen werdet / sol auch im Himmel los sein. Vnd bald he nach: Denn wo zween oder drey versamlet sind in meinem Namen / da bin ich mitten vnter jnen.

• K ij Weiter

## Von den Schlüsseln Christi.

W<sup>U</sup>ter geschicht auch vn-  
terricht / das ein jglicher Christ/  
so oft er dieser Schlüssel des  
H<sup>E</sup>rrn bedarff / von den Seel-  
hirten der Gemein oder des Kir-  
chenspiels / dahin er gehöret / der-  
selben in sonderheit mit gantzer  
zuuersicht / als von Christo dem  
H<sup>E</sup>rrn selbs gebrauchte / sintemal  
er sie jnen gebē hat / vnd gar nicht  
zweinele / das durch den dienst der  
Schlüssel mit der krafft Christi /  
im seine sünden verziehen vnd ver-  
geben werden. Wie der H<sup>E</sup>rr  
selbs sagt: Welchen jr die sünde  
erlasset etc. Vnd wer euch höret /  
der höret mich / vnd wer euch  
(nemlich hierin vnd in diesem fal  
des Kirchendienstes) auffnimpt /  
der nimpt mich auff. Vnd herwis-  
der: Wer euch verachtet / der ver-  
achtet mich.

Joh. 20. e

Luc. 10. b

Matth. 9. g

Joh. 13. c.

Marc. 9. e

W<sup>U</sup>ch leret vnd erbeitet man  
dahin /

bahin / auff das die Priester der  
 Schlüsseln des **W**Erns nicht an-  
 ders brauchen / denn nur nach  
 dem sinn / willen vnd meinung  
 Christi / ausdrücklich in seinem  
 Wort offenbaret / vnd nach seinen  
 gewissen deutlichen vnd eigent-  
 lichen vrteil: vnd in keinem weg  
 nach menschlichem wahn / oder  
 jres gefallens vnd eigen willens /  
 Denn da würde der Schlüssel jr-  
 ren vnnnd feilen. Damit an jnen  
 nicht erfüllet werd / was von Gott  
 durch den Propheten gesagt ist /  
 der da spricht: Vnd nu jr Priester / *Mala. 2. 6*  
 dis gebot gilt euch / wo jrs nicht  
 höret / noch zu hertzen nemen wer-  
 det / das jr meinem Namen die eh-  
 re gebt / spricht der **W**Ern **J**e-  
 baoth / so werde ich den Fluch vn-  
 ter euch schicken / vnd ewer Segen  
 verfluchen: ja verfluchen werde  
 ich in / weil jrs nicht wollet zu her-  
 tzen nemen.

Von Satzungen.

## Der funffzehend Artikel/

Von den zufälligen Mitteldin-  
gen / oder von Satzungen / Ord-  
nung / Breuchen vnd Cere-  
monien der Kirchen / vnd  
von Christlicher  
Freiheit.

**I**n zufälligen din-  
gen / Menschensat-  
zungen / Ordnun-  
gen vnd guten Ge-  
wonheiten wird ge-  
leret / das sie gerin-  
ger vnd vnnötiger sind / denn die  
gaben des ordentlichen Kirchen-  
diensts / ja das sie zur fürderung  
des Kirchendienstes geordnet vnd  
auffgerichtet werden. Vnd doch  
vnter dem Christlichen Volck /  
bey dem gemeinen Gottesdienst  
in eintrechtiger Gemeinschaft zu  
halten sind. Laut des Heiligen  
Apostels.

Apostels lere: Lasset alles / nemlich <sup>1. Cor. 14.9</sup>  
 in ewer Gemein / ehrlich vnd er-  
 dentlich zugehen. Vnd abermal:  
 Gott ist nicht ein Gott der vnord-  
 nung / sondern des friedes.

Wer doch gebüret sichs /  
 dieselbigen zu halten innerhalb  
 diesem ziel vnd mas: das sie nicht  
 fur ein grund der seligkeit / oder  
 Gottesdienst von Gott on vnter-  
 scheid verordnet / geachtet wer-  
 den / noch die Gewissen herter  
 denn Gottes Gebot binden / vnd  
 fur jnen herfur brechen: sondern  
 allein fur einen wolstand / zierd /  
 erbarkeit vnd löbliche zucht / Der-  
 massen / das sie die Christliche  
 freiheit des Geistes Christi vnd  
 Glaubens nicht brechen / die Lies-  
 be nicht zurrütten. Vnd wider-  
 umb / niemands vnter dem schein  
 vnd deckel Christlicher freiheit /  
 sich Gottseliger ordnung zum gu-  
 ten dienent entziehe.

## Von Saktionen.

**M**An meinet aber Christliche Freiheit am fürnemesten die befreitung durch Christum / vom dienst der Sünden / vnd fluch des Gesetzes vnd seines jochs. Darnach die empfahung des freiwilligen Geistes der Kinder Gottes / daraus man mit lust / die werck des Glaubens gegen Gott / vnd die Liebe gegen dem Nehesten vbet / vnd durchs Gesetz der Liebe gereitzet werde / solches mehr aus gutem willen / denn von pflicht oder zwangs wegen / zu leisten: darzu vnnerbunden sein im Gewissen an einige Menschen satzung geg/leich eben wie / vnd sonderlich höher denn an Gottes Gebot. Vnd zuletzt jm damit kein brandmal machen lassen in seinem Gewissen.

Johan 8. c  
Rom. 6. c  
Acto. 15. b  
Psal. 110. b  
Rom. 8. c  
Jacob. 1. d  
2. Tim. 1. b

1. Tim. 4. a

**D**ennach sol man nicht allein nicht halten / sondern fliehen.

hen alle solche Menschenatzun-  
 gen vnd gebreuche/welche die eh-  
 re / herrligkeit vnd gnade vnfers  
 D<sup>E</sup>rrn Ihesu Christi vertuncke-  
 len oder auffheben / das Volck  
 von dem rechten reinen Glauben  
 abführen. Vnd Kurtz / vmb wel-  
 cher willen Gottes Gebote vber-  
 treten / nachgelassen vnd verklei-  
 nert werden : vnd Gottes Wort in  
 seiner reinigkeit vnd warheit nicht  
 geübt oder gehandelt wird. Denn  
 der D<sup>E</sup>rr Christus straffet ernst-  
 lich jene Phariseer vnd Meister  
 der Jüden/vmb solcher auffsetze/  
 ordnung vnd derselben haltung  
 willen / da er spricht: Wie fein hat *Marck. 7.*  
 von euch Neuchlern Jesaias ge-  
 weiffaget / wie geschrieben stehet : *Jesa 29.*  
 Dis Volck ehret mich mit den lip-  
 pen/aber jr hertz ist ferne von mir :  
 Vergeblich aber ist's / das sie mir  
 dienen / dieweil sie leren solche le-  
 re / die nichts ist denn Menschen  
 • K v gebot .

## Von Satzungen.

Coloss. 2. 6

gebote / Ir verlasset Gottes gebote /  
vnd haltet Menschen auffsetze.  
Vnd Paulus warnet für solchem  
Menschentand / sprechend: Ses  
het zu / das euch niemand berau-  
be / durch die Philosophia vnd lo-  
se verführung / nach der Menschen  
lere / vnd nach der Welt satzun-  
gen / vnd nicht nach Christo. Das  
von sind auch geistliche Rechte /  
in welchen also steht geschrieben:

Distin. 8.  
et II. §.  
Consuetu-  
dinum.

Die gewonheit loben wir / doch  
diese / welche erkandt wird / das  
sie dem Christlichen glaubē nicht  
entgegen ist.

Darumb sollen allein die  
Ordnungen vnd guten Kirchen-  
brenche gehalten werden / wel-  
che vnter dem Christlichen Volck  
den einigen wahren Glauben / den  
reinen Gottesdienst / eintrechtig-  
keit / liebe vnd rechten Christ-  
lichen Friede erbawen / es sey nu  
solche

solche Satzungen von Bischoffen oder Kirchen Concilien / auch von wem sie wollen / herkommen vnd auffbracht / hiemit sollen sich die Einfeltigen nicht bekümmern / noch irren lassen / sondern dieselbigen / weil sie gut sind / zum guten brauchen / vnd allein auff diese Regel acht gebē / das sie zu den Göttlichen dingen allein stets jr größest vertrauen vnd fürnemeste zusucht haben / vnd sich gantz fleißig hüten / das sie dadurch von den besten vnd gründlichsten wesentlichen dingen nicht werden abgeführt / Denn die Göttlichen / heilwertigen ding sollen durch aus für aller Menschen ding zuvor stehen / vnd an denen allein sol das Gewissen gebunden sein. Denn der Herr (thut selbs ein wehegeschrey vber die Ältesten der Juden) die jr außsetze Gottes geboten /

vnd

## Von Sackungen.

Matt. 23. c  
Luc. 11. f

vnd die geringern stück den größern fürzogen. Ir lasset / spricht er / dahinden das schwerest im Besetze / nemlich / das Gerichte / die Barmhertzigkeit / vnd den Glauben: Dis solt man thun / vnd jenes nicht lassen.

WJe denn auch bey vns heutiges tages viel alte gewonheiten / so fern möglich vnd gebürlich / gehalten werden / als etliche Fasten / Feiertage / Metten / oder Frühpredigten / Vesper / Sonntag / Feste / die hohen heiligen Feier der werck Christi: der Geburt / Leiden / Auferstehung. Auch die gedechtnis der Weiligen / als der Jungfrauen Mariae / der Aposteln / vnd anderer Weiligen tage / sonderlich von welchen meldung geschicht in der heiligen Schrifft: vnd das alles vmb Gottes worts vnd ehre willen.

Vnd

Was ob sie wol nicht alle  
 breuche zu gleich mit andern hal-  
 ten / wie denn vnmüglich vnd vn-  
 nötig ist allenthalben in der Chri-  
 stenheit einerley ordnung oder  
 Ceremonien zu haben: so wider-  
 streben sie doch keiner guten Gottes-  
 seligen ordnung / sind auch nicht  
 gesinnet derer wegen trennung zu  
 machen / wenn gleich etliche nicht  
 fast nötig erkandt würden / so fern  
 sie nur nicht wider Gott vnd sei-  
 ne ehre weren / vnd den Glauben  
 an Ihesum Christum / der allein  
 gerecht macht / nicht verkleiner-  
 ten.

Wiewol auch hie des fals  
 von den vnsern nicht wird stil-  
 schweigend vbergangen / Das  
 nemlich sich keines wegs gebüret /  
 mit viel vbrigen vnd beschwer-  
 lichen satzungen / in massen wie  
 vnter dem Gesetz Mose / das Volck  
 zu be-

## Von Sackungen.

zu beschweren / denn die Aposteln  
haben solches gewehret / wie der  
heilige Petrus danon zu etlichen  
Acto. 15. d sprach: Was versucht jr Gott / mit  
Galat. 5. a aufflegen des jochs auff der Jün-  
ger helfer. Item: Lasset euch nicht /  
spricht Paulus / in das knechti-  
sche joch fangen. Vnd der vrsach  
halben hat Christus die Schrifte-  
gelerten hart angefahren / als er  
Luc. 11. e sagt: Weh auch euch Schrifte-  
gelerten / denn jr beladet die Men-  
schen mit vntreglichen lasten.

Weh leret man erkennen /  
das die menschlichen anffsetze  
nicht sollen ein ewig / vnwandel-  
bar gesetz haben / sondern wie sie  
von Leuten aus redlichen vrsach-  
en eingesetzt sind / also auch  
aus wichtigen billichen vrsachen  
mögen gebrochen / abgethan /  
vnd verendert werden / on alle  
sünde.

sünde / Nach der Apostel Exem-  
 pel / welche der Elteyen auffsetze  
 vbertratten / da sie mit vngewa- Mat. m. d  
 schenen henden das Brot assen /  
 mit andern nicht fasteten / doch  
 gleichwol hierin sündlos waren.  
 Auch nach dem fürbilde der er-  
 sten heiligen Kirchen / welcher die  
 Aposteln sampt dem gantze Syn-  
 odo durch den heiligen Geist dis-  
 gebot aufflegten: das man sich Acto. 15. d  
 enthalten solt / vom Götzenopf-  
 fer / vnd vom Blut / vnd vom ver-  
 stickten. Dennoch / da die vr-  
 sachen / derer willen solches be-  
 schlossen / mitler zeit vergiengen /  
 ist auch der Apostel gebot abgan-  
 gen. Bey welchem sich nicht  
 geziemet böser Leute ergernis zu  
 achten / wie der Herr sagt: Matt. 15. d  
 Cas-  
 set sie faren / denn sie sind blind /  
 vnd blindeleiter. Vndd hinwi-  
 der gebüret sich vleissig zu hüten /  
 damit

## Von Sazungen.

Mat. 15. 4.  
Rom. 14.

Damit man den Kleinen kein erzernis gebe/ durch frechen sündlichen brauch der freiheit: Denn der Herr spricht: Wehe dem Menschen/ durch welchen erzernis kompt.

Wd aber etliche/ doch vnshedliche vnterscheid vnd vngleichheit bey den eusserlichen Sazungen/ breuchen oder Ceremonien in den Kirchen oder Christlichen versamlungē erfundē wurden/ sol je niemand dieser sachen so vnberichtet sein/ das er derwegen an andern sich erzern/ sie schmehen vnd beleidigen/ darzu Secten vnd rotten anrichten solt. Dieweil niemals allenthalben einley Kirchenform gewesen/ vnd heutiges tages noch nicht ist. Wie auch in geistlichen Rechtbüchern vermeldet wird/ mit diesen Worten: Es weis je die Römische

Dist. 12.  
Cap: Scit

mische Kirche wol / das vn-  
 gleiche Ceremonien nach geles-  
 genheit der örter vnnnd zeit / den  
 Gleubigen nicht hinderlich sein /  
 wo sie nur der heiligen Schrifft  
 nicht vngemes vnd entgegen sind.  
 Vnd gebüret einem jeden Recht-  
 gleubigen viel mehr / das er damit  
 begnüget sey / vnd sein Gewissen  
 befriede / wo die Christen einen philly 2. a  
 Geist Christi haben / vnd an sei- Eph. 4. \*  
 nem einhelligen rechten sinn / vnd  
 einerley lere vnnnd meinung sich  
 halten in allen diesen Stücken.  
 Denn wer diesen Geist Christi  
 nicht hat / der ist nicht Christlich /  
 wieder Apostel bezeuget / er halte Rom. 2. b  
 auch waserley er wolle Ceremo-  
 nien vnd ordnungen.

Drum / welche Christi  
 sind / sein in solchen dingen schül-  
 dig / wie eines Leibes Glieder /  
 einander zu vertragen in der Lie-  
 be /

Von weltlicher Oberkeit.

be/on welche nichts nützet/nach  
1:Cor.15. a inhalt der Apostolischen lere.

Der sechszechend Artikel/  
Von weltlicher Gewalt  
oder Oberkeit.



Erster wird geleret/  
aus heiliger Schrifft/  
das die weltliche Ob-  
berkeit Gottes ord-  
nung sey/ die von im  
herkome / vnd durch seinen teg-  
lichen krefftigen beystand erhal-  
ten werde / zu regieren das Volck  
in den dingen / welche zum ir-  
dischen vnd leiblichen leben/das  
mit sie auch vom geistlichen Kir-  
chenregiment vnterschieden wird/  
gehören. Danon stehet ein herr-  
licher Spruch im Paulo: Es ist  
kein Oberkeit on von Gott / wo  
aber Oberkeit ist/ die ist von Gott  
verordnet.

Rom.13. a

Dent

DEnnach sollen eben wiß  
 sen/erkennen vnd gedenccken alle  
 die jenigen/ so durch diese gewalt  
 Empter verwalten/ in welchem  
 grad sie auch sind/ das sie Gottes  
 Stathalter sind/ vnd er/nemlich  
 Gott/ jr vnd aller andern Men-  
 schen höchster DEXX vnd Kö-  
 nig/welchem sie endlich von irem  
 Stand vnd Land/vnd gantzer rez-  
 gierung am Jüngsten tag rechens-  
 schafft geben müssen. Danon im  
 Buch der Weisheit/vnd anders: Sap. 6. 4  
 wo klar geschrieben wird. Vnd  
 dieweil sie Gottes stat verwesen/  
 vnd Gottes Stathalter sind/ ge-  
 büret jnen irem Oberherrn gleich-  
 formig nach zu folgen / vnd von  
 jm gnad vnd gerechtigkeit zu ler-  
 nen.

DEXwegen thut man  
 hierauff diesen bericht/ das die  
 Gewaltigen der Menschen wol-  
 • L ij            theter

## Von weltlicher Oberkeit.

Luc. 22. e

theter sein sollen / Nach dem wie  
der **WERR** Christus sagt: Die Ge-  
waltigen heisset man Gnedige  
Herrn. Vnd das ire eigentliche  
pflicht sey / Gerechtigkeit / Friede  
vnd allerley wolffart / in zeitlichem  
Gut vnter dem Volck / on an-  
nung der Person / zu erbawen /  
die friedtsamen Vnterthanen an  
irem Recht / Vnde vnd Leibsle-  
ben für den Beschedigern / verhee-  
rern vnd vbelthetern / auch für des  
Türcken vnrechten gewalt / neben  
andern zu schützen / vnd also Gott  
dem **WERN** zu dienen / in  
dem / das sie nicht vergebens das  
Schwert tragen / sondern damit  
menlich / freidich vnd trewlich  
Gottes werck vnd willen verbrin-  
gen. Vnd daher werden solche in  
der Schrifft Götter / vom heili-  
gen Paulo aber Diener Gottes /  
genennet / Die Oberkeit / spricht  
er / ist Gottes Dienerin / dir zu gut.

psal. 82. b  
Ioh. 1. 9. e  
Rom. 13. a

Welche

Welche gesandt wird / sagt der <sup>1. pet. 2. c</sup> heilige Petrus / zur rache vber die Vbeltheter / vnd zu loben den Frommen.

Nach dem aber die Oberherrn nicht allein Gottes gewalt sind / so fern die Schrift auch der Heidnischen Herrschafft dieselbige zulegt / wie der Herr sprach zu Pilato: Du hettest keine macht <sup>Joh. 19. b</sup> vber mich / wenn sie dir nicht were von oben herab gegeben / Sondern auch / vnd fürnemlich / der gewalt des Lambs Ihesu Christi / die Christliche Noheit Mitgenossen vnd als Diener sein sollen / welchen Gott in vnser natur gemacht hat zum Herrn aller <sup>Apocal. 1. b</sup> Herrn / vnd König aller Könige. Vnd das die Könige auff Erden / so weiland Heiden gewesen / des Lambs Reich werden / ire ehre in die Kirche bringen / vnd derselbigen

## Von weltlicher Oberkeit.

Jesa. 49. e gen Meerer sein solten/welchs sich  
erfüllet hat/ da sie den Glauben  
Matt. 13. a angenommen/vñ genistet haben vn  
Luc. 13. e ter dem Senffbaum des'glaubens.  
So wird nu der ursachen hal-  
ben sonderlich solche Christliche  
Oberkeit geleret/ auff das sie der  
ehr vnd des einen teils der gewalt  
des Lambs wol brauchen / die-  
selb dem Sathan vnd Antichrist  
nicht dargeben/wollen sie anders  
Apoc. 17. a nicht zur Bestien oder zum graus-  
samen Thier/ so die Dure tregt/  
gemacht werden/ Für dem Na-  
men vnsers DERRN Christi sich  
nicht schemen/ in diesem irem  
Ampt die warheit des heiligen  
Euangelij zieren / die thür der  
Warheit / wo sie mügen / auff-  
thun/Christi Diener vnd Volcks  
Beschürmer sein/ des Antichrists  
Abgötterey vnd tyranney keinen  
beyfall geben/ so viel an ihnen ist/  
viel weniger der nachfolgen/ vnd  
wenn.

wenn sie auch gleich darüber lezden solten / Vnd also ire Kron für dem Lamb ablegen / im dienen mit geistlichen Königen vnd Priestern der heiligen Kirchen / das ist / mit allen Gleubigen vnd beruffenen Christen zum ewigen leben. Vnd dazu vermanet sie der heilige Geist im andern Psalm / des sie sich offft erinnern sollen / also sprechend: So lasset euch nu weisen psal. 2. c jr Könige / vnd lasset euch züchtigen Jesai. 1. 6 jr Richter auff Erden / Dienet dem **DEXXI** mit furcht / vnd frewet euch mit zittern.

Daraus folget nu schliesslich / welche der ordentlichen gewalt Gottes vnd des Lambs dermassen mit gedult in jrer widerwertigkeit brauchē / beide / zur rechten vnd zur lincken / das sie dafur reiche vnd vnmesliche belonung vñ Göttlichen seggen alhie nemen /

• L iij      vnd

## Von weltlicher Oberkeit.

psal. 82. b  
Sap. 6. b

vnd auch in jenem Leben aus  
glauben an Christum empfan-  
gen werden. Vnd hinwider/ das  
vber die argen/Wilden vnd Blut-  
girigen/so nicht Buss thun/graus-  
same rache kompt alhie/vnd dar-  
nach in ewiger pein.

W dem leret man auch das  
Volck jre gebüre/vnd helt es thet-  
lich mit Gottes Wort dahin/das  
sie alle in allem / was nur wider  
Gott nicht ist/der hohen Gewalt  
vnterthan sein/Erstlich ewer Kö-  
niglichen Maiestet / darnach al-  
len Obern oder Gewalt habern/  
in waserley Empter sie auch ge-  
setzt sind / sie sein nu für sich selbs  
gut oder böß/Vnd alle jre Ampts-  
pflieger oder Gesandten / das sie  
die ehren / jnen allerley rechtmessi-  
ge gebüre leiste / auch ehre / schos /  
zol/vnd was sie dergleichen schul-  
dig vnd verpflichtet sind / geben.

1. Pet. 2. 6  
Rom. 1 5. b

Was

Was aber der Menschen Seelen/ Glauben vnd ewiges heil betreffend ist/ da wird gelert/ das sie niemand mehr denn Gott gehorchen sollen/ sondern am allermeisten vnd fürnemlichsten dem einigen Gott/ vnd seinem heiligen Wort/ Nach dem wie der Herr befihlet: Gebet dem Keiser was des Keisers ist/ vnd Gotte/ was Gottes ist. Mat. 22 c

Wo sich aber jemand vnterstünde/ dieselben aus dieser rechten Christlichen art vnd weise zu bringen/ da sollen sie sich des fürbildes der Aposteln halten/ welche mit beständigem/ hertzhaftigen mut der Oberkeit vnd Rath zu Jerusalem diese antwort gaben: Man mus Gott mehr gehorchen denn den Menschen. Acto. 5 c  
Dan. 3 c

Duon auch der alten Vetter meining oder geistliche Recht  
L v sind/

Von weltlicher Oberkeit.

*Causa 11.  
Quaest: 3.  
Capit. Si  
Dominus.*

sind / da sie also schreiben / Vnd  
sind wort des heiligen Hierony-  
mi: Wo ein Herr oder Ober-  
keit solche ding schaffet vnd be-  
fehlet / die der heiligen Schrifte  
nicht vngemes sind / da sey der  
Knecht seinem Herrn vnterthan /  
wo er aber das widerspiel gebent /  
gehorsche er mehr dem WELT-  
lichen Geistes / denn dem Herrn des  
leibs. Vnd vnter das: Ist es gut  
was der Keiser gebent / so erfülle  
des gebietenden willen, Ist es aber  
böses / antworte: Man mus Gott  
mehr gehorchen denn den Men-  
schen.

Der siebenzehende Ar-  
tikel / Von den Heiligen /  
vnd irer ehre.



Denn den lieben Hei-  
ligen wird geleret /  
erstlich / das niemand  
jemals von anfang  
der

der Welt aus jm selbst durch seine  
 werck heilig gewesen/ noch jetzund  
 sey / noch sein werde bis an der  
 Welt ende/ laut der stimme Mose  
 des trewen Knechts Gottes/ da er  
 zu Gott rieß: **HEXA** / für dir ist Exod. 34. a  
 niemand vnschuldig/ das ist/ hei- Job 15. b  
 lig. Vnd im buch Iob stehet ge-  
 schriebē: Was ist ein Mensch/ das  
 er solt rein sein/ vnd das er solt ge-  
 recht sein / nemlich für Gott/ der  
 vom Weibe geboren ist. Sihe vn-  
 ter seinen Heiligen ist keiner on ta-  
 del/ vnd die Dimel sind nicht rein  
 für jm: Wie viel mehr ein Mensch/  
 der ein grewel vnd schändte ist/ der  
 vnrecht senfft wie wasser? So be-  
 zeuget die Schrift klerlich durch-  
 aus/ das alle Menschen bald von Ephē 2. a  
 natur Sünder sind / vnd sey kei- Psal. 14. b  
 ner / sey auch keiner gewesen/ der Rom. 3. b  
 von jm selbst gerecht vnd heilig  
 were/ sondern sind allesampt von  
 Gott abgewichen/ vntüchtig vnd  
 gar nichts werdt. **Das**

## Von den Heiligen.

Das aber etliche heilig vnd  
Gott angenehm gemacht sind / ist  
inen on alle ire würdigkeit vnd ver-  
dienst / von dem / der allein heilig  
ist / widerfaren. Gott selbs hat sie  
aus lauterer gnade vnnnd vnaus-  
sprechlichem reichthumb seiner  
güte darzu verordnet / vnnnd ge-  
bracht / das sie erwelet vnnnd be-  
ruffen / durch Christum erlöset /  
durch sein Blut gereiniget vnd ge-  
segnet / vom heiligen Geist gesal-  
bet / durch den Glauben an Chri-  
stum gerechtfertiget vnd geheili-  
get / mit löblichen tugenden vnd  
guten Christlichen wercken gezie-  
ret sein / Derer nu viel / so jr leben  
darin vnnnd lauff volendet / mit  
ewiger freude im Himel / do Gott  
die seinen Erönet / begnadet sind.

Als diesen hat Gott auch  
etliche mit seiner sondern gnade  
vnd Göttlichen gaben zum dienst  
vnd

vnd gemeinen nutz seiner Kirchen  
 begabt / als Patriarchen / Pro-  
 pheten / vnd andere heilige Väter. Eph. 4. 6  
 Item / Aposteln / Euangelisten /  
 Bischouen / viel Lerer vnd Dirten /  
 Auch andere hohe tewre geistrei-  
 che Leut / derer gedechtnis / arbeit  
 vnd frucht bis auff den heutigen  
 tag / in der heiligen Schrifft vnd  
 Kirchen blieben. ●

Insonderheit aber glaubet  
 vnd bekennet man von der heili-  
 gen Jungfrawen Maria / das sie  
 sey ein zartes Töchterlein König-  
 liches stams / vom Haus vnd ge-  
 schlecht des Königs David / des  
 lieben Dieners vnd freunds Got-  
 tes / vnd von Gott dem Vater er-  
 welet / gebenedeit / gesegnet durch  
 den heiligen Geist / vber andere  
 besucht vnd geheiliget / auch mit  
 wunderbarer gnade vnnnd krafft  
 Gottes erfüllet / darzu / das sie die  
 rech.

Von den Heiligen.

rechte/ware Mutter ward vnfers  
Herrn Ihesu Christi des Sons  
Gottes/von welcher er vnser na-  
tur hat angenommen / Eine reine  
keusche Jungfraw allezeit / vor/  
bey vnd nach der geburt / durch  
iren allerliebsten Son / vnd des  
lebendigen Gottes Son / mit sei-  
nem tod vnd heiliges blut vergies-  
sen tewer erkaufft vnd geheiliget /  
vom heiligen Geiste durch den  
Glauben sein angenehmitgenos  
gemacht / mit hohen gaben / ed-  
len tugenden vnd guten wercken  
geschmücket / vber andere selig ge-  
preiset / vnd ein gewisse Witerbin  
worden des ewigen lebens. Wie  
denn auch die vnsern Christlicher  
gebür nach / ire Fest vnd gedecht-  
nis zu Gottes lob vnd ehre bege-  
hen / Christliche Lieder von ir  
richten vnd singen / die grossen  
ding/welche Gott an ir für andern  
gethan / mit lieb / lust vnd trost erz-  
zelen /

zelen / sich dabey des gemeinen  
 heils semplich frewen / vnd des  
 höchlich danckbar sein / sie mit  
 der gantzen Christenheit selig be-  
 kennen / Gott für solches alles lo-  
 ben / jr in heiligem leben vnd gu-  
 ten wandel nach vermügen trew-  
 lich nachfolgē / jrem befehl wirck-  
 lich nachkomen / vnd mit jr alweg  
 im himmel zu sein begeren. Vnd das  
 alles nach der heiligen Schrift.

Joh 2. 6

ES wird auch die Kirche vna-  
 terrichtet / das niemand den Hei-  
 ligen / geschweig den jren bildern /  
 in massen als Gotte dienen / noch  
 dieselben mit der ehre vnnnd an-  
 dacht / die dem einigen Gott allein  
 gebüret / verehren / Vnd in sum-  
 ma / jnen den Gottesdienst keines  
 weges zumessen sol. Denn Gott  
 sagt durch den Propheten Je-  
 saiam: Ich bin der **YHWA** dein  
 Gott / das ist mein Name / Ich wil  
 meine

Jesa. 42. 7  
48. b. 6

## Von den Heiligen.

meine ehre keinem andern geben/  
noch meinen rhum den Götzen/  
Sondern also leret man die Hei-  
ligen recht ehren/ das das Volck  
an gewissen tagen zu bestimmter  
zeit zum Gottesdienst sich vers-  
samle/ die Göttlichen wolthat/  
die Gott den Heiligen/ vnd durch  
sie der Kirchen erzeiget hat/ zu ge-  
müt führe vnd behertzige/ dane-  
ben auch ires bernffs/ lere/ glau-  
bens vnd lebens/ sampt iren Gott-  
seligen vbungem vnd endlichem  
ausgang/ sich erinnere/ Damit  
es eben in derselben warheit durch  
Gottes Wort erbawet werd/ vnd  
Gott dem D E X T A für sie lob  
vnd danck sage/ nützliche reine ge-  
senge von jnen singe/ zu gleichem  
gehorsam vnd nachfolgung ires  
Glaubens/ werck/ vnd erbarn le-  
bens/ sich reitze vnd errege/ vnd  
Gott anruffe/ das er im verleihen  
wolle/ mit jnen geselschafft zu ha-  
ben/

ben/alhie in der gnade/vnd dar-  
 nach in der ewigen herrligkeit.  
 Vnd das alles ist fein in kurtze  
 wort gefasset zun Hebreern: Ge- Ebre. 13. b  
 dencket an ewre Lerer / die euch  
 das Wort Gottes gesagt haben/  
 welcher ende schawet an/vnd fol-  
 get jrem Glauben nach.

Vnd gleich wie dem wider-  
 sprochen wird/ das Gottes ehre  
 den Heiligen solt geben werden/  
 also wird auch keines weges ge-  
 stattet / das die ehre vnd eigen-  
 schafft/so allein dem Lamb Chri-  
 sto vnserm Herrn zugehörig ist/  
 vnd auff sein eigenes wesentlich  
 Priesterthum gehet / inen solt zu-  
 gelegt werden / das ist/ das man  
 aus inen / vnd jrem leiden / allhie  
 keine erlöser vnd verdienste / im  
 Himel aber keine fürsprecher vnd  
 mitler machen sol / vnd sie nicht  
 anruffen / wie denn auch die En-  
 gel

Von den Heiligen.

Ebre. 9:6

2. Tim 2:6

3. Joh. 24

gel nicht / sintemal sie keine Götter  
sind. Denn es ist nur ein einiger  
Erlöser / durch sein Leib vnd blut  
einmal allhie zum tod geopffert /  
Auch im Himel ein Fürsprecher  
vnd Mittler / Christus vnser aller-  
guedigster Herr.

Man sol aber nicht allein  
glauben vnd wissen von den Hei-  
ligen / welche Junorgangen / vnd  
im Herrn entschlaffen sind / vnd  
schon in der freude wonen / Son-  
dern auch von denen die jtz / wie  
zu aller zeit gewesen / auff Erden  
leben. Vnd das sind alle warhaff-  
tige frome Christen / Gott gebe  
auch wo sie sind / hie vnd da / vn-  
ter allen Völkern / welche durch  
die Tauff im namen des Herrn  
geheiliget / mit rechtem glauben  
an den Son Gottes begabet / in  
Göttlicher liebe vnd huld gegen  
einander als Kinder Gottes ent-  
zün

Zündet sind / die auch der rechts  
 fertigung Christi / der ordentlich-  
 en entbindung der Sünden / vnd  
 des Sacraments des Leibs vnd  
 bluts Christi brauchen / vnd aller  
 Gottseligen / Christlichen vbung  
 sich befeissen. Wie denn die Apo-  
 steln solche trewe Christen / so  
 noch alhie auff dieser Erden in  
 sterblichem wesen walleten / Wei-  
 lige genant haben / als / Ir seid <sup>1. Pet. 2. 9</sup>  
 das außerswelte Geschlecht / das  
 Königliche Priesterthumb / das  
 heilige Volck / das Volck des ei-  
 genthumbß. Item / Es grüssen <sup>2. Cor 13. 6</sup>  
 euch alle Weiligen. Item / Grüsset <sup>Ebr. 13. 6</sup>  
 alle ewre Lerer / vnd alle Weiligen /  
 das ist / alle trewe Christen.

Der ursach halben wird vn-  
 terricht gethan / Das man gegen  
 allen Christen / für anderen Völ-  
 ckern hertzliche liebe vnnnd gunst  
 tragen / vnd inen im fal der not /  
 M ij      aus

## Von den Heiligen.

aus liebe / dienste vnd fürderung  
leisten sol. Mit denen aber / die  
Christi warheit lieben vnd nach-  
folgen / in heiliger Gesellschaft  
sein / zu jnen ein gute zunnersicht  
haben / sie vmb Christi willen  
Galat. 6. c werd halten / jnen gebürliche ehr-  
Rom. 12. b erbitung aus Christlicher lieb er-  
17. c zeigen / in allem guten dienstlich  
1. Cor. 12. b vnd fürderlich zu sein sich beflis-  
sen / vnd von jnen heilige fürbitt  
begeren.

Die irrigen aber vnd sünd-  
hafftige Christen freundlich vnd  
gütlich bessern / mitleidung mit  
jnen haben / mit sanfftmüt in der  
liebe gebürlich vertragen / für sie  
Gott bitten / das er sie auff den  
weg der seligkeit führen wolle /  
damit das heilige Euangelium  
vnd die herrligkeit Christi in allen  
gepreiset vnd ausgebreitet wer-  
de.

Judas c.

Der

## Der achzehende Artikel/

Vom fasten.

**I**n der rechten Christlichen Fasten wird gelehret / das sie ein ennsertlich / ehrerbietig werck sey des Glaubens / so mit des leibes Kasteiung / neben dem Gebet vnd Almosen geschicht / Gotte allein angehörig. Vnd das die vnter den Christen sol gehalten werden nach vermügen / vrsach / notdurfft vnd gelegenheit aller Personen in gemein / vnd einer iedlichen in sonderheit / zu welcher zeit es sey / on heucheley vnd aberglauben / Wie die zeugnis der heiligen Schrifft lauten / danon Paulus vnter andern also sagt : Lasset vns beweisen als die Dienner Gottes / in fasten. Vnd Christus sagt : Als denn werden sie fasten.

Matt. 6. c

2. Cor. 6. b

Luc. 5. c

M iij sten.

Vom Fasten.

**1. Cor. 7. a** sten. Vnd abermal Paulus an ein  
andern ort / Das jr zum fasten vnd  
beten musse habt.

DJe faste aber stehet nicht  
darauff / wasserley speis jemand  
esse / sondern stehet in messigen  
derselben gebrauch / in casteiung /  
zemung vnd demütigung des vn=  
bendigen Fleisches fur Gott aller=  
meist aber ligt sie am Geist vnd  
hertzen / wie oder warumb / vnd  
aus was meinung oder willen je=  
mand solches thue ? Welcher  
massen vnd gestalt die Fremden  
nützlich / vnd Got wolgefelliglich  
fasten / vnd widerumb nicht fa=  
sten / sondern sich dafur hüten  
sollen / wird im Propheten ver=  
meldet / vnd vom D<sup>er</sup>rn selbs  
öffentlich geleret.

**Jes. 58. a b**  
**Mat. 6. b**

Als von vnterscheid vnd  
erwelung der speis zu halten sey /  
sol

sol ein jeder aus der lere Christi /  
damit allerley vnrichtigkeit auff=  
gehabten vnd entschieden wird /  
lernen / Der das Volck zu sich be=  
rieff / vñ zu dem selben also sprach:  
Höret vnd vernemet / was zum  
munde ingehet / das verunreini=  
niget den Menschen nicht / son=  
dern was zum munde ausgehet /  
das verunreiniget den Menschen.  
das ist / bringet in in schuld / Auch  
aus der Apostolischen lere / die al=  
so lautet / Ich weis vnd bins ge=  
wis in dem W<sup>r</sup>rn Ihesu / das  
nichts gemein ist an im selbs / on=  
der es rechnet für gemein / dem  
selbigen ist vnrein / so aber dein  
Bruder vber deiner speis betrübet  
wird / so wandelstu schon nicht  
nach der liebe / Lieber verderbe  
den nicht mit deiner Speise / vmb  
welches willen Christus gestor=  
ben ist. Denn das Reich Gottes  
ist nicht essen vñ trincken /  
son

Mat. 15. 6  
Mar. 7. 6

Rom. 14. 6

W iij

## Vom Fasten.

sondern gerechtigkeit vnd friede/  
vnd freude in dem heiligen Geist.  
Es sind wol die Christen hierin  
gesetzfrey / doch so fern sie den  
schwachen nicht ergerlich sind.  
Darüb setzt er hinzu: Es ist zwar  
alles rein / aber es ist nicht gut/  
dem/der es ißset mit ergernis eines  
andern. Vnd anderswo sagt er:  
Die speis fordert vns nicht für  
Gott / Essen wir/so werden wir  
darumb nicht besser sein / Essen  
wir nicht/so werden wir darumb  
nichts weniger sein.

1. Cor. 8. b

## Der neunzehend Artickel/

Von dem Freien/ vnd Ehe-  
lichen stande.

**W**EN FREIEN / Jung-  
frawen vnd Widwen-  
stand / wird geleret / das  
er stehe in freier wilkür/  
zu erwelen oder zu lassen. Denn er  
ist von

ist von Gott gesetzweis menniglichen nicht geboten noch eingesetzt/ vnd widerumb nicht verboten. Vnd darumb sol niemand weder dazu noch dauon mit vnwillen gedrungen werden.

Als aber die Kirch vnd etliche Personen/ vnd in sonderheit derselben Diener/ belanget/ da haben die vnsern anhenglich geleret/ vnd leren auff's erste/ das die gabe der Keuscheit etlichen Personen durch sondere gnade Gottes vnd des heiligen Geists gegeben worden ist/ vnd heutiges tages geben wird zu sonderlichem nutz vnd dienst der Kirchen/ Wie die öffentliche rede des Herrn anzeigt/ Das Wort/ spricht er/ fasset nicht jederman/ (das ist/ das er on Ehe bleibe) sondern denen es gegeben ist. So setzts vnd rhümet auch der heilige Paulus für

Mat. 19. 6

1. Cor. 7. 8

Von der Keuscheit.

ein' sondere gab vnd beruff. Zu dem bezeugen solchs die exempel/ an etlichen aus den Propheten/ Aposteln' / heiligem Johanne/ vnd darnach vielen Kirchendienern vnd Dienerin. Auff's ander/ Das diese gabe nicht sey aus Fleisch vnd blut/denn solchs hat der Herr hie von vnterschieden / vnd abgesondert/sondern ein eineriger Geist / der Gottes ehr/ sein selbs / vnd des nehesten heil / auch den Kirchendienst hertzlich liebet/ vnd derhalben sich auch vom Ehestande freiwillig enthekt. Darumb spricht der Herr/ die sich selbs verschnitten haben / vmb des Himelreichs willen / das ist/ die da köndten Ehelich werden/ vnterlassen es / aus hertzlicher liebe / lust vnnd freude / die sie an Gott vnd seinem wort haben vnd bewarē durch diese gab des geists (der da krefftiger ist den die natur)

Mat. 19. 6

beiz

de des geists vnd leibes reinigkeit/  
 ob wol nicht one mühe. Gleicher Mar. 10. d  
 weis wie auch alle Christen ande-  
 re liebliche vnd bequeme dinge/  
 als freunde/reichthum vñ Welt/  
 nicht durch wenig mühe vnd ar-  
 beit/verlassen. Aufss dritte/ Das  
 der freie stand erwelet sol werden  
 aus rechter meinung / das ist /  
 Nicht darumb / das jemand im  
 selber / oder einem andern verzei-  
 hung der Sünde / das ewige le-  
 ben / vnd also die seligkeit hiemit  
 verdienen solt. Denn keine enthal-  
 tung oder Keuscheit / noch irgends  
 ein ander Menschlich werck oder  
 tugent solches verdienen kan /  
 Solchs thut nur allein des ein-  
 gebornen Sons / vnsers D<sup>er</sup>rn  
 Ihesu Christi vnschuldiger tod.  
 Auch nicht der meinung / das  
 durch diese gab die heiligen Kir-  
 chendienst solten für besser gehal-  
 ten / oder würdiger vñ höher vber  
 der je

## Von der Keuschheit.

jenigen Diener dienst / so im Ehestande erhoben sein werden / sondern wie der Herr sagt / vmb des Himelreichs willen / das ist / das der / so durch die obgenante gabe zum freien stand tüchtig ist / zu der seligkeit mit weniger verbindung desto leichter vñ fertiger / mit mehr müsse vnd bequemißigkeit / der Kirchen vnd heiligen versamlungen dienen möge. Vnd also eben zu derselben seligkeit die in durch Christum erworben / vnd aus gnaden vmb sonst durch den Glauben dargeben ist / vnd in der er sich selbst verwaret vnd hütet / andere dergleichen desto besser bringen könne. Sintemal solches gewis ist / das der Ehestand viel hindernis / bekümmernis vnd vnruhe hat. Vnd danon redet der heilige Paulus: Ich wolt / das jr

1. Cor. 7. d on sorge weret / Wer ledig ist / der sorget was dem Herrn angehöret.

ret / wie er dem **HERN** gefalle.  
 Item: Ich meine / solches sey gut  
 vmb der dringenden not willen.  
 Item / von wegen des wolstands /  
 denn es ist fein / das jr stets vnd  
 vnuerhindert dem **HERN** dienen  
 könnet. Vnd droben ist des **HERN**  
 reden rede angezogen / da er spricht:  
 Etliche sind / die sich vmb des  
**Reichs** willen enthalten.  
 So schreibet **S. Paulus**: Welcher  
 nicht verheirat / der thut besser.  
 Derwegen wird geleret / das alle /  
 so diesen stand freiwilliglich er=  
 wehlen / auffss höchste darnach  
 streben sollen / das sie sich darinne  
 mit sonderm ernst an der Gottse=  
 ligkeit vben / vnd heilig sein / wie  
**Paulus** sagt / beide / an leib vnd  
 Geist / Dazu in guten wercken / in  
 Christlicher arbeit vnd dienst der  
 Kirchen / vnd handreichung jrer  
 glieder / den Krancken vnd not=  
 dürfftigen / andern fürleuchten.

Diese

## Von der Keuschheit.

Diese gabe vnd den fursatz  
derer/die sich also hierin Gott hei-  
ligen/ auch ire Gottselige vbung/  
loben die vnfern / vnnnd raten da-  
zu auch trewlich / sie raten / sagen  
wir / vnd zwingen nicht / zugleich  
mit dem heiligen Paulo / der da  
spricht / Von den Jungfrawen  
1. Cor. 7.c. habe ich kein gebot des D<sup>E</sup>RRN /  
ich sage aber meine meinung / als  
ich barmhertzigkeit erlanget habe  
von dem D<sup>E</sup>RRN / trew zu sein /  
Das es dem Menschen gut sey als  
so zu sein. Vnd beschleust hiemit  
Seliger ist sie / wo sie also bleibet /  
nach meiner meinung / Ich halte  
aber / ich habe auch den Geist  
Gottes. Wie denn auch solchen  
fur andern gnedige vnd sondere  
verheissungen geschehen / vnd ei-  
Sapi. 3. c. gene vergeltung zugesaget wer-  
den / das gute erbeit herrliche lohn  
gebe / vnd niemand nichts vmb  
des D<sup>E</sup>RRN willen / vergebens  
ver-

verlasse / als Haus / Vater / Bruder Mat. 19. 8  
 der / also auch das Weib etc. Wie  
 denn die Aposteln gethan haben.

Ferner wird geleret / welche  
 nu diese gabe von Gott empfan-  
 gen haben / vnd darin gepruffet  
 dem Herrn vnd der Kirchen  
 gutwillig dienen / das sie jnen die-  
 se Kirchengab neben andern tew-  
 er wegen / vnd vleissig bewaren /  
 damit sie dieselb / durch keine böse  
 lüste / oder böse gelegenheit verlies-  
 ren.

Woch wo sichs begeben / das  
 etwa ein fromen / trew vleissigen  
 man solche anfechtung anfiel /  
 das er der brunst vnd sünde sich  
 besorget / da wird niemand kein  
 falstrick noch versehrung des ge-  
 wissens gelegt / sondern ein sol-  
 cher wird zum rat der Eltesten /  
 vnd vorgesetzten / so Gottes Geist  
 hat

Von der Keuschheit.

Haben / abgefertiget. Damit alles  
ordentlich / erbarlich / zu gutem  
fürbild / vñ mit allerley bedencken  
in der Kirchen zugehe. Vnd wo er  
auff diese weise ordentlich seinen  
stand verendert / so sündiget er  
nicht / denn er gehorchet dem rat  
des heiligen Geistes. Vnd die hei-  
lige Kirche sol in darumb nicht  
verachten / noch seinen dienst vn-  
werd halten / Wo sie in aber ver-  
schmehet / welchs die Kirche one  
sünde nicht thun kan / so ist im je  
besser / das er seine Seel erhalte /  
wenn er gleich nur ein gemeiner  
Christ bleiben solt / denn das er  
im ampt mit sünden bleibend /  
dieselb verdamnet. Wiewol es  
sich aber ansehen lesst / dem bilde  
der ersten Kirchen neher zu sein /  
das man würdige vnd erbare Ehe-  
männer zur Kirchen Seelsorg er-  
wehle / denn das man die / so zu-  
vor frey vnd ledig im dienste des

DEIN

WELCHEN geerbeitet haben ihren stand verendern lasse: So wird doch von den vnsern/wie die seligkeit/so auch die würdigkeit/heiligkeit vñ krafft des Kirchenampts auff keinen dieser beider Ehlichen oder freien stand gegründet/noch hierin /außerhalb der einigen zufälligen gelegenheit vnd bequemlichkeit vom heiligen Geist gepreiset/etwas anders gesucht vnd bedacht.

Folgend leret man vom Ehestandt also /Das dieser standt ob wol mit viel beschwer / peen vnd bann / nach dem fall / beide das Menschlich geschlecht vnd erbeladen ist / dennoch heilig vnd Gott angemen sey / darnumb / das er in selbs anfenglich eingesetzt / vnd nachmals Christus der Herr geheiliget hat / vñ den seinen teglich durch den glauben / an in heiliget / also das auch ihre  
 N frucht <sup>11</sup> Cor. 7.6

Von der zeit der gnaden.

frucht heilig ist / vnd vber das  
auch sonderlich eigne verheissung  
vnd segen hat / von Gott in der  
Schrift gefasset. Daher alle rech-  
te Christen wissen sollen / welche  
inen diesen Stand ordentlich er-  
welen / sich mit auffrichtiger mei-  
nung darin begeben vnd bleiben /  
das sie nicht allein nicht sündi-  
gen / sondern Gottes willen mit  
guten gewissen volbringen / vnd  
im stand eines beruffs stehen / das  
zu Gott etliche in sonderheit for-  
dert / vnd eben denselbigen D<sup>r</sup> Er-  
ren / wie auch die Freyen / dienen.

Der zwenzigst Artickel/  
Von der zeit der Gnaden.



Nach vnd vnter allem  
wird geleret / Von  
der zeit der Gnaden  
vnd Veterlichen  
heimlich

Heimsuchung/auff das die Men-  
 schen lernen bedencken/das inen/  
 so lange sie alhie leben / die gna-  
 denreiche zeit von Gott verliehen  
 wird/darin inen **WELCHEN** Gott/  
 vnd seine gnade / barmhertzigkeit  
 vnd huld zu suchen / vnd also jr  
 seligkeit alhie in Christo zu erlan-  
 gen. Wie der Apostel in seiner pre-  
 digt zu Athenen davon vermeldet/ **Acto. 17. 9**  
 da er spricht/ Gott hat den Men-  
 schen ziel gesetzt/zunor versehen/  
 wie lang vnd weit sie wonen sol-  
 len / das sie den **WELCHEN** such-  
 en solten/ob sie doch in fülen vnd  
 finden möchten. Vnd durch den  
 Propheten Jesaiam spricht Gott:  
 Ich habe dich erhöret zur gnedi- **Jes. 49. 9**  
 gen zeit / vnd habe dir am tage **2. Cor. 6. 4**  
 des Weils geholffen. Sehet/itzt  
 ist/saget Paulus / die angenehme  
 zeit / itzt ist der tag des Weils.  
 Derhalben vermanet man das  
 Volck on vnterlas / das sie / die-  
 e. N ij weil

Von der zeit der gnaden.

weil sie auff Erden leben / gesund  
sind / vnd die gegebene gnaden-  
zeit von Gott vorhanden haben /  
rechtshaffene Bussse thun / besse-  
rung ihres lebens furnemen / sich  
mit Gott versünen / ire Bewissen  
durch den glauben an Christum  
auffrichten / durch das ampt des  
Euangelij / in der Kirchen befrie-  
den / vnd damit sich versichern /  
das ihnen Gott vmb Christi wil-  
len gnedig ist / vnd alle Sünden  
vergibt. Wo sie nu in dieser ange-  
botenen gnad bestetiget sind / vnd  
in guten Wercken sich trewlich  
bemühen / iren beruff fest zu ma-  
chen / sollen sie auch endlich in ge-  
wisser hoffnung ein seligen aus-  
gang warten vnd schliessen / das  
nemlich / nach dem todt ire See-  
len warhafftiglich werden / wie  
jenes fromen Lazari Seel / von  
den Engeln in die ewige himli-  
sche ruge getragen werden / auff  
das

Luc. 16. c

das sie alda sein / wo jr Herr vnd  
 erlöser Christus Ihesus / vnd dar- Joh. 14. a  
 nach am tag der aufferstehung  
 widerumb mit iren Leiben verfu-  
 get werden / zur ewigen / vnans-  
 sprechlichen freud vnnnd herrlig-  
 keit. Denn sie nicht in das Ge- Joh. 5. c  
 richt komen werden / sondern mit  
 grosser freud vom tod zum leben  
 hindurch dringen. Zu solcher er-  
 manung erweckt vns die Epistel  
 zu den Ebreern / sprechend: Erma-  
 net euch selbs alle tage / so lange Ebre. 3. b  
 es heute heisset / das nicht jemand  
 vnter euch verstockt werde / durch  
 betrug der Sünde / denn wir wer- vnd 4. a  
 den zur ruge eingehen / die wir ge-  
 glaubt / das ist / der Göttlichen  
 stimme gehorchet haben in der  
 zeit.

Widerumb ist auch fur ge-  
 wis vnd vnzweinelich zu wissen /  
 wo der Mensch in Sünden / öf-  
 fent-

Von der zeit der gnaden.

fentlichen vntugenden vnnnd Lastern/one warhafftige Bus vnnnd Glauben / von dieser Welt mit todt abgeheth / das seine Seele / wie jenes glaublosen reichen Mannes / gewislich zur Dellen/ in welches abgrund kein tröpflein gnad ist/faren mus / vnd am tag des Gerichts in seinen ohren hören schallen / die vberaus schreckliche stimme des Sons Gottes/daer sprechen wird / Gehet hin von mir jr verfluchten in das ewige Feuer/das bereitet ist dem Teuffel vnd seinen Engeln. Denn es werden erfür gehen die vbels gethan haben zur aufferstehung des Gerichts.

Mat. 25. c

Joh. 5. d

DArumb wird mit leren vnablässiglich angehalten / das niemand seine Bus vnd Bekerung zu Gott bis ins alter / oder in die Franckheit spare / vnd vnter des  
in

in Sünden oder fleischlichen vnd weltlichen lüsten vermeslich sein Ecclesi 5. 9  
 mitwillen treibe. Denn geschrie-  
 ben stehet / Dencke nicht / Gott ist  
 sehr barmhertzig / er wird mich  
 nicht straffen / ich sündige wie  
 viel ich wil / er kan bald also zorn-  
 nig werden / als gnediger ist / vnd  
 sein zorn vber die Gottlosen hat  
 kein auffhören / Darumb ver-  
 zeuch nicht / dich zum **NEXX**  
 zubekeren / vnd schieb es nicht von  
 einem tag auff den andern. Denn  
 sein zorn kompt plötzlich / vnd  
 wirds rechen / vnd dich verder-  
 ben.

Sonderlich aber ist es sehrlich  
 so jemand nach empfangener  
 Göttlicher gnade / vnd zeugnis ei-  
 nes guten Gewissens fürsetzlich  
 vnd mitwillig sündiget / vnd als  
 le hertzliche / veterliche verma-  
 nung vnd lockung sein bestes in  
 . N iij der

## Von der zeit der Gnaden.

der zeit zu bedenccken / verachtet /  
vnd in windt schlecht / vnd vber  
das mit vermessenheit vnd blind-  
heit auff Gottes barmhertzigkeit  
sündiget / derselben trotzet vnd  
misbraucht / vnd on Zus bis zu  
den letzten zügen verharret / vnd  
da allererst durchs tods schrecken  
vnd furcht hellischer pein erwe-  
cket / sich so spot wil bekeren / vnd  
zu Gott vmb erbarmung schrei-  
en / wenn nu Gottes ernster / vn-  
ertreglicher zorn anbrennet / vnd  
die straffen wie ein gewaltiger  
strom on alles stewren / einreissen  
vnd durchbrechen . Es ist leider  
zubeforgen / es erfülle sich an sol-  
chem / was Gott durch den Pro-  
pheten Micheam drewet / das er  
on stat der gnaden / seinen grim-  
migen zorn erfahren / vnd dadurch  
auffgerieben werden mus. Denn  
er saget sehr schrecklich also / Wenn  
ir zum **WELCH** schreien wer-  
det /

Prott. 1. f  
Jes. 30. f

Mich. 5. a

det / wird er euch nicht erhören /  
 sondern wird sein angesicht für  
 euch verbergen zur selben zeit / wie  
 jr mit ewrem bösen wesen verdient  
 habt. Ja Gott spricht selbs /  
 wenn sie gleich mit lauter stimme  
 für meinen ohren schreien / in jrer Ezech. 9. 7  
 not / wil ich sie doch nicht hören. Jere. 7. 11. b  
 Dieweil sie meine stimme nicht Jes. 65. a b  
 hören wollen / da ich meine Den- 66. b  
 ke den gantzen tag zu jnen ausre-  
 cket / vnd jnen zum vberflus zeit  
 vnd weil zur gnaden gab. Dar-  
 umb rüffet der heilige Geist / vnd  
 spricht: Heute so jr hören werdet Ebre. 3. a  
 seine stimme / so verstocket ewre psal. 95. b  
 hertzen nicht / als geschach in der  
 verbitterung / am tage der versu-  
 chung in der wüsten.

Dem allem nach vermanen  
 die vnsern mit vleys / aus grund  
 der Schrifft / das jederman bey  
 sorglicher gefahr / ja auch bey ver-  
 lust

Von der zeit der Gnaden.

lust seiner Seel / dieses trewen rats  
vnd nötigen lere in der zeit pflege /  
vnd derselben nachkome. Denn  
es ist warlich zum höchsten / vnd  
erschrecklicher weis zu befürch-  
ten / das nicht solt ein jglicher bil-  
lich empfaben / seinen verdienten  
lohn des ewigen todes / der die  
gnedige von Gott verliehene zeit  
zur Bus / so leichtfertig vnd fre-  
nelig verachtet. Wie auch der  
heilige Ambrosius / da er allerley  
auff die meinung redet / vnter an-  
dern also saget / Wer in seiner  
Kranckheit / in der letzten stunde  
Busse thet / vnd absoluiret würd /  
welches wir im nicht abschlagen  
könten / der zeucht dahin / aus  
dem Leib / vnnnd stirbt / aber ich  
thar nicht sagen / das er wol von  
hinnen feret / ich sages nicht /  
vnd thar es / sprich ich / nicht sa-  
gen / ich gelobe nicht dafür / ich  
wil euch nicht betriegen / keine  
gewis

*Ambrosi:  
lib. 3. De  
pœnitentia*

gewisheit hab ich von jm: ich sage nicht das er verdampt ist / so sage ich auch nicht / das er selig sey/in summa/ich weis nicht was ich sagen sol / Gott sey es befohlen. Wiltu lieber Bruder deines Heils gewis sein / vnd der vngewisheit entgehen / so thu Bus/ weil du gesund bist / wo du aber erst Bus thun wollest / wenn du nicht mehr wirst zu sündigen vermügen / so haben die Sünden von dir gelassen / vnd du nicht von den Sünden. Vnd der heilige Augustin / Sintemal aber die spate / vnzeitige bekerung gar selten / vnd schwerlich jemals rechtschaffen ist / zimet jederman sich dafür zu entsetzen / vnd zuerbleiben.

Aug: lib.  
2. Solilo.  
quij cap.  
17.

Doch damit niemand verzage/leret man/wenn gleich auch in der letzten stunde zeichen der rech-

Von der zeit der gnaden.

rechten Bus / bey jemand erschie-  
ne / welchs selten geschicht / denn  
es je war ist / was die Epistel zun  
Ebreern saget / das wollen wir  
Ebre. 6. a thun / so es Gott anders zulesset /  
das ein solcher nicht sol on vnter-  
richt / one trost vnd verzeihung  
der Sünde gelassen werden / Denn  
die zeit der Gnaden weret / so lang  
dis leben weret. Vnd darumb so  
lange das stehet / wil sich gebüren /  
das man gedencke an jenem ob-  
angezogenen Prophetischen vnd  
Apostolischen spruch / Heute / wo  
jr anders seine stimme höret / ver-  
stockt ewre hertzen nicht.

Dahin arbeiten nu die vn-  
sern / mit rechtem warem ernst /  
auff das alle diesem gnedigen be-  
felh vnd rat gehorchen / eilends  
Busse thun / vnnnd ehe denn die  
Sonn vngewöhnlicher art vertun-  
ckelt / vnd die berge mit finsternis  
vber-

vberfallen werden / durch able- *Gyprianus*  
 gung der Sünde sich mit vertrew *lib. 4. E-*  
 licher zusflucht / vnd hertzlicher be- *pist. 1. Con-*  
 stendiger anruffung zu Gott beke- *tra Deme-*  
 ren / vnd sich trewlich bemühen / *trium.*  
 das sie von der herrligkeit des ewi-  
 gen lebens nicht verstoffen wer-  
 den / sondern mit Christo vnd sei-  
 ner Kirchen / hie zeitlich / vnd dort  
 ewiglich / in gnaden leben  
 mögen / Amen.



Also ist nu bisher  
 E. X. K. M. die  
 rechenschafft vnd  
 ursach vnsers glau-  
 bens / Lere / vnd  
 Christlichen Reli-  
 gion entworffen vnd angezeigt /  
 Welche Lere vnser Kirchendie-  
 ner allesampt / vnd ein jeder / nach  
 der gab im von Gott verliehen /  
 eintrechtiglich halten / füren vnd  
 pres

predigen / vnd wider die jenigen /  
so dieselb anfechten / oder dage-  
gen irthumb leren / bestendiglich  
nicht mit weltlicher macht / son-  
dern mit Göttlicher Schrift /  
schützen vnd verteidigen. Vnd  
doch nicht one Christliche be-  
scheideneit darauff bestehen /  
noch jemals gestanden / Son-  
dern / wo etwa ein misverstandt  
dabey befunden / vnd jnen mit  
gewissen gründen aus Gottes  
wort / welches aller Menschen re-  
gel sein sol / in senffemütigem geist  
wie sich denn gebüret / angezeigt  
wird / bereit / willig vnd erbötig  
sind / wie sie allewege gewesen / in  
gebürlicher erwegung vnd war-  
hafftigem erkentnis der warheit /  
gründlicher lere mit grosser danck-  
barkeit anzunemen / vnd gern  
wirklich zu bessern.

DArumb aller Durchleuch-  
tigster König gnedigster Herr /  
E. K.

E. K. M. wollen nu dis vnser be-  
kennis vrteilen / mit vleissiger /  
rechtmessiger erwegung / ob auch  
jemand solche Lere / mit recht  
vnd billigkeit / als were sie der  
Göttlichen Schrift vngemes /  
vnd Vnchristlich / verwerffen vnd  
verdammnen könne? Wir haltens  
zwar dafur / wo sich jemand vn-  
tersieng dieselb zu verachten vnd  
zuuerdammen / das eben der  
auch die heilige Schrift / daraus  
sie gezogen / vnd die alten rechten  
Christlichen Lerer / mit denen sie  
sich vergleicht / Ja auch die hei-  
lige Kirche / welche anfenglich als  
so bestendiglich gehalten vnd  
helt / verdammnen müsse.

Wd hieraus haben E. K.  
K. M. gnedigst zuuernemen vnd  
zuschliessen / Ob vnserer vnd  
vnserer Lerer Misgünstigen vnd  
Widersacher Kleglich anbringen /  
vnd beschuldigung, rechtmessig  
sey

sey oder nicht? Derwegen wir  
auff's demütigst bitten / E. K. K.  
Majest. wollen vnserm gegen-  
teil in irem vngleichen vnd vn-  
gegründten bericht kein stat  
noch glauben setzen / damit sie  
vns / vnd vnser Diener vnd Pre-  
diger / vngütlich aufflegen / als  
solten wir einen andern glauben  
vnd Lere haben / aufferhalb der /  
so E. K. M. wir hiemit vberge-  
ben / oder das wir etwas anders  
wider Gott / vnd E. K. M. auch  
Policey / ordnung / oder Land-  
recht der Kron zu Behem eigen-  
sinniglich fürnehmen solten:

Wissen doch E. K. M. sich  
wol zu erinnern / das wir vns je/  
vnd allweg gehorsamlich vnd  
friedlich gehalten / vnd in allem /  
so zur wolffart E. K. M. vnd ge-  
meinem nutz vnd fromen der gan-  
tzen Kron gedeien vnd gereichen  
mögen / nicht die letzten zu sein /  
vns

vns befließen / sind auch hinfür-  
der / solchs auff's willigst zuerzei-  
gen / erböttig nach inhalt vnserer  
pflicht vnd gebäre. Vnd halten  
es nicht allein für ein tugend / er-  
barkeit vnd weltliche ordnung /  
E. K. M. vnterthenig vnd getrew  
zu sein / vmb fried / einigkeit vnd  
zeitlicher belohnung willen / son-  
dern erkennen es mehr für den  
wolgefelligen willen Gottes / das  
jederman vmb's gewissens willen  
der Oberkeit gehorsam sein / sie  
ehren / lieb / hoch vnd werd hal-  
ten sol. Wie denn vnserer Lerer  
beide vns vnd den gemeinen Man  
dahin halten / vnd off't aus Gots  
tes wort berichten.

¶ Nun hiemit E. K. M. als  
vnserem gnedigen Herrn / vns in  
ire Väterliche / gnedige sorge /  
schutz vnd schirm befehlen / vnd  
dieselben E. K. M. auff vnser  
Christliches ansuchen / vmb ein  
D gne

gnedige vnd Gott wolgefellige  
antwort/ in aller vnterthenigkeit  
bitten.

Der allmechtige ewige Gott/  
wolle E. K. M. in langwiriger ge-  
sundheit / zu nutz/ wolfart/ vnd  
gedeien seiner heiligen Christli-  
chen Kirchen gnedig-  
lich erhalten/  
Amen.

Im Buch der Sprich am 20.  
Capitel.

Fromb vnd warhafftig sein/be-  
hüten den König/vnd sein Thron bestet-  
het durch frömigkeit.

# Folgen zwen

Sendbrieff / Herrn Lu-  
theri vnd Philippi / sampt  
einer Schrifft Buceri.

Dem Ehrwürdigen Bru-  
der in Christo / Johann Augu-  
sta / Diener des Wortes zu Leutmischel /  
bey den Brüdern / meinem gar  
lieben Freund.



Nach vnd fried im  
NACHN / Lieber  
Herr Johann /  
Brieffzeiger ewer  
Mitbruder / Lau-  
rentius von Lent-  
mischel / hat mich gebeten / ich  
wolt euch schreiben / Vnd mich  
daneben berichtet / was jr gegen  
mir geginnet / wie rechtschaffen

D ij vnd

vnd one falsch jr es meinet / Auch  
wie jr meiner in ewrem Gebet ge-  
dencket / des ich mich denn gegen  
euch allen semplichen bedancke /  
vnd bitte euch / jr wollet auch fort  
hin für mich beten / denn ich es  
bey mir vngeweineilt dafür halte /  
das die zeit meines armen lebens  
auff Erden nicht mehr lang sey /  
Jeh wünsch aber das Gott mei-  
ne Seel im friede von hinnen ne-  
me / vnd das Geschehe mit gna-  
den / Amen.

W<sup>l</sup>iter vermane ich euch im  
D<sup>l</sup>Ern / das jr mit vnd bey vns /  
bis ans ende aushaltet wollet /  
in der gemeinschafft des Geists /  
vnd der Lere / wie jr habt ange-  
fangen / vnd streitet neben vns /  
mit dem Wort vnd Gebet / wider  
die pforten der Dell / welche die  
Kirchen Gottes / vnd Christum  
den D<sup>l</sup>Ern / vnd das haupt ders-  
selben / on vnterlas anfechten /  
vnd

vnd ob es wol bisweilen sich an-  
sehen leß / als wer er dem Satan  
zu schwach / so wird doch sein  
sterck in vnser schwachheit ver-  
bracht / vnd seine weisheit in vn-  
ser thorheit gepreiset / vnd sein gü-  
tigkeit wird in vnserer bosheit  
vnd Sünden gerhümet / vnd herr-  
lich nach seinen wunderbarlichen  
vnd vnerforschlichen wegen /  
Derselbige stercke / beschütze / er-  
halt vnd fertige vns vnd euch / zu  
demselbigen seinem bild / vnd zu  
der glori / vnd ehr seiner barmher-  
zigkeit / die in ewigkeit zu preisen /

Amen. Geben Dornstag  
nach Francisci / im jar  
Christi 1542.

Grüßet alle die Brüder im  
DERRn dienstlich.

Martin Luther  
Doctor.

D iij Dem

Dem Ehr=  
würdigen in Christo / Her=  
ren Benedicto / vnd andern  
Waldenser Brüdern / in  
Behem.

**N**ad vnd friede etc.  
Ich halts dafür / acht  
bar / lieber Freund /  
das ewre Brüder / in  
dieser vnser vnterres=  
dung / in vielen dingen mein mei=  
nung besser denn zuvdr verstan=  
den vnd eingenomen haben / vnd  
düncket mich / ich habe auch  
ewer ding völliger gefasset. Weil  
wir denn in den fürnemesten Arti=  
ckeln Christlicher lere eins sind /  
so last vns einander auffnemen  
in der liebe / vnd sol die vngleichheit  
der gebrenche vnd Ceremonien  
vnser hertzen nicht trennen. Der  
hei=

Heilige Paulus thut offte meldung  
von den Ceremonien / vnd von  
wegen der vngleichheit in densel-  
ben / verbent den Christen sich  
zu sondern / ob wol die Welt dar-  
über heffrig streitet. Die ernste  
vbung der zucht / so in ewren Kir-  
chen gehalten wird / gefelt mir  
warlich nicht vbel / wolt Gott sie  
kündte auch in vnsern Kirchen et-  
was gestrenger gehalten werden /  
meine wolmeinung gegen euch  
belangend / haltet es dafur / das  
ich von hertzen wünsche / das die  
jenigen / welche das Euangelion  
lieb haben / vnd begeren / das Chris-  
tus namen verhümet / vnd weit  
ausgebreitet werde / gegeneinan-  
der Christliche / holdselige liebe  
fassen vnd tragen / vnd sich sempt-  
lich fleissigen / ire Lere auff Chri-  
sti ehre zu richten / Damit sie  
durch einheimischen hass / oder  
leidigen zwietracht sich selbs  
nicht verderben / sonderlich vmb

derer ding willen / vmb welcher  
wegen man nicht sol vnruhe oder  
lernen anrichten. Diemit Gott  
befohlen / Bittet für mich / vnd  
für die ehre Christi. Geben zu  
Wittemberg / im Jar

1535.

Philippus Melan-  
thon.



Aus

# Aus dem buch

Buceri / des Titel ist /  
zweierley schreiben / wider den  
Latommum etc. im Capitel von der  
Kirchen gewalt. Am  
159. blat.

**D**iese weise ist fur  
war die beste / wel-  
che die Bruder Pi-  
carden genent / hal-  
ten / die jres Glau-  
bens bekentnis  
newlich dem Könige Ferdinando  
zugestellt im Jar / 1535. ausgehn  
haben lassen / mit einer Vorrede  
Doctor Luthers / welche fast al-  
lein in der Welt / neben der reinen  
Lere / eine starcke Christliche zucht  
halten / das wir jnen aber solch  
lob geben / vnd den D<sup>n</sup>Ern / der  
also

also in jnen wircket / rhümen / das  
zu zwinget vns die warheit / Ob  
wol diese Brüder von etlichen  
verferten Gelehrten verachtet wer-  
den.

Die weise aber die sie hierin  
halten / ist diese / Neben den Die-  
nern des Worts vnd Sacrament/  
haben sie ein verordneten Kirchen  
rat / ein anserlesene zal / von erba-  
ren vnd fürsichtigen Mennern /  
mit sondern gaben des Geists be-  
gnadet / deren ampt ist / die Brü-  
der so da sündigen / zu vermanen  
vnd straffen / die vneinigen versö-  
nen / vnd in jren Streitsachen sie  
zu entscheiden. Die Kerffe aber  
des Bannes wird nicht volnzo-  
gen / es sey denn der handel der  
gantzen gemein angetragen / vnd  
mit einmütigen bedenccken erkant/  
als den wird erst das vrteil durch  
den Obersten fursteher der Kir-  
chen gesprochen.

Don

Vn solchen Eltesten schreibet auch der heilige Ambrosius / vber die erste Epistel an Timotheon / Cap. 5. Wie auch die Schulen im Judenthumb / vnd nachmals die Christliche Kirche Eltesten gehabt / on welcher rat in den Kirchen nichts furgenommen worden. Aus was nachlässigkeit aber solches abgangen sey / kan ich nicht wissen / es sey denn vielleicht faulkeit der Lere geschehen / oder mehr aus hoffart / wenn sie nur allein etwas haben sein wol-

len etc.

3. Johan. 8.

Demetrius / hat zeugnis von jederman / vnd von der warheit selbs.

Demetrius hat zeugnis von jederman / vnd von der warheit selbs.

Demetrius hat zeugnis von jederman / vnd von der warheit selbs.

1790073



Bedruckt zu Witten-  
berg / durch Johann  
Schwertel.

